

*Ricardo Croes:*

**“Cannabis no ta e problema cu nos tin, ta falta di educacion y informacion di calidad”**



LesA A2



**Aruparking awor cu 15 minuut gratis despues cu bo tempo vence**

LesA A5

*Marlon Sneek :*

**Si e porta ey tabata habri, awe no lo ta bringando pa e ley aki**



LesA A3

## Algun persona a bay atraca habitante den su cas na Madiki

**MADIKI** – Diabierna mainta autoridadnan tabata presente na un cas na Madiki caminda habitante a wordo atraca den su cas. Segun bisiñanan for di mainta a mira algun persona hoben a core dreña e cura di cas y despues a sali na careda bay direccion zuid. A resulta cu nan a

atraca e habitante den su cas, uzando forza pa asina bay cu pertenencianan di balar cu tabatin paden. Recherche di atraco team tabata na e sitio pa tuma e datonan, y sin cu e atracadonan sa, tabatin camara scondi cu a graba e escenario unda investigacion grandi ta andando. □



## Florimond tabata molestia tur hende na Arco Iris

**ORANJESTAD** – Diabierna atardi presencia di Polis tabata solicita na Arco Iris den Caya Grandi, debi cu e conocido adicto Florimond tabata haci fastioso. Tur hende cu yega e tabata molestia nan y ta conoci cu Florimond ta un persona cu no tin

hogar y e tin malesa contagioso. Te hasta ni departamento di salubridad y otro departamentonan di Gobierno no kier haci nada pa kita e persona aki for di caya y duna atencion cu e tin mester pa su malesa. □

**Pizza Hut**  
TRIPLE TREAT  
**BOX**  
TAKE-OUT OR DELIVERY ONLY





*Ricardo Croes:*

**ORANJESTAD - Segun Ricardo Croes, awo Master Student na Universidad di Aruba den Facultad di Derecho, nos legisladonan mester a realisa caba cu pa e motibo cu nan ta falta e conocimiento medico y cientifico necesario di e materia ta kisas un di e motibonan pakico nos no por avansa ariba e tereno di regulacion y/of legalisacion di Cannabis y e beneficio real cu esaki por trece pa pais Aruba den diferente area awor aki mas cu nunca.**

#### **Pakico a dicidi di bay studia ley?**

Despues di a pasa y mira den varios situacion fastioso riba caya pa cu e manera con ta trata cu droga y despues di a haya mi mesun experiencia cu polis y wordo trata na un manera cu e no ta kere cu ta husto relaciona cu e consumo di Cannabis na Aruba, mi a dicidi di bay studia ley na Universidad di Aruba. "Ami no ta kere cu husticia ta algo cu ta sosode riba su mes y mi no ta bao di e impresion cu den e forma cu ami ta mira husticia tuma luga na Aruba, cu esaki no ta husticia. Anto a

yega ora caminda mi di a yega momento pa mi haci algo al respeto", sr. Croes ta splica. "Loke mi por bisa bo di mi experiencia akinan como estudiante na Universidad di Aruba ta cu mi mester a traha basta duro no solamente pa mi estudio sino hasta pa e docentenan acepta manera cu mi ta. Esaki ta algo cu pa un motibo of otro semper tabata e caso varios biaha caminda cu tin hende na cuminsamento ta wak mi den un forma y despues nan ta realisa cu mi no ta ken nan a kere cu mi ta. Mi tin cu bisa cu e relacion cu mi tin cu tur e docentenan akinan na Universidad di Aruba ta uno hopi bon mes y e desaroyonan durante e añanan a bay solamente pa e miho", Sr. Croes ta splica Bon Dia.

Segun Sr. Croes, Te na e momentonan aki e no a defini precies ainda kico ta su siguiente pasonan despues cu termina su estudio di ley na Universidad di Aruba cual e ta spera cu Dios su poder pa finalisa e aña aki, sinembargo ta evaluando si ta bay sigui den abogacia pa continua cu abogacia pa asina eherce e profesion den futuro. "Den comparacion cu 2012/2013 cu ta e momento cu mi a cuminsa bin dilanti na radio y na television pa awor aki tin hopi cambio positivo na Aruba. Tin asina hopi cambio cu mi a puntra dokternan pa medio di un entrevista na un canal di television local pa por fabor nan stop di manda

hende cerca mi pasobra mi no tin ni cannabis ni oil pa yuda niun hende. Pero esey pa mi ta significa cu den e nivel di dokternan, e personanan cu ta encarga cu cuido di hende, un cambio a tuma luga. Sinembargo, e cos aki ta ilegal na Aruba y nos ta wordo confronta cu ley" sr. Croes a splica Bon Dia.

#### **Con por ta cu nos ta tuma algun ley over for di Hulanda y otronan no?**

Segun Sr. Croes, despues di 1986 Aruba tin un autonomia cual ta encera cu nos mes ta dicidi kico e leynan ta na Aruba pa cual nos ciudadanonan mester tene nan mes na dje. "Nos no ta obliga na ningun momento so pa djis tuma over locual ta di Hulanda, nos tin cu corda, nos no ta Hulanda. Sinembargo, nos a tuma over masha hopi ley pasobra nan ta beneficioso pa nos. Lastimamente, nos legisladonan kendenan ta esnan cu ta traha e leynan y faltando e informacionnan adecuado, nan ta tuma decisionnan erroneo" sr. Croes ta splica Bon Dia.

Sr. Croes ta agrega cu sinembargo hasta ora nan tin informacion corecto, nan ta tuma decisionnan erroneo. Ta manera cu nan a demostra di ta "partidista", of di ta sirbi un agenda personal y no e interes general di e pueblo. "Leynan di Hulanda, en principio ta conta pa Hulanda, na Aruba nos ta traha nos leynan y ami ta bao di e impresion

cu ya nos legisladonan mester a realisa caba cu nan falta e conocimiento medico/cientifico necesario di e materia y despensa mi bisa, pero nan falta di interes pa busca e informacionnan aki tambe y actua den un forma pro activo, acercando e mundo medico no solamente nacional, pero internacional, ta pone cu nan ta keda cu e leynan bieu, y cu nan intencionnan di papia di "gateway drug" etc, nan ta bay over, cual e gobierno aki a haci tambe, na criminalisa blachi y simia di cannabis cual no tabata algo castigabel den nos leynan, Sr. Croes ta splica.

Segun Sr. Croes, nos legisladonan no solamente no ta obliga pa tuma leynan over for di Hulanda, nan a tuma esunnan cu ta bon, pero nan ta deficiente den haci un trabao corecto cu ta beneficioso pa Aruba. "Mi ta prefera nos keda cu nos autonomia, mi ta prefera nos keda cu e responsabilidad di dicidi kico ta nos leynan, pero mi ta bao di e impresion tambe cu si nos tin cosnan bon cu nos por tuma over no solamente for di Hulanda, sino cualkier otro pais, nos mester haci esaki tambe semper y cuando e ta beneficio pa e comunidad di Aruba en general" Sr. Croes ta comenta.

#### **Legialisacion di Cannabis ta un necesidad**

Cu Cannabis mester ta legal awe ta un necesidad mas grandi cu tres aña pasa. Spe-

cialmente mirando e desaroyo concerni y cu e informacion disponibel tocante cannabis a bay dilanti formalmente segun Sr. Croes. "Ta masha hopi hende mes, den tur categoria, dus di adolescente, studiantenan, hendenan cu ta profesionalnan, pashentnan, hende grandi, ta na altura cu cannabis no ta e "gateway drug" cu nan ta purba di pusha keto bay na Aruba den cabes di hende. Cannabis no ta e problema cu nos tin, e problema cu nos tin ta falta di educacion y informacion di calidad basa ariba e productonan aki y con pa trata e problematica aki." Sr. Croes ta splica.

Segun Sr. Croes, e ta 100% sigur cu tur hende cu a busca informacion cu ta abunda riba internet awendia, lo a haya sa cu cannabis no solamente ta bon pa tur hende. Tambe e ta un alimento y tur hende cu sa y ta na altura di esaki sa tambe cu den e simia di cannabis tin hopi mas "volwaardige eiwit" cu tin den tur otro bonchi cu excepcion di e bonchi di soya cual ta e unico cu ta gane. Asina mi por continua compartiendo cu bo tur sorto di beneficio cu abo mes por Google. Nos por traha entre otro: cas, paña, fuel pa auto sin cu e ta dañino pa e ozon, nos por haci tur esey cu cannabis apart di djis huma esaki anto bira halto cual ta e pensamiento cu ta bende e pueblo cu no sa miho y cu ta droga nos ta droga", Sr. Croes ta bisa. □

*Censo:*

**ORANJESTAD - Entrante 18 di juli 2016 CENSO por duna servicio di Cedula atrobe. Y esey ta bay ta hopi mas facil cu antes. E Cedula ta wordo produci na Aruba mes y lo wordo duna mes ora na e cliente.**

#### **Proceduranan nobo**

CENSO a hinca hopi esfuerço y tempo den e descripcion di e proceduranan nobo pa cu e produccion di e Cedula. Siguridad, servicio y rapidez ta palabranan esencial den henter e procedura. E Cedula aki lo wordo produci na Aruba mes y ta cumpli cu tur e rekisitonan internacional di siguridad. Tambe e proceso di peticion y otorgamento di Cedula lo ta hopi mas sim-

pel y lihe; pa e Cedula nobo bo persona lo tin cu acudi na CENSO un biaha so. E Cedula lo keda cla mientras bo ta warda riba dje.

Kico e procedura ta pa mi por haya mi Cedula? E ta hopi facil pa haci un peticion pa un Cedula:

- 1) haci un cita via [www.censo.aw](http://www.censo.aw)
- 2) durante e cita, CENSO lo saca un potret di bo y e firma lo ta digital
- 3) e Cedula ta wordo imprimi y por wordo uza di biaha

"Awor e cliente no mester bin dos biaha mas Censo, e por djis warda riba su cedula", segun Sharin Luydens, hefe di CENSO. "Y esey ta un

## Cedula t'ey atrobe



diferencia grandi cu antes" e ta remarca. "Den pasado e tabata tuma mas o menos tres siman pa por produci e Cedula na Hulanda. Tambe e cliente mester a bin CENSO

dos biaha: un biaha pa pidi e cedula, y otro biaha pa bin busc'e. Awor bo ta keda cla den un bishita", Sharin ta añadi.

Sharin ta reconoce cu tin

un retraso den e produccion di Cedula. "Durante full e periodo cu e sistema nobo a wordo desaroya, Cedula no por a wordo produci." Sharin ta splica. "Pero cu e sistema nobo nos ta spera cu e retraso aki pronto lo wordo resolvi.

"Desde 1 juli diferente testnan a wordo haci pa asina garantisar cu e produccion di ID lo bay bon. Esaki lo wordo sigui door di un 'soft launch' y nos lo ta cla pa e trabao grandi mes" segun Sharin.

Bo persona kier pidi un Cedula nobo? Haci un cita via [www.censo.aw](http://www.censo.aw). Prijs di Cedula ta Afl 40,-. Pa mas informacion, subi [www.censo.aw](http://www.censo.aw) □

## Si e porta ey tabata habri, awe no lo ta bringando pa e ley aki

*Marlon Sneek :*



**ORANJESTAD - E cuestion di e amienda riba e ley diCodigo Civil ta un tema di discusion tanto den nos comunidad como den e comunidad LGBT na Aruba. Y Parlamentario Marlon Sneek no a keda atras den su comen-tarionan.**

Sneek no ta kere cu e tin e autoridad pa bay habri e porta ey, indicando riba e ley aki, sin consulta directamente cu pueblo riba e topico. Na 2009

e tabata un discusion si un fundacion asina ey (referiendo riba Stichting di Pedofiel) por wordo lanta si of no, awe na 2016 e fundacion ey ta existi. Sneek no sa si kier bay den tur esey. E ta un discusion hopi mas amplio di loke hende ta kere y esey ta un preocupacion, e ta indica. Kico mas lo bin den futuro y si di berdad tin e autoridad pa habri e porta ey. Si e porta ey tabata habri, awe no lo ta bringando pa e ley aki. Nan lo a bay Boneiro,

casa y bin bek. Oficialmente e porta ey no ta habri, segun Sneek.

### **Amienda mara cu contro-versia**

Desiree de Souza-Croes a bin cu un amienda cu ta pidiendo sosten den Parlamento. E tin di haber cu Codigo Civil pa un relacion di pareha registra, den e caso aki, di e mesun sexo. Segun Marlon Sneek por a compronde cu tin un amienda cu lo wordo entrega riba diamars, pero te ainda, como Parlamento oficialmente no a haya documento. Kisas el a keda entrega caba, pero idea ta pa entrega esey adelanta pasobra normalmente un amienda por wordo entrega den e segunda tanda ora cu ta atendiendo cu ley, pero a opta pa sinembargo entrega esaki tempran pa tur hende haya e contenido di e amienda y wak si ta sostene e amienda.

Den pasado tabata tin un mocion cu a wordo pasa den parlamento riba e topiconan

aki di derechonan humano y otro puntonan. Den e amienda ey sr. Sneek y sr. Donny Rasmijn a abstene di vota e tempo ey, pasobra ta kere cu tin puntonan atrobe cu si mira decisionnan cu ta wordo tuma internacionalmente, den concepto di Sneek ta bay tuma un decision pa pueblo sin puntra pueblo.

### **Kico ta matrimonio?**

Sneek no por bisa den contenido kico ta e idea y cambio cu lo bay bin cun'e den e amienda aki. Di loke por saca for di prensa, di tur banda cu ta trece e topico riba mesa ta e topico pa haci un cambio den e caso aki di e concepto matrimonio, kico esey kiermen, kico ta matrimonio.

Matrimonio ta un acuerdo entre un homber y un muhe of no tin e concepto ey mas. Esey ta loke tin awe riba mesa. E amienda mester ya pa wak e. En principio na comienso di e discusion a bisa bon cla cu e ta kere si kier haci cam-

bionan di naturalesa nan aki, lo mester haci un referendum y laga pueblo dicidi kico y den ki direccion e pueblo ta desea pa bay como pueblo. Marlon Sneek ta kere y mira con e proceso a bay na Hulanda, nan a cuminsa cu un relacion di pareha registra y awe nan tin matrimonio.

### **Ki pasa si habri e porta ey**

Pa Sneek esaki ta un preambulo y no ta sinti pa habri e porta ey. Ora cu habri e porta ey, por corda bon cla na 2009, ora cu a caba di bira Parlamentario, un par di luna despues tabata tin un reunion tripartiet na Hulanda y sr. Wiels, difunto a bay un entrevista na un programa na Hulanda, caminda cu e punto di discusion tabata cu tabata tin dos persona cu kier a lanta un fundacion di Pedofiel. Nan a cuminsa discuti cu tambe ta derecho y sentimiento y awe na Hulanda tin un asociacion asina. Ora cu habri e porta ey, ta un hala di cos ta bay drenta pasa door di dje bin paden. □

*Luis Oduber:*



**ORANJESTAD - E situacion na WEB encuan-to di hedging ta wordo evalua keto bay, pero pa awor aki pa loke ta e aña aki nan ta mara na e hedging y pa 2017 tambe, segun Luis Oduber, director di WEB Aruba NV.**

Mirando e prijs di crudo a cuminsa baha, tabata tin cierto opcionnan. Cu input di expertonan na Merca, a duna conseho pa

## Pa e aña aki y otro aña WEB ta mara na hedging

restructura esey. Un parti restructura a wordo manda pa 2017. Pa motibo di esey por a duna un rebaho di 10% den e tarifa di coriente aña pasa.

Pa 2017, 40% ta mara na prijs di hedge y 60% ta na prijs di mercado. Si e prijs keda abao, chens ta grandi cu lo por duna un rebaho, pero no ta priminti nada, pasobra tin diferente proyecto andando.

### **Ultimo biaha**

Oduber a agrega cu ultimo biaha cu a tuma luga tabata na 2014 y esey tabata asina pa motibo cu mester a restructura e hedging pa por duna pueblo un parti di spaarmento, pero berdad ta cu pa motibo di a restructura esey na 2015, e contract ta bisa cu bo ta paga un boet cu ta asina halto cu basicamente bo ta paga sin uz'e, of tin di mand'e pa otro aña. Loke a pasa e tempo ey, a manda cierto cantidad di fuel pa 2017. 2016 no a mishi cun'e. Awor

aki ta hedge mas of menos 80% di tur e total bari di fuel cu ta uza pa dia, ta hedge na un prijs mas halto y pa 2017 e ta cambia na 40% cu ta wordo gehedge. No tabata tin ningun cambio mas. Awor aki ta status quo for di aña pasa. Den parlamento Minister de Meza a splica tur hende presente kico ta e situacion y berdad e minister a bisa cu na e momento cu bay haci algo lo comunica esey na pueblo.

### **Situacion financiero**

Mester a sana e situacion financiero prome. Awor aki WEB ta basta bon. Segun Oduber, tabata tin algun aña cu hopi perdida y mester traha riba dje prome pa crea suficiente reserva pa djey bay na ehecuto proyectonan. Una bes cu hinca tur e cifranan ey den otro y mirando tambe apertura di e refinaria na caminda, ki impacto e lo tin pa nos. Si mester bay duna nan coriente y awa. Tur eseynan tin cu wordo

hinca den e modelonan, pa wak ki inversion mester haci, si mester haci inversion y ki impacto e lo bay tin riba tarifa. Loke ta purba semper ta RAS (Reliability, Affordability y Sustainability). E parti di Affordability ta hopi importante pa WEB. Esey ta basicamente pa cualkier proyecto cu ta haci, ta enfoca pa e no tin un impacto pa aumenta tarifa, sino pa sea mantene of reduci tarifa.

### **Perdida**

E añanan anterior, e parti di fuel tabata un parti grandi cu a haci cu WEB tabata tin perdida. Tambe WEB a inverti den diferente proyecto sin a haya financiamiento pa nan. Por bisa cu WEB ta financia su mes. A bay hopi den cora prome cu e proyectonan a keda cla. Na e momento ey no por a haya financiamiento tampoco pasobra e rati-onan cu tin na banco no tabata suficiente pa banco aproba e prestamonan, Luis Oduber a splica. □



**BON DIA** *Aruba***Editor**

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #1330772

**Hefe di Redaccion**

Jaime A. Mata

**Redactor Ehecutivo**

Zulaica Maduro

**Redaccion**

Benjamin Romero  
Nathalie Winterdaal  
Leo Maduro  
Nadien Philip  
Margarita Els  
Nicola Gonzalez  
Dino Tromp  
Efraim Odor  
Fabiola Cardenas

**Ehecutivo di Benta**

Marijke Croes-Luidens  
Mark Gomes  
Elly Erasmus

**Aviso y Arte**

Sandra Loefstop  
Lando Rafael  
Gladis Palomino-Silva

**Administracion**

Xiomara Arends (Hefe)  
Mariette Engelhart  
Martha Arteta de Ariza

**Distribucion**

Jenny Kelly

**Coleccion**

Evelinda de Cuba - Tromp

**Pre Press**

Luis Fernando Arenas (Hefe)  
Pablo Libre

**Press**

Roland Schenker (Hefe)  
Omar Ramirez  
Martin Boekhoudt  
Yair Gambin  
Francis Dirks

**Colaboracion**

Sharina Henriquez  
NoticiaCla  
Associated Press  
Ret Karibense

**Afiliacion**

Sociedad Interamerica  
di Prensa (SIP)

**DIRECCION**

Weststraat #22

Tel: 582-7800 / Fax: 582-7044

email: [noticia@bondia.com](mailto:noticia@bondia.com)[aviso@bondia.com](mailto:aviso@bondia.com)**BON DIA ARUBA**

Ta un Corant redacta y imprimi na  
Aruba y ta obtenibel di Dialuna te  
cu Diasabra. Ningun contenido  
por wordo reproduci sin permiso  
di Editor. [www.bondia24.com](http://www.bondia24.com)

# Editorial

*Nan a siña of ta cambio di tactica so?*

## Diferente ministro ta cambia rumbo...

ORANJESTAD- Ultimamente nos por a presencia dos caso unda nos ta mira un ministro haci cierto adaptacion den accionnan loke ta duna speranza cu talbes nan a haya otro opinion. Esey no necesariamente ta asina pero si por mira un cambio di tactica. E prome caso ta esun di nos mandatario di husticia, cu te algun tempo pasa tabata mantene un posicion firme cu tur cos ta oke, aumento di criminalidad ta existi solamente den mente di e ciudadano y cu e tin tur cos bao control.

A base di esey tambe a tuma luga un reduccion di e presupuesto pa 2016 di su ministerio 3 florin miyon, cu su bendicion pasobra nunca ningun hende a tende e ministro keha tocante esaki. Esey significa tambe cu e por bien opera su ministerio bon cu menos placa, loke ta duna e sospecho cu tabatin gastamento di placa innecesario anto. Tampoco e ministro ta conoci como un 'pushover' cu ta laga su colega di financia simplemente impone autorisacion sin oponer esaki, si e no tabata di acuerdo. E ministro nunca a comenta.

Awor diripiente nos ta haya tende cu e ministro cu hopi afan ta en busca di dies miyon florin cu supuestamente e tabata busca aña pasa caba, y aparentemente no a logra haya esey. E placa extra lo mester sirbi pa servicionan manera bombero, polis y inmigracion por funciona bon. Esaki ta separa di un cincuenta miyon florin pa drecha prizon cu por fin tambe por conta cu e reconocimiento di banda di e ministro cu e no por keda asina. "Mas vale tarde que nunca" e expresion Spaño ta bisa pasobra na e altura aki tur hende cu dos placa di sinti sa cu nos prizon ta un desastre y no ultimamente so. Si despues di mas di seis aña porfin e ministro ta bay haci loke e mester a cuminsa haci seis aña pasa, y ta exige e presupuesto adicional pa por logra esaki, nos lo bisa: "welcome to the real world"; laga arogancia un banda y bay haci e trabao pa cual a nombra bo.

Naturalmente cu ta net e tipo di asunto aki ta causa cu yega na un 'balanced budget' otro aña ta bira asina dificil. No ta riba tereno di husticia so gobierno tin añanan ta cremencha, pasobra tabata desperdicia placa di presupuesto na tur sorto di cos innecesario mientras cu ekipamento di e diferente departamentonan di husticia y otro ministerio a keda atras. No ta mucho tempo pasa cu e colega encarga cu enseñansa a bati alarma cu

lo mester mas di 200 miyon florin pa renoba scol y cu e ta kere cu por haci esey via un proyecto 'PPP'.

Pa su mala suerte a caba di sali e opinion di CAFT riba e problema financiero cu e proyectonan PPP a hinca gobierno aden caba y cu no tin espacio pa mas proyecto. Hunto aki nos ta papiando caba mas di un cuarto di biyon florin na inversion necesario pa dos ministerio, y ainda falta...

Esaki ta e cosnan cu ta bin dilanti awor y cu ta haci cu riba papel ta facil pa pone cu otro aña ta yega na solamente 0,5% di deficit y pa 2018 ta yega na un presupuesto balansa, pero ta bira practicamente imposibel cumpli cu esaki.

E otro ehemplo cu nos ta mira unda un ministro ta cambia rumbo ta e caso di ministro encarga cu Infraestructura. Pa basta tempo e no tabata ni reacciona riba e tantisimo casonan cu tabatin den corte unda hues tabata expresa su indignacion cu tanto violacion abierto y sin ningun tipo di berguensa di ley di parti di e ministro aki.

Aparentemente el a scoge prome pa simplemente ignora tur loke ta concerni e ley di Ordenamento Teritorial, inclusivo e asunto di e areanan defini como berde den e ley aki. Awor cu, a base di e ultimo caso di e terenonan na Bubali, cu a bira imposibel pa keda mantene silencio, awor el a scoge pa atake. Su meta ta awor pa bay haci cambio den e ley pa posibilita e otorgamento di e terenonan na esunnan cu el a priminti caba cu nan ta haya esakinan. Por lo menos por bisa cu e ministro awor ta muestra un virtud no descubri y esey ta esun di cumpli cu bo palabra, hasta ora e caso den cual bo ta cumpli por ta cuestionabel.

Pakico muestra tanto lealtad pa e desaroyadonan cu ta pretende traha mas hotel y condominio ainda, y di otro banda no duna cara ora ta trata di e necesidadnan urgente di vivienda di miles di ciudadano? Pakico tanto esfuerso pa acomoda empresanan cu talbes ta bira un problema pasobra nan ta contribui na e exceso di camber turistico di mañan y di otro banda un silencio profundo ora ta trata atende un di e necesidadnan mas grandi cu Aruba tin? Den shete aña nos no a tende mita palabra di e ministro riba e problema aki, solamente nos ta mira intento di acomoda amigo. Por bisa cu e ministro a cambia di tactica, pero no di mentalidad. □



## Aruparking awor cu 15 minuut gratis despues cu bo tempo vence

**ORANJESTAD** - Na **Friends of God Bookstore** director di **Arubus/Aruparking** **Teo Croes** a tene conferencia di prensa pa papia di tur locual cu ta haciendo pa mehora e servicio di **Aruparking** y tambe comercio.

El a expresa cu **Aruparking** tin un compromiso cu comercio y kier sostene comerciantenan den caya grandi mas cu por. A anuncia diferente cambio di tarifa pa parkeer tambe.

Segun **Channela Maldonado** di **Aruparking** recientemente **Aruparking** a lansa un campaña di **Back to School** hunto cu comercio di caya grandi cu ta promove caya grandi. **Aruparking** acerca tur e tiendanan unda cu **Aruparking** ta controla y unda pues mester paga pa parkeer. Desde inicio varios compania a uni na e campaña y **Friends of God** tabata un di e prome nan tambe.

“Clientenan cu bin haci compras den caya grandi por identifica e tiendanan cu ya a join a base di un sticker cu a wordo traha special pa e campaña, e sticker lo ta pega na porta di tur cu ta participa den e campaña. E campaña ta encera cu cada compra di 35 florin e clientenan lo haya 1 florin bek, pues e cliente lo paga 34 florin pa su compras. Cada compra di 50 florin e cliente lo paga 48 florin pa

e compra y lo haya un descuento di 2 florin. Pa compra di 100 florin of mas, e cliente por pasa na **Aruparking** cu e recibo y asina haya un **Smartcard** cu tin 10 florin riba dje. Pa asina nan por sigui haci uzo di dje pa haci compras den caya grandi. Cu e campaña hunto cu comercio aki. **Aruparking** ta spera cu por sigui promove caya grandi y sostene comercio local. Pa menciona algun compania cu ya ta forma parti ta: **Sport Caribe, Collins, Dolce & Ga-**

**Pero** si ta spera cu esaki lo ta hopi y cu lo duna hopi **Smart Card**. E campaña tin un duracion di 3 luna, pues lo termina na september. Despues di e 3 lunanan aki lo bin cu un otro campaña, cu lo ta pa e tempo di december. Banda di esaki tambe lo saca un ganado cada luna, cu lo haya e placa di su compra bek, te na e balor di 350 florin, basa na unda el a cumpra.

**Teo Croes:** “Ta mira crecimiento den e campaña y ta

15 minuut ey no lo bin boet. Tambe a wordo introduci cu en bes cu ta bay paga 2 florin pa 1 ora y mey, el a bira 2 florin pa 2 ora, y riba diasabra 2 florin pa 3 ora.

Tambe lo tin parkeer gratis na dos area, pues hendenan cu kier cana un tiki lo por para patras di **Botica Oduber** y tras di **Arubus**. Eynan lo bira 3 ora parkeer gratis, e cliente mester registra na e mashin manera cu lo a haci pa paga, eynan e ta haya e slip cu ta indica 3 ora gratis. Si kier keda para pa mas cu 3 ora, lo mester paga despues di e 3 ora gratis pa e espacio, **Sr. Croes** a splica. E minimo ta keda 50 cen pa 15 minuut, 1 florin pa mey ora y 2 florin pa 2 ora. E idea di e parkeer gratis ta pa atrae mas hende den caya, cual tin bon resultado. Den weekend e ta hopi yen y esey awo tin e opcion pa hendenan cu no ta worry para poco mas leu y cana. E decisionnan aki a bin despues di tene diferente reunion cu comerciantenan pa purba yega na otro. Tin compromiso pa bay dilanti hunto cu comerciantenan y pa e situacion ta win win, pues na rais di esey ta haciendo tur e cambionan aki. Tambe parti mainta e proximo dos lunanan aki, lo no bay cobra entre 7or cu 9or di mainta. Ta haci esaki e prome dos lunanan aki pa test, pa wak kico ta funciona miho pa comerciantenan y wak kico ta atractivo pa e cliente. “Comerciantenan ta bisa si cu tin mas

accesibilidad den caya grandi cual ta e meta di **Aruparking**. Mientrastanto lo keda evalua y keda reuni cu comerciantenan pa wak ki feedback tin y wak ki reto mas tin y mira kico por mehora.

**Aruparking** ta haciendo hopi pa yuda comerciantenan, a puntra **Sr. Croes** si ora ta sinta na mesa ta trece dilanti tambe locual cu comerciantenan mes por haci pa atrae mas persona na nan tienda. El a bisa cu esey a wordo treci dilanti den un “brainstorming” si, pero no ta bay den e area ey, como ta nan area. Nan conoce nan producto y nos ta trata locual cu nos por den nos area pa yuda nan yega na locual cu nan benta mester yega. E no ta facil pero ta yegando hopi bon hunto. E campananan tabatin hopi bon reaccion y ta sinti cu ta hopi mas cera cu e comerciantenan,” **Sr. Croes** a bisa.

### Tram y auto den caya

Ainda tin hopi hende ta pensa cu e solucion pa mehora e situacion den caya grandi, ta pa haci esey posibel pa auto por pasa, manera cu e tabata antes, pa por lo menos algun ora. A puntra **Sr. Croes** si esaki ta algo cu lo por bin den futuro. El a bisa cu **Arubus, Aruparking** y **Arutram** no tin problema cu e peticion aki pa stop e tram algun ora. Sinembargo e situacion di habri e caya bek ta den man di **Infra Team** cu gobierno, el a termina bisando. □



banna, **Sams, Boolchands** entre otro.”

Desde inicio di e campaña siman pasa diabierna. ya a haya hopi bon reaccion di comerciantenan segun **Sra. Maldonado** y ti mas di 100 **Smartcard** cu a wordo parti gratis na clientenan cu a gasta mas di 100 florin na e tiendanan den caya grandi y a pasa **Aruparking** pa reclama esaki. No a calcula cuanto persona ta desea cu e campaña lo atrae.

wak e importancia pa bay dilanti hunto cu caya grandi, atrayendo mas hende cu ta posibel.”

### Tarifanan nobo

Banda di esaki tambe ta bay cuminsa cu despues di 1 ora, bo tin espacio di 15 minuut prome cu un sancion cay. No ta asina si cu bo tin 15 minuut gratis prome cu mester paga. E momento cu bo paga y bo tempo a vence, e ora ta bay tin 15 minuut extra cu den e



**ORANJESTAD** – Diabierna dia 8 di juli e sorteo di e recaudacion di fondo rifa anual di **Club Kibrahacha 60+** a tuma luga den un ambiente festivo. Tur e miembronan a trece nan ticket(s) pa wak si nan por a gana un di e bunita premionan di semper. E grandi nan a balia ariba e musica di **Nelson Sprok** y **Sunshine Stars**.

Un danki na notario **Rodriguez-Taekema** pa haci e sorteo pa nos manera tur aña. **Club Kibrahacha** ta gradici tur hende y empresanan cu a coopera cu nos recaudamento di fondo aki.

**Club Kibrahacha** ta desea tur miembro y boluntario nan un dushi vakantie te cu 15 di augustus 2016 □

## Sorteo di rifa di club Kibrahacha 60+

1 premio	Vacation Cruise on Norwegian Escape (2 pers.) 10 days/9 nights (7 days cruise)	3427
2 premio	Vacation Puerto Rico (2 pers.) 5 days/4 nights	3409
3 premio	Vacation Medellin(2 pers.) 4 days/3 nights	2705
4 premio	Flatscreen TV by AMC Unicon	2566
5 premio	Tablet Computer by Boolchands	1578
6 premio	Weekend stay at Playa Linda	5376
7 premio	Brunch for 2 at Hyatt Hotel	0382
8 premio	Dinner for 2 at Gianni's Restaurant	2719

*Simon Gollo:*



## E festival por hiba un mensahe na mandatarionan pa inverti den educacion musical

**ORANJESTAD** - Un di e obhetivo principal di e organisadonan di e festival el Nuevo Mundo bira e showcase di e calidad musical cu a wordo genera aki a Aruba. Esey ta un proceso, segun Sr. Simon Gollo, representante di Nuevo Mundo Festival y Academia. E ta kere cu e festival aki lo hiba un mensahe na gobierno. E mensahe cu segun Sr. Gollo e festival aki tin ta pa gobierno inverti den educacion musical. Aña pasa a participa na e fes-

tival aki e pianista local Armand Simon. E aña aki un bi-aha mas e lo participa. E participacion tabata poco pero di gran balor, pasobra esey ta significa cu tin hende aki cu tin e necesidad di siña y di tin un miho infraestructura musical, Sr. Gollo a indica. "Mi ta kere cu e festival por hiba un mensahe na e hendenan gubernamental pa inverti hopi mas den su educacion musical. Pasobra nos ta kere cu e total firmesa, cu esaki lo ta e unico caminda real di desaroyo cu un sociedad por tin." **Hoben Arubano**

Por tin recurso, turismo, pero si hende no tin un nivel educativo musical, artistico, semper lo bay tin limitacion. Si haya un hoben Arubano forma parti na e festival y academia, nan lo ta sumamente contento. "Nos ta spera pa traha den futuro hunto cu Sr. Johnny Croes pa tin mas hobennan y mucha pa involucra den e proyecto aki," el a sigui bisa. No solamente durante e festival, pero sino durante henter e aña.

**Aprecia musica clasico**  
Sr. Johnny Croes, kende

ta director suplente di Scol di Musica, a bisa cu e evento aki ta uno hopi importante pa nan. Asina aki por cultiva pa futuro entre nan estudiante pa Aruba haya su propio orkestra di hobennan. "Esaki ta un bon oportunidad pa nos por tin den un futuro cercano. Mi ta masha contento cu nos por tin un festival di e magnitud aki na Aruba," el a indica. Ta importante pa tin un evento asina aki. Cu e pueblo Aruba cuminsa aprecia un tiki mas e genero di musica clasico, e director suplente a indica. □

*Simon Gollo:*

## Musiconan tin e oportunidad di siña mas for di otro

**ORANJESTAD** - E festival di Nuevo Mundo y academia ta un oportunidad pa musiconan tanto local como internacional por siña mas. 85 estudiante musico lo ta presente, pero tambe lo bin mas o menos 23 profesor di musica, kendenan lo ta dunando les di musica tanto na studentenan local como esunnan internacional. Durante e dianan di e festival y academia, e musiconan

lo tin e oportunidad di siña mas for di otro.

Desde aña pasa e studentenan tabata prepara nan mes pa participa na e festival aki y academia. Sr. Simon Gollo di e academia a wordo puntra si e nivel di e musiconan di Aruba ta mas abou di esunnan cu ta biniendo. "Mi no ta kere cu ta trata di pone e contexto ariba y abou. E ta un proceso. Evidentemente si tin musiconan cu ta bin aki

pa comparti nan experiencia, esey kiermen cu semper tin algo pa siña," el a indica. E no ta kere cu tin diferencia entre e nivel di musiconan di Aruba y esunnan internacional.

Nunca a wordo mira cu tin A y B. Simplemente aki na Aruba tin hopi mucha cu tin e necesidad di topa cu musica, segun Sr. Gollo. "Nos a bin aki pa comparti e experiencia ey." El a insisti cu na Aruba tin musico di hopi validez y

ta spera cu e festival duna nan e luga cu nan merece. Entre tur e musiconan cu lo t'ey, nan lo comparti nan conocimiento y experiencia cu e mayor cantidad di hobennan y mucha cu presenta acerca nan.

**Dificil genera vinculo**  
A puntra Sr. Gollo dicon no a prepara e musiconan di Aruba desde aña pasa, mirando cu esunnan di exterior a haci esaki pa 1 aña largo. El a indica cu tur cos ta un proceso, pasobra awo ta cuminsando cu esaki na Aruba. "Tin biaha ta dificil genera un vinculo. Cuminsa cu un proyecto cu no tin conexon, no ta facil." E artistanan internacional ta bin Aruba pa aporta. Nan kier aporta un parti esencial cu por ta un educacion na e hubentud, el a bisa.

**Oportunidad pa cera**

**conoci**

E festival aki ta un oportunidad pa hendenan internacional cera conoci cu e musiconan y personalidad cu tin aki na Aruba. Tur esaki ta un proceso. Pero e proceso aki ta basa riba e educacion, evidentemente e proceso ta wordo basa den establece proyectonan.

E profesornan di e scol di musica lo participa, pero tambe duna asistencia, duna informacion, capacitando nan mes cu e evento aki. Tambe e studentenan lo haci esaki, pero no por bisa cuanto estudiante di Aruba lo participa.

Nan kier pa hopi estudiante di Aruba participa na e academia y festival. Ta importante pa sa cu e musiconan participante cu ta bin di exterior, tambe ta bin pa siña for di e maestro-nan di musica. □

### HR CAREER OPPORTUNITY

Join the award-winning team at  
**#1 Hotel in Caribbean**  
**Top 3 Hotel for Service in Caribbean**  
TripAdvisor Traveller's Choice 2016

#### EXCELLENT BENEFITS:

Competitive Salaries, Pension Plan, Health-Disability-Life Insurances, Dental & Vision Insurance, Savings Plan, Loan Availability, Shift Meal, General Bonus.

#### REQUIREMENTS:

Aruban or valid work permit, Work in Drug Free environment, Flexible Work Hours, Interested in preserving the Environment.

### TRAINING & DEVELOPMENT MANAGER

Strong leadership and organizational skills  
Experience in HR, management, and training  
Computer knowledge  
English necessary. Papiamentu, Dutch and Spanish a plus.

Please send resume by Email: [jobs@bucuti.com](mailto:jobs@bucuti.com) or Fax: 582-5272 or Call: 583-1100 ext 136 for appointment. Before applying, please register at DPL.



#### BEKENDMAKING

Ingevolge artikel 14b lid 2 van de Landsverordening toezicht verzekeringsbedrijf (Ltv) (AB 2000 no. 82) deelt de Centrale Bank van Aruba (CBA) hierbij mede dat zij op 30 mei 2016 schriftelijke toestemming ex artikel 14a lid 1 van de Ltv heeft verleend aan Peak Reinsurance Company Limited voor het verwerven en houden van een gekwalificeerde deelneming van 50% in Nagico Aruba N.V. en Nagico Life Insurance (Aruba) N.V.

Oranjestad, 8 juli 2016



## Centro Famia di Criansa Arubano:

**ORANJESTAD - Na Aruba tin muchanan di varios edad cu ta den cuido di criansa. Esunnan cu ta mas dificil pa haya famia di criansa ta adolescente, muchanan entre 12 cu 18 aña di edad. Centro Famia di Criansa Arubano kier conta un tiki mas tocante nos adolescentenan cu ta wardando pa un famia di criansa, famia di weekend of un famia pa pasa dia.**

Mayoria di e adolescentenan cu ta den cuido di criansa ya caba ta pa basta aña den un internaát. Nan ta muchanan cu a pasa den experiencianan cu ta pone cu nan no ta confia adulto di biaha. Nan a crea un comportacion pa asina defende nan mes of pa por sobrevivi den e ambiente cu nan tabata aden. Pa colmo nan ta esunnan cu tin cu sali for di cas.

E muchanan aki ta puntra nan mes: “Kico ta fout cu mi?” Of nan ta bisa nan mes: “Pakico cambia, niun hende kier mi”. Nan ta cuminsa wak nan mes na un manera negativo.

Tin biaha nan ta pone un muraya den forma di comportacion paso nan no kier wordo lastima atrobe, nan no kier wordo desapunta atrobe.

Pero e berdad ta cu e muchanan aki tambe mester di cariño, atencion y disciplina. Nan tin cu sinti cu nan tin balor pa asina por traha riba nan imagen propio y nan amor propio. Paso mañan nan tin cu drenta nos comunidad y nan ta muchanan cu ta pone un imagen tof pero den realidad nan ta yen di miedo paso nan no sa con nan lo sobrevivi riba nan mes. Nan ta muchanan cu ta core e riesgo di cay den por ehempel: gang, adiccion, etc.

Ora un mucha ta den internaát, e internaát ta brinda e mucha seguridad y necesidadnan basico cu e tin mester. Lastimamente un internaát no por brinda un mucha e amor, sosten, cuido y atencion di un famia.

Centro Famia di Criansa mester di persona of famia interesa pa yuda un mucha paso un adolescente ainda ta un mucha. Nos mester persona of famia cu por wak pa su comportacion, cu ta dispuesto pa papia cu e mucha y cu kier yuda un mucha bay dilanti.

Hopi hende ta pensa cu muchanan grandi no por cambia, pero esey no ta asina. Nan djis tin mester di un hende cu ta para nan tras y muestra nan con

pa cambia. Mescos cu un mucha chikito, mester di esfuerso y dedicacion pa crea cambio.

Centro Famia di Criansa Arubano tin un famia di criansa cu a yuda cu un adolescente tempo cu e tabata tin 13 aña, un adolescente cu di chikito tabata den internaát. E ta un mucha muhe cu a wordo renuncia door di par di famia cu no por a wak kico e tabata expresa cu su comportacion. Nan a wak su comportacion so. Pero e famia aki a keda yuda, guia y stima e adolescente aki y awe e mucha muhe aki tin un famia y tambe su diploma di MAVO den su man. Y e lo sigui padilanti pa logra su soñonan.

Unda cu un por a wordo yuda, ta keda un otro cu mester ayudo. Mucha muhe como mucha homber. Tin di nan cu ta lucha pa bay dilanti cu e pensamiento cu no tin otro hende y ta e tin cu yuda su mes. Y tin otro cu ta renuncia mesora cu no tin niun hende pa sostene y pusha nan.

Si bo ta un persona of un famia cu kier yuda un adolescente, yama Nathalie Tromp na 582-0088/582-0089 pa asina haya sa un tiki mas tocante cuido di criansa y e diferente maneranan con abo por yuda un mucha. □

## Banco Central di Aruba:

### Activo domestico netto a baha y reserva di divisa netto a subi

**ORANJESTAD- Den e luna di Mei2016, e cantidad di placa den circulacion a baha cu 27,5 florin miyon te na 3.945,2 florin miyon, compara cu e luna anterior.**

Esaki a resulta for di un caida den activo domestico netto di 219,6 florin miyon, cual a wordo pa un gran parti mitiga pa un crecemento den reserva di divisa netto di 192,1 florin miyon. E contraccion den e activo domestico netto ta debi principalmente na un bahada di 219,2 florin miyon den credito domestico.

Credito domestico a disminui pa motibo di un bahada di 220,6 florin miyon den credito bancario netto na e sector publico, mientras cu credito bancario na e sector priva a crece cu 1,4 florin miyon. E reduccion den credito bancario netto na e sector publico ta debi principalmente na un crecemento di 218,2 florin miyon den posicion di gobierno, relaciona pa un gran parti cu entrada di 178,2 florin miyon asocia cu e emision di bononan di gobierno na May 2016. E subida den credito bancario na e sector priva a resulta for di mas hipoteca pa vivienda di 4,1 florin miyon, cual a wordo parcialmente mitiga pa bahadanan den credito na empresa (-1,6 florin miyon) y credito na consumidor (-1,1 florin miyon).



E expansion den reserva di divisa netto di e sector bancario ta debi na compra netto di divisa di 351,2 florin miyon for di publico, principalmente asocia cu entrada for di e asina yama “portfolio investment”, turismo y transferencia netto for di cuentanan den exterior di companianan local. E subida den e asina yama “portfolio investment” ta relaciona pa un gran parti cu entrada asocia cu e emision di bononan di gobierno menciona anteriormente. E compra nan netto di divisa a wordo parcialmente mitiga pa benta netto di divisa di 159,1 florin miyon na publi-

co, primordialmente relaciona cu pago pa importacion di mercancia y otro serviccionan.

#### Inflacion

E nivel general di prijs, cu ta wordo midi pa e indice di prijs di consumo, a registra un bahada di 1,6 porciento den e luna di mei 2016, compara cu Mei 2015. E contribuyentenan principal na e caida aki ta e componente “Vivienda”, cual ta debi primordialmente na un reduccion den prijs di electricidad y e componente “Transporte”, cu ta debi na un bahada den prijs di gasolin. E componente “Paña y Sapato”, “Operacion di Vivienda” y “Recreacion y

Cultura” tambe a contribui na e bahada. Di otro banda, e componente “Restaurant y Hotel” a registra un aumento. Si exclui e componentenan di cuminda y energia for di e indice di prijs di consumo, inflacion ta muestra un cambio di cero porciento compara cu Mei 2015. Pa loke ta trata e promedio anual di e tasa di inflacion, esaki a registra un bahada di 0,5 porciento na Mei 2016 compara cu 0,2 porciento na April 2016.

#### Turismo

Na Mei 2016, e cantidad di turista a registra 80.964 bishitante, cual ta 7,7 porciento (-6.727 bishitante)

menos cu na Mei2015. E bahada den e mercado Latino Americano di 31,4 porciento (-7.981 bishitante) tabata principalmente responsabel pa e contraccion aki. Di otro banda, e mercado Europeo y e mercado Norte Americano a registra subidanan di, respectivamente, 19,4 porciento (+1.181 bishitante) y 0,3 porciento (+155 bishitante). E caida den e mercado Latino Americano tabata primordialmente causa pa un bahada di 43,8 porciento den bishitante for di Venezuela (-8.397 bishitante). E aumento den e mercado Europeo ta pa un gran parti debi na un crecemento di 1.717 bishitante for di Gran Britania, mientras cu bishitante for di Hulanda a cay cu 13,3 porciento (-422 bishitante).

E aumento leve den e mercado Norte Americano a resulta for di un subida di 212 bishitante (9,5 porciento) for di Canada, cual a wordo parcialmente mitiga pa un bahada di 57 bishitante (0,1 porciento) for di Merca. E cantidad di turista crucero a cay cu 22,6 porciento (-5.985 bishitante) te na 20.462 na Mei 2016, compara cu Mei2015. E cantidad di barconan a disminui for di 13 na Mei 2015 pa 8 na Mei2016.

#### Gobierno

Tuma nota cu e cifranan di entrada di gobierno no tabata disponibel na momento di publicacion di e relato aki. □





## Polis a persigui hoben cu a horta television

**ORANJESTAD** – De bisindario di Scol Basico Washington varios persona a tuma nota di un cabayero coriendo den e bario cu un television den su man. E cabayero aki a laga e flatscreen poni abou den mondi y cuminsa core ora el a mira polis den bisindario.

Un Polis a mira e sospechoso aki y a core su tras, patruyanan a presenta di biaha y detene e sospechoso. Mientras cu testigonan a comenta cu un Nissan March geel tabata core pa loco rond buscando e sospechoso pero esaki lo a baha bek for di e auto.

A bin topa cu e Nissan March

pariba di e scol basico cu un dama y un baby aden, segun e dama otro hende e ta warda pero ni scol no tin. Su declaracion a cambia y aki polis a detene como sospechoso complice cu e cabayero di robo di flat screen for di e scol pabou di scol basico, y a confisca e vehiculo. □



## Ladron a horta den apartamento

**WASHINGTON**—Central a manda Polis na un cas na Washington pa un kiebro. Na e sitio, Polis a papia cu dos persona cu ta huur cas. E habitante K, a declara cu desconocianan a drenta den su apartamento. El a bay drumi y a laga tur cos intacto y ora cu el a lanta el a mira cu ladron a bay cu su cartera color shinishi Louis Vuiton cu bancomatico di Rabo Bank, un rijbewijs y cedula. 1000 Dollar Americano, un bril di solo

marca Prada y un bril di solo marca Marc Jacobs.

E articulanon aki ta pertenece na K. tambe nan a bay cu un cartera maron marca “Le Tanneur”, un rijbewijs, cedula y algun pas di scol. Carchi di AZV y un bril di solo marca Ray Ben. Tambe nan a bay cu un speaker marca Fugo. E articulanon aki ta pertenece na K.H.T.H.B. Polis a tuma e keho. □



## Ladron a kibra drenta horta na Amigo Car Rental

**ORANJESTAD** - Diabierna mainta personal di Amigo Car Rental cu a presenta na pia di trabou a constata cu antisocial a kibra drenta den e luga parti patras unda e ga-

rashi ta. A haya falta di compresor grandi color cora, algun cabel, piezanan di auto y yabi. Polis a presenta na e sitio y tuma informacion di e kiebro y ladronia aki. □

*Ling & Sons:*

## E reto saludabel di trinta dia, come miho, biba miho

**ORANJESTAD - Ling and Sons ta anuncia cu ta bay start un campaña nobo “30 Day Healthy challenge, Eat Better, Live Better” na unda cu durante henter e luna di augustus e supermercado #1 na Aruba lo dedica e luna na conscientisa y motiva comunidad di Aruba pa tuma e prome stap den hiba un bida mas saludabel.**

Ling and Sons lo duna oportunidad na 150 persona den haci un cambio pa un estilo di bida saludabel participando na diferente actividad cu e supermercado lo prepara gratis. Prome evento ta tuma luga 12 di augustus 2016 y e reto ta termina oficialmente dia 4 di september 2016.

Participacion ta inclui:

- Tayernan di nutricion cu nutricionista Johanna Stroo
- Seccion di movimiento cu instructornan di 2BFit
- Recetanen saludabel & tip
- Chekeo di salud gratis

E team di Ling and Sons conhuntamente cu expertonan di 2BFit gym y nutricionista Johanna Stroo lo guia e 150 personanan aki durante e 30 dianan di e reto na unda cu tur siman lo tin un tayer ariba nutricion y tambe tur siman un coach seccion pa asina duna cada participante e herment y informacion cu nan mester pa por hiba un bida saludabel.

Ling and Sons conhuntamente cu team di expertonan lo scoge ken lo bira e 150 participantenan cu lo ricibi e oportunidad unico aki di participa na “30 Day healthy challenge” a base di e reto saludabel su formulario di inscripcion.

Ling and Sons kier enfatisa cu e reto aki no ta uno cu enfoke ariba solamente e parti di baha peso cual ta mira cu hopi biaha tin persona ta confundi bahamento di peso cu hiba un bida saludabel. E enfoke ta riba un estilo di bida saludabel cual ta encera siña un persona manera corecto y varia pa haci mas movicion, siña un persona tipnan importante di nutricion.

Durante e proceso lo evalua participantenan nan progreso y di mes motivacion durante e reto na unda na final cu ayudo di expertonan lo scoge un ganado di e reto aki cu lo gana 1 aña gratis di Gym 2BFit y tambe lo ricibi un weekend getaway pa 2 persona na un Spa & Beach Resort na Curaçao. Ademas di esaki Ling and Sons lo tin diferente premio pa participantenan durante cada actividad.

Bo kier cambia bo estilo di bida pa uno saludabel? Pa registra por pasa cuminsando diabierna 8 di juli 2016 na nos Customer Service desk of via nos website [www.lingandsons.com](http://www.lingandsons.com). Ultimo dia pa inscribi ta dia 27 di juli 2016. □



## Auto a daña y a stroba trafico na Barcadera

**BARCADERA**—Central a manda Patruya na haltura di Caterpillar, na unda un auto a wordo laga atras. Na e sitio, Polis a topa cu un Chevrolet A-34359 color shinishi sin chauffeur. E doño a yega despues di un momento y a declara cu e bateria di e auto a daña y e auto no por start. Polis a duna e meneer F. un man pa yuda pone e auto banda di caminda.

## Polis a confisca cuatro scooter

**VERANO**— Habitante di un cas na Verano a yama pidi asistencia di Polis pa un scooter cu constantemente ta causa problema pa e bisiñanan. E ta haci desorden coriendo bay bin y ta haci maniobra y tambe ta keda spin dilanti e cas.

Polis di Playa a bay na e sitio y ora cu nan a yega na e sitio a confisca cuatro scooter. E chauffeurnan a cuminsa haci fastioso cu Polis, na unda mester a pidi refuerso. Polis di Santa Cruz a bay na e sitio y a hiba e scooternan warda di Polis.

## Problema cu trahadonan di deporte acuatico dilanti hotel

**PALM BEACH**—Patruya a bay na un hotel pa un asistencia. Na e sitio, Polis a papia cu e GM, kende ta bisa cu e tin hopi problema cu e personal di companianan di deporte acuatico dilanti su hotel.

Nan ta reserva e Palapa nan y ta molestia e turistanan. E G.M. a splica polis con e trahadonan di e deporte acuatico ta reserva e palapa nan, pa medio di pone un tas of un serbete bou di e palapa, pa muestra cu nan ta ocupa y despues nan ta uza e palapa nan pa huur nan cu e turistanan y fuera di esey henter dia nan ta molestia e turistanan puntrando nan kier un parasail, tube ride of otro actividad di e deporte acuatico.

Despues e G.M. a declara di un incidente cu a tuma luga ora cu un turista a bay na su camber y a haya holo di marihuana. Ora cu el a puntra su yiu homber, el a bisa cu el a cumpira e marihuana cerca e hendenan di deporte acuatico. E tata a bay cu e informacion cerca G.M. cu mesora a bay haci su investigacion pero a wordo insulta pa e personal di deporte acuatico y a core cun'e for di e sitio.

Un patruya a bay controla rond y tur tres compania di deporte acuatico y nan a wordo debidamente poni na haltura cu nan no por reserva palapa y huur nan. Tambe Polis a bisa nan cu nan no mag di molestia e turistanan.

## Problema cu huurmento di cas

**SAN NICOLAS**—Central a manda Polis den Weverstraat relaciona cu un problema di huur. Durante oranan di dia, polisnan a bay na e sitio como cu e doño di e cas a kita coriente. Polis a bay na e sitio pero e doño H, no a sali pa papia cu Polisnan. Relaciona cu esey, Polisnan a bolbe bay na e cas.

Na e sitio, Polis a bisa e Sra. H, cu e no ta permiti pa kita ni coriente ni e awa. Polis a manda tur dos na Huurcommissie. Sra. H no tabata di acuerdo y a cuminsa habri boca grandi. Polis a scual e formal y a bisa cu nan no ta acepta su conducta contra Polis. El a bisa Polis cu pa malo el a keda sin paga awa y coriente. Polis a bisa cu e persona cu ta huur cas tambe tin su derechonan y e no por saca e persona asina for di cas. El a bisa e no kier tuma huur for di e persona, como cu e kier pa e sali di su cas. Polis a intermedia entre e dos partido nan.

## Ladron ta bay cu tas bou di palapa

**PALM BEACH**—Central a manda Polis na Marriot Surf Club pa un ladroncia. Na e sitio, Polis a papia cu e homber M.S. kende ta bisa cu el a drenta den lama y a laga su tas bou di un palapa. Despues di 20 minuut cu el a sali for di lama, el a mira cu e tas a disparce. E ta sospecha cu e homber cu ta cuida e stoelnan a bay cun'e.

## Turista bou di influencia ta cana su so riba beach

**PALM BEACH**—Central a haya un informacion di un persona burachi na Paradise Villas. Polis a bay na e sitio y a papia cu un señora cu a declara cu e ta polis na USA y for di su camber el a mira cu un señora ta haci straño riba beach. El a bay cerca e señora y a papia cun'e, kende a declara cu e hunto cu su casa a bebe seis bibida cada uno y su casa a haya un discusion cun'e y e casa ta hopi burachi den camber.

E señora a bisa cu el a dicidi di bay dal un keiro. Nan ta keda den Aruba Beach Club. Polis a busca riba beach, pero no a topa cu e muhe. Despues dos homber a bay cerca Polis y a bisa cu un tiki mas leu, tin un señora ta canta y supuestamente ta bou di influencia.

Polis a bay busca riba beach y pariba di Oceania polis a mira e señora canando bay direccion pazuid. Polis a papia cun'e y a bis'e cu no ta safe pa un señora so ta cana su so den e oranan di anochi riba beach. Polisnan a hib'e su hotel bek.



### Beach Policy

### Otorgamento di permiso acuatico (Watersportvergunning)

ORANJESTAD, Den cuadro di introduccion di e Beach Policyn nobo Directie Scheepvaart Aruba (DSA) ta informa lo siguiente. E Beach Policy nobo adrenta na vigor 1 Juli 2016.

Tur compania cu a renoba nan permiso acuatico of cu a aplica pa un permiso acuatico a base di articulo 18 y a wordo aproba, por pasa busca esaki na (DSA) entrante **dialuna 11 di juli 2016**.

Por fabor tuma nota cu e anuncio aki No ta conta pa aplicacionan nobo haci pa pariba di brug.

Esakinan lo wordo trata despues cu e Beach Policy pa pariba di brug wordo finalisa.

DSA su orario nan di oficina ta for di dialuna pa diabierna di 7.30 di mainta pa 4.30 di atardi.

DSA ta recorda tur compania cu mester presenta cu un **seguro valido pa 1 año** y un **stampia di 25 florin** pa asina por ricibi nan permiso. Si presenta sin esaki nan, DSA no ta otorga e permiso.

No tin excepcion.

E ordenanza "landsbesluit Openbare Wateren en Stranden" ta prescrib den articulo 19 cu e compania mester responsabilisa su mes pa medio di un seguro den caso cu e comete daño na tercer persona y/of pasajero y/of daño na propiedad di otro.

Ta bon pa remarca cu e maneho lo bay ta mas estricto y cu ayudo di autoridad lo bay vigila y sanciona comportacion nan inadmisibel y/of inacceptabel.

Opera sin un permiso a base di articulo 18 inciso 1 di e ordenanza "landsbesluit openbare wateren en stranden" tin como consecuencia detencion pa un periodo di 60 dia of un boet di e di dos categoria, esta 5000 florin.



Na aña 2015:

## 44 pasahero detene pa posicion di droga na Düsseldorf

**WILLEMSTAD – Ministerio Publico ta informa, cu relaciona cu cifranan incorrecto cu ta circula na Corsou, e ta duna e siguiente informacion.**

Na aña 2015 un total di 44 pasahero, yegando riba un vuelo for di Corsou

a keda detene na aeropuerto di Düsseldorf (Alemania) cu droga den nan posicion.

Di e total di 44 pasahero detene for di Corsou tabatin 20 guli cu bolita (45% di e total), 12 tabatin droga scondi den bom dobel di nan maleta (27% di e total), 4 a keda gara cu droga den

nan parti intimo scondi (9% di e total) y 12 den nan cu droga scondi den nan ekipahe di man. Otronan tabatin droga scondi (gedek) den paña of di plak riba nan curpa. Na tur a confisca na 2015 na aeropuerto di Alemania, 56 kilo di cocaina procedente for di Corsou. E cifranan ta procedente di

departamento di narcotica di Duana di Alemania.

Na 2014 Duana di Alemania a detene 85 pasahero y a confisca 132 kilo di cocaina. E cifranan aki ta oficial y suministra e siman aki na Oficina di Procurador General di Corsou, Sint Maarten y Islanan BES. □

*Sindicato Straf ta convenci:*

## Gobierno kier desmantela Cuerpo di Duana

**WILLEMSTAD – Sindicato Straf ta teme cu gobierno ke desmantela e cuerpo di Duana. E presentimento aki a bira mas fuerte despues di un reunion fracasa ayera entre sindicatonan Straf y ABVO cu minister Jose Jardim y hefe di Duana, Jules Ilario. Asina por conclui for di declaracionnan di Toti Chirino, dje sindicato Straf.**

Meta dje reunion tabata pa atende cu varios asunto cu na

opinion dje sindicatonan ta relaciona cu mando di Duana. “E reunion a bay fatal”, asina Toti Chirino di Straf a bisa. E sindicatonan no a yega na ningun palabracion. “Manera nos a drenta nos a sali”. Chirino a menciona, cu e no ta trahando mas na Duana, pero cu den e sindicato, e ta traha na interes dje personal di Duana.

Chirino ta bisa, cu e tin un presentimento cu gobierno a pone Jules Ilario riba e posicion pa haci mescos cu a haci cu e cuerpo di Duana cu na

Boneiro, caminda cu e cuerpo ta encarga solamente cu supervision di frontera.

Chirino ta saca e conclusion aki, pasobra recientemente hefe di Duana supuestamente a bisa cu e nuebe cachonan lo reemplaza e hendenan cu ta traha na Duana. “For di e declaracion ey mi a deduci cu nan ta desmantela e cuerpo di Duana”, Chirino a remarca.

Ademas, segun Chirino, den e reunion cu minister Jardim, e sindicatonan a tuma nota dje hecho cu gobierno ta bay

nombra un hende como ‘hefe riba e hefe’. Straf ta conclui cu esaki por nifica cu por sosode cu si na dado momento minister Jardim no ta sinti su mes bon cu Ilario, e por pone un pone un hefe riba dje. “Esey por ta un situacion hopi peligroso”, segun Chirino.

E representante di Straf a sigui bisa cu durante dje reunion cu minister Jardim, e mandatario a indica cu e ta scucha y delibera cu e sindicalistanan, pero no cu no ta tur ora nan por ta di acu-

erdo cu otro. Encuanto dje cobamentonan na Duana, Chirino ta muestra cu no por nombra hende sin mas.

Tin funcion habri prome cu Ilario a bira hefe. Segun Chirino, Ilario a para e proceso y cu awor cu eleccion ta den curpa, ta haci nombramento na funcionnan.

Straf riba termino cortico lo convoca un reunion cu su miembronan, pa informa tocante dje encuentro cu minister. E miembronan lo dicidi kico ta bay pasa despues, asina Chirino, a remarca. □

## Memorandum of Understanding entre minister di desaroyo economico y Seatrade

**WILLEMSTAD – Recientemente a firma un Memorandum of Understanding (MoU) entre minister di Desaroyo Economico, Eugene Rhuggenaath y Peter Govers, director di Seatrade. E MoU aki ta dirigi riba e sector di pesca local.**

Intencion ta, cu e colabora-

cion aki lo genera cuponan di trabou cerca Seatrade pa profesionan local.

Origen di e MoU aki ta basa riba e necesidad pa promove mas desaroyo economico den e sector di pesca local. Cu e MoU aki Seatrade ta declara di ta dispuesto na traha hunto cu ministerio di Desaroyo Economico na crea cuponan di trabou pa por lo

menos 24 profesional local. Ministerio di Desaroyo Economico lo asisti Seatrade den e proceso pa recauda e profesionan necesario.

Esunnan cu keda recauda lo wordo tuma den servicio cerca Seatrade. E posicionnan habri lo ta matros, coki y (assistent) mecanico riba e barconan di Seatrade. Ta e intencion cu ministerio

lo recauda por lo menos 12 matros, 6 coki y 6 mecanico. E profesionan cu keda selecta lo wordo di trein y tuma den servicio di Seatrade, pues nan lo no ta den servicio di gobierno. E palabracionnan den e MoU cu a keda firma entre Ministerio di Desaroyo Economico y Seatrade ta valido pa duracion di 12 luna.

Despues di terminacion di

e 12 lunanan aki e palabracionnan lo keda evalua. A base di e evaluacion partidonan lo determina si acaso e componi lo haya continuacion. Den caso cu esaki ta necesario, Ministerio di Desaroyo Economico y Seatrade lo haci palabracionnan nobo despues di e evaluacion encuanto e plannan operacional y di implementacion. □

## Minister y Presidente di Corte ta ricibi coleccion Ley y regulacion laboral Corsou 2015

**WILLEMSTAD - E luna aki Molly Steward, partner na VanEps Kunneman VanDoorne, ta lansa e coleccion cu el a hinca den otro titula ‘Ley y Regulacion Laboral Corsou 2015’.**

Pa esey el a entrega e siman aki, hunto cu consul Kimberley de l’Isle, e prome ehemplarnan di e coleccion na Sra. Ruthmilda Larmone-Cecilia, Minister di Desaroyo Social, Trabou & Bienestar y na Sr. Evert-Jan van der Poel, Presidente di Corte Comun di Husticia. Minister a indica cu e ta hopi contento cu publicacion di e coleccion nobo: “Semper mi tin hunto cu mi y ta uza regularmente loke a precede

e publicacion cu ley y regulacion laboral compila aki di Antia Hulandes. Ta algo tremendo cu awor tin un fuente di consulta nobo cu ta contene ley y regulacion laboral di Corsou y cu a procesa tur cambio den ordenansa nan den texto di e ordenansa nan original.”

Durante recibimento di e coleccion, presidente di corte a para keto na e dinamica di derecho laboral cu ta den desaroyo continuo y cu hopi biaha ta trabou di precision. Akinan no ta solamente ley ta hunga un rol, pero tambe beneficinan social riba e islanan. Den e contexto ey ta mas importante ainda pa huesnan interpreta y aplica responsabilidad di forma

correcto. A papia tambe tocante posibel maneranan pa trece tur partido cu interes



den esaki hunto y asina intercambia conocimiento, experiencia y enfoke. VanEps Kunneman VanDoorne ta

studiando con e oficina por cumpli cu esaki; un simposio pa conhuntamente de-

duci con cos ta para actualmente riba e tereno aki ta un di e opcionnan cu a discuti. □

e a sigui e coleccion cu e mesun Molly Steward a hinca den otro na 2007 cu ley y regulacion laboral compila di Antia Hulandes. Despues di e restructuracion estatal y desintegracion di Antia Hulandes na 2010, tempo a yega pa un sucesor cu ta uni ley y regulacion laboral di Corsou. Asina, den transcurso di añanan a realiza diferente cambio den ordenansa nan bieu cu te ainda ta aplicabel, manera e Areglo di vakantie di 1949. Pues un coleccion presenta na un manera cla t agradabel pa uza cu ta contene tur ordenansa relevante incluso e cambionan, ta di gran balor agrega pa tur cu tin haber cu derecho laboral. □



*Segun Leonard Coffi:*

## Mester yega na miho calidad di enseñansa na Corsou

**WILLEMSTAD - A yega e momento cu instancianan cu ta directamente involvi den e proceso di enseñansa na Corsou mas y mas mester por presenta un marca internacional di calidad. Esaki na opinion di Leonard Coffi.**



el internacional.

Awor cu resultado final di tur alumno y estudiante di aña escolar 2015-2016 ta oficial lo mester sigui un analisis profundo y riguroso di e prestacion total di nos alumno y studentenan.

E pregunta cu nos mester haya contesta riba dje den e contexto aki ta cu nos como mayor, pero tambe cu Corsou como pais mester ta contento cu e resultado aki si of no. Naturalmente tur mayor ta contento cu na Corsou tur mucha tin derecho y ta obliga a base di ley pa bay scol pues mas specifico nos mester puntra nos mes:

1. Ku nos sistema di enseñansa ta reta y ta motiva nos yiu na pa duna tur loke nan tin aden.
2. Cu nos sistema di enseñansa tin contesta riba problemanan cu alumnonan por confronta durante nan carera escolar.
3. Cu nos enseñansa ta prepara nos yiu na pa funciona den nos comunidad y den tur otro comunidad.
4. Cu nos enseñansa ta dirigi su mes riba prepara nos yiu na pa funciona den siglo 21 cu tur su invasion y retonan riba niv-

Segun Leonard Coffi e preguntanan aki de hecho ta directamente conecta cu e punto mas central y mas esencial den e proceso di enseñansa esta: Kico ta calidad di nos enseñansa y kico nos por haci pa yega na miho calidad di enseñansa na Corsou.

E pregunta tocante calidad di enseñansa ta dificil pa contesta sin un analisis riguroso di funcionamiento di tur personanan y instancianan cu di un manera of otro ta involvi den e proceso di enseñansa di nos yiu na.

P'esey e pregunta tocante calidad di enseñansa ta cuminsa cana for di e alumno di enseñansa di fundeshi, su mayor, e maestro di scol, e cabes di scol, instituto cu ta prepara nos maestronan (LOFO) sindicatonan, comision di mayornan, parlamento y minister, pero tambe otro instancianan y institutonan cu formalmente tin un tarea den cuadro di enseñansa manera: directivanan di scol, ministerio di enseñansa y inspeccion di enseñansa.

Na Corsou un total di 32.336 alumno y estudiante ta participa den e proceso di enseñansa y un cantidad di 2050 maestro/docente ta labora den e sector di enseñansa (sin conta e studentenan/docenten di e diferente universidadnan na Corsou

Segun Leonard Coffi, Corsou a conoce un ola di innovacion y modernisacion fuerte cu introduccion di entre otro Enseñansa di Fundeshi, VSBO, SBO, AGO i HAVO/VWO estilo nobo, pero cu awor a yega e ora pa desaroya un modelo mas concreto y mas responsabel pa yega na miho calidad di enseñansa na Corsou, un modelo cu ta garantiza participacion y cooperacion entre tur instancianan concerni.

Un posibel acercamento den e cuadro aki ta pa cuminsa cerca e institutonan cu formalmente ta involvi den e proceso di enseñansa manera inspeccion di enseñansa, ministerio di enseñansa, diferente directivanan di scol y e instituto cu ta prepara nos maestronan.

Tur e instancianan aki na dado momento mester por presenta un marca internacional di calidad cu ta bisa cu e instancianan aki sa kico ta maneho di calidad y cu nan a introduci un sistema pa maneha calidad di nivel haltu. Leonard Coffi a sigui bisa cu introduccion di un sistema

di maneho di calidad cu un marca internacional di calidad caminda ta existi control riba tur elementonan cu ta di influencia riba calidad esaki di un manera sistematico y estructura.

Comunidad por tin confianza cu e institutonan y instancianan aki por eherce nan trabou na un manera obhetivo, responsabel y profesional. Naturalmente e scolnan caminda enseñansa ta tuma luga den practica tur dia tambe mester sigui haci nan propio analisis y duna di conoce ta cua ta e aspectonan cu merece mas atencion y sosten pa yega na enseñansa di miho calidad.

“Nos mester haya otro pa

asina pone mas atencion na e punto mas esencial y mas central den e proceso di enseñansa esta na calidad di enseñansa na Corsou, di e manera aki nos por garantiza cu nos yiu na por haya enseñansa cu nan tin derecho riba dje”. Asina Leonard Coffi ta conclui. □



**Johnson**  
NOTARY PUBLIC

### AUCTION

ex. 3:268 Civil Code of Aruba

**THURSDAY AUGUST 25, 2016**

On Thursday August 25, 2016, at 11 AM, at the Conference Room of the Chamber of Commerce of Aruba, Irausquin Boulevard 10, Aruba, will be auctioned in public:

1. A residential house locally known as

#### TANKI LEENDERT 27-C

standing on a parcel of full ownership land, 551 m2 in size, situated at Tanki Leendert in Aruba, locally recorded as First Division Section L number 3383.

Starting price: Afl. 240.000,--

2. A residential house locally known as

#### MATADERA 3-C

standing on a parcel of full ownership land, 605 m2 in size, situated at Matadera in Aruba, locally recorded as First Division Section L number 3960.

Starting price: Afl. 310.000,--

3. A residential house locally known as

#### PARADERA 103-C

standing on a parcel of full ownership land, 906 m2 in size, situated at Paradera in Aruba, locally recorded as First Division Section M number 443.

Starting price: to be announced

Auction notary: T.R. Johnson, LL.M.

- The auction is subject to the general conditions for foreclosure auctions and special auction conditions which will be determined by acting civil law notary T.R. Johnson. These auction conditions are available for inspection at the office of the aforementioned acting civil law notary situated at Italiestraat 50 units 10 & 10-A, Aruba.
- The auction will take place by raising bids (in Dutch: "bij opbod") and by decreasing bids (in Dutch: "bij afmijning"), in one session.
- Seller has the right to not accept any bid, at his sole discretion.
- The auction may be stopped or postponed at any time.
- Each bidder must be able to submit a bankguarantee issued by a reputable bank in Aruba to the amount of the highest bid increased with an amount equal to the auction costs.
- A private written bid can be submitted at said office until August 10, 2016, 5 PM

**WWW.JOHNSONNOTARY.COM**

## Team di liderazgo reforsa pa implementacion y maneho di Plan Maestro di Turismo

**WILLEMSTAD - Mirando e ultimo desaroyonan pa cu e cifranan di cantidad di turista cu a bishita nos pais, Hunta di Supervision di CTDF a haci un apelacion urgente na Oficina di Turismo di Corsou (CTB) pa amplia e team di liderazgo relaciona cu implementacion y maneho di e Plan Maestro di Turismo pa 2015-2020 (TMP). Esaki teniendo na cuenta cu crecimiento economico sostenibel di e sector turistico ta central.**



Mercado, un funcion cu ta vakantie for di juni di e aña aki. Sr. Suares tin 8 aña laborando na CTB Europa como Gerente Regional. Den su funcion nobo Sr. Suares lo ta responsabel pa lider e areanan di mercado, airlift y comunicacion.

Hugo Clarinda, den su funcion como Deputy Director lo ta responsabel pa atrae e fondonan necesario pa im-

plementacion di e Plan Maestro di Turismo y tambe pa e desaroyo di nos producto turistico.

Ambos lo keda sostene pa e departamentonan di Desaroyo Strategico y Planificacion, Recurso Humano, Financia y Legal.

Di acuerdo cu e Presidente di e Hunta di Supervision di CTDF, Jeanette Hooi-Bonet, “Cu e construccion aki, nos ta kere firmemente cu CTB lo accelera e trayecto di implementacion di e Plan Maestro di Turismo y cu e plan lo haya e direccion cu e tin mester dor di tuma e accionnan necesario pa yega na e metanan stipula”. □

Entrante 1 di juli 2016, Edward Suares a drenta den e funcion di Senior Advisor Strategy Development and Planning encarga cu e aria di



## Aeropuerto Internacional Reina Beatrix

**ORANJESTAD – Aruba Airport Authority N.V. (AAA) den su afan continuo pa keda cumpli cu e demanda creciente den trafico aereo, a completa e prome fase di e “West Apron Redevelopment Project”, e prome paso di e 3 fasenan pa e parti west di aeropuerto, yegando 16 milyon florin di inversion.**

E finalisacion di fase 1 a percura pa 2 posicion di parkeer pa avion nobo pa avion nan cu ta cay den di e categoria C (B-737/ A320) di avion, como tambe un entrada nobo na e taxiway, cu ora esey keda finalisa den fase 2, lo duna controladonan di trafico aereo mas flexibilidad ora di coordina e operacion nan na

tera.

E Proyecto ta encera tambe e provision pa haci “hydrant fueling” bou di tera; luznan LED pa reduci e uzo di coriente, y un diseño cu lo complementa e expansion pendiente di e terminal, cu ta wordo spera di cuminsa na comienso di 2017.

E proyecto cu a cuminsa na juni 2015, lo aña di e capacidad necesario pa parkeer avion y brinda flexibilidad operacional pa asina aeropuerto por maneha e volumen di trafico den “peak hours” miho, specialmente den e temporada halto di winter.

“Esaki ta djis un paso chikito, pero importante den e plan di desaroyo total pa aeropuerto.

## Dos posicion di parkeer nobo



Nos ta constantemente desaroyando y sigui mehora nos facilidad pa beneficio di no solamente e aerolinea y pasaheronan, pero tambe pa e resto di isla.

Aeropuerto di Aruba ta con-

sciente di su impacto riba e economia y p’esey a compromete su mes na un strategia a largo plaso pa keda dilanti di e demanda y sigura cu aeropuerto por ta prepara pa e demanda creciente di bishitante pa nos isla.

Nos ta convenci cu e 16 milyon florin di inversion lo yuda nos mantene nos posicion lider den e industria di aviacion y aeropuerto”, asina James Fazio, CEO di AAA a bisa. □

## Departamento di Aduana:

### Sistema di pago electronico presenta na miembronan di ATIA



**ORANJESTAD – Departamento di Aduana Aruba recientemente a introduci e sistema di ‘Electronic Payment Processing in Asycuda’ (EPPA) cu lo drenta na vigor entrante 1 di September 2016.**

E sistema aki no solamente ta un aportacion grandi na e eficiencia di e departamento aki, pero tambe e ta un adelanto cu ta facilita comercio den e proceso pa paga y saca su mercancia.

Conhuntamente cu ATIA a

organisa un charla informativo diaranson ultimo unda cu Departamento di Aduana Aruba a informa e gremio comercial riba e implementacion nobo aki, su beneficianan pa comercio y con basicamente e sistema ta funciona.

Director di Aduana, Sr. Roderrick Croes ta sumamente satisfecho cu Aruba ta e prome pais den region pa implementa e sistema aki. Na mes momento e director a splica cu esaki por wordo considera como e prome fase

di e proyecto. “E intencion ta pa facilita comercio cu full un proceso digital y eficiente. Desde declaracion di entrada di e barco te ora cu e mercancia ta na disposicion di e cliente”.

Minister di Finanzas, Angel Bermudez tambe tabata presente y a splica cu e ta contento di mira con Departamento di Aduana ta modernisando. “E no ta un secreto cu desde cu mi a asumi e funcion aki, mi a haya Departamento di Aduana Aruba den un estado deplorabel. Un di e obhetivo

desde comienso tabata pa actualisa e departamento aki y esaki ta e fruta di e trabou cu nos ta haciendo hunto cu Aduana”, asina e mandatario a bisa.

Na final di e presentacion Director di Aduana a gradici e tres companianan cu a forma parti di e programa piloto di EPPA y na mes momento a anuncia cu den e proximo lunanan Aduana conhuntamente cu ATIA y su miembronan tene mas encuentro pa asina mehora e servicio cu

Departamento di Aduana ta duna na e gremio comercial. E implementacion di e sistema di EPPA ta trece cun’e cu entrante 1 di September Departamento di Aduana no lo acepta pagonan via check of placa cash, pues tur pago lo mester wordo procesa digitalmente. Pa mas informacion tocante e tramite di pago, bishita [www.cuerpo-diaduana.com](http://www.cuerpo-diaduana.com), manda un e-mail na [asycudaworld@douane.aw](mailto:asycudaworld@douane.aw) of tuma contacto cu “Asycuda Team” na: 523-8811 of 523-8818. □

## Biblioteca Nacional Aruba:

### Curso iluminacion den Fotografia

**ORANJESTAD – Biblioteca Nacional Aruba ta ofrece un curso cortico di iluminacion den fotografia. Esaki ta tuma luga na biblioteca na Playa di dia 18 pa dia 22 juli, 2or pa 5or y ta adecua pa hoben y adulto. Esaki ta un curso avansa.**

Requisito ta un DSLR camara

cu manual mode. Topiconan cu lo cubri ta: Saca potret cu luz natural, saca potret cu luz artificial, manera studio lighting y crea un ambiente/ sentimiento cu luz, practica cu modelo. Mas informacion riba e website di biblioteca.

Docente y fotografo profesional pa e cursonan aki ta

sr. Ramon Castillo, un fotografo profesional cu mas cu 15 aña di experiencia. E ta duna e cursonan hunto cu Sra. Veronica Chemaly, Graphic Designer y Fotografo.

E curso ta costa 150 florin pa persona y por registra via [info@bibliotecanacional.aw](mailto:info@bibliotecanacional.aw) □





## Kiwanis Club of Aruba:



**ORANJESTAD - Kiwanis Club of Aruba a tene su conferencia di prensa recientemente na Talk of**

## Aruba Lions Club:

### Donacion valioso pa colegio EPI unidad Salubridad y Servicio



**ORANJESTAD - Na Colegio Educacion Profesional Intermedio miembro nan di Aruba Lions Club a haci entrega di tas special pa lesnan di EHBO y tambe acerca a haci entrega di vest nan pa e docentenan di verpleegkundig na unidad Salubridad y Servicio.**

Aruba Lions Club ta consciente di e importancia di e tasnan di EHBO cu no solamente lo keda uza pa lesnan di EHBO, pero tambe por ser uza den casonan di emergencia na unda docentenan di verpleegkundig di Sa-

lubridad y Servicio por duna asistencia na studiantenan y docentenan di full EPI na momento cu un situacion presenta na e scol.

Aruba Lions Club ta un Club di servicio cu casi 69 aña di existencia y cu ta duna servicio di rolstoel, cama di hospital y tambe ta haci programa di bloeddonor, diabetes y problema cu bista.

Aruba Lions Club a mira e importancia pa haci un donacion di tas nan di EHBO na colegio EPI, unidad Salubridad y Servicio unda cu tanto e docente y e estudiante lo haci bon uzo di dje. Asina aki tambe Aruba Lions Club ta sostene colegio EPI y e studiantenan cu ta studia den e ramo importante aki.

Riba foto por mira presencia di docente Rimie Tromp cu a ricibi e tasnan di EHBO for di man di presidente di Aruba Lions Club Sr. Randolph Vrolijk cu ta orguyoso cu Aruba Lions Club por haci e obsekio aki posibel na EPI cu ta un scol cu ta prepara hobennan profesional den diferente ramo. □

## Wine Gala Event

**the Town, unda a anuncia na comunidad di Aruba nan evento anual pa recauda fondo cual ta e famoso "Wine Gala Event".**

E aña aki Kiwanis Club of Aruba ta tene nan Wine Gala Event riba diasabra 1 di October 2016 di 8.30pm pa 2.30am na Renaissance Conference Center, cu e tema "Casino Royale". E decoracion lo ta den e tema Casino Royale unda e colornan principal cu lo wordo uza lo ta cora, preto y blanco. Desde yegada lo keda impacta pa e prome impresion den un espacio transforma pa elementonan cu ta laga bo sinti den un ambiente completamente diferente.

Tur fondonan cu wordo recauda durante e evento aki ta destina pa cubri e diferente proyectonan cu Kiwanis Club of Aruba ta ehecuta na beneficio di comunidad durante henter aña. Como ehempel por menciona proyectonan cu ta patrocina manera e clubnan hubenil Key Club Colegio Arubano & Key Club San Nicolas, Action Club, Builders Club y Circle K EPI na scolnan, pero tambe Back-to-School Project, Christmas Lunch na

Imelda Hof, Smile Makers pa cuido dental pa mucha, Bon Bista pa e cuido visual pa mucha, Panda Book contra abuso sexual di menornan, Kamishi bay pa stimula contamento di storia pa mucha, Outstanding Student Awards na scol secundario, proyecto di Hisamento di Flie, Campaña di conscientisacion den trafico Don't Text & Drive, y hopi mas.

Carchinan ta na benta na e suma di Afl. 375 pa dos persona cerca tur miembro di Kiwanis Club di Aruba of via 5678567. Cumprando carchi pa "Casino Royale" Wine Gala ademas di contribui pa un bon causa, bolo bay gosa di un anochi espectacular unda lo tin wine stations, soft drinks, variacion di keshi y un warm buffet. Adicional pa complace tur gusto lo tin un cash bar pa otro bebidanan. E combinacion musical tan spera cu ta priminti di pone tremendo ambiente riba e anochi aki ta Tsunami, 'NFuzion, Buleria, y DJ Edson Tromp. E dresscode ta gala y e tema ta crea e oportunidad pa bisti cu toke nan elegante pa accentua e anochi di 'Casino Royale' cu ta colornan 'cora, preto y blanco'.

Un danki inmenso ta bay na e wine suppliers cu e aña aki atrobe –mescos cu tur aña – ta coopera cu Kiwanis Club of Aruba cu nan biña nan exkisito. E aña aki tin confirmacion caba e siguiente wine suppliers den orden alfabetico cu lo ta presente riba diasabra 1 di October :

- Arion Wine Company
- Pepia Est
- Playa Liquor
- Romar Trading
- Tropical Bottling Company

Lo tin varios premio atractivo unda e premio principal lo ta un biahe pa 2 persona pa Las Vegas.

Kiwanis ta un organisacion global di boluntarionan dedica na cambia mundo via di un mucha y via di un comunidad cada biah y tin como lema: sirbiendo e muchanan di mundo. Kiwanis Club of Aruba ta activo den e comunidad Arubano desde 1964. Pa mas informacion di Kiwanis Club of Aruba y of su actividadnan por acudi na [www.kiwanisaruba.org](http://www.kiwanisaruba.org) of Facebook. Tambe por bishita e website di Kiwanis Internacional na [www.kiwanis.org](http://www.kiwanis.org) □



**July 8th & 9th**  
**CLEARANCE SALE**  
**ADDITIONAL 20% OFF**  
Visit our stores for details



**COLOMBIAN EMERALDS<sup>®</sup>**  
INTERNATIONAL  
Bring home more than a memory.



*Lotto pa Deporte:*

## Atletanan di judo a atende un campo di entrenamiento y competencia na Republica Dominicana

**ORANJESTAD -** Recientemente un delegacion di judo bou guia di coach Fiderd Vis consisti di e atletanan Yuri Koffy, Jeanluc Harms, Brandon Wong, Theron Farro, Ethan Quandt, Emmazira Kelly, y Madelyn Macnack a sali pa Republica Dominicana unda nan lo atende un campo di entrenamiento combina cu un competencia na e isla di merengue.

E delegacion lo permanece na e campamento pa un siman y mei y despues sali pa un otro campo di entrenamiento cu lo tuma luga na Fort Lauderdale, Florida. Na banda di e campo di entrenamiento, e atletanan di judo lo haya e oportunidad unico di competi den un campeonato unda ta bay tin varios bon judoka di Republica Dominicana participando.

Na e campo di entrenamiento nos judokanan lo entrena den

forma intensivo, unda pa ora nan largo cada uno lo traha duro pa mehora nan tecnica y tactica di combati. Nan lo wordo guia pa algun experto internacional.

Un danki sigur na Lotto, e Loteria di Aruba pa medio di Comision di Subsidio cu a

subsidia e biaha di e atletanan di judo pa atende un campo di entrenamiento na Republica Dominicana.

Cumprando weganan di Lotto, e Loteria di Aruba bo ta contribui na deporte riba nos isla. Meta di e fundacion ta pa organisa loteria, cambia

bida di su hungadonan y na mes momento inverti den deporte local pa medio di donacionnan na e comision di subsidio. □



*Champ of the Champs HEINEKEN:*

## Center League lo hunga e campeonato Latino Americano na St. Maarten

**ORANJESTAD -** E aña aki Aruba Center League tabata fuertemente representa den e baseball organisa pa Aruba Little League, tanto den Little League y Junior League nan a gana e derecho pa representa Aruba den exterior.

Tur aña den e temporada di vacacion escolar nos baseballistanan di Aruba ta hunga baseball Little League den exterior esaki den e categorianan di intermedio, infantil, hubenil, señor y grandi. E biaha aki e Aruba Center League division di Junior

lo bataya contra e miho nan di Latino America na St. Maarten.

Mester bisa cu nos muchanan ta cla pa bataya contra e miho baseballistanan den nos region. Aruba tin algun aña caba ausente den e mundial di baseball Junior League cu ta wordo teni na e ciudad di Taylor, Michigan y ta ora pa nos yega ey banda atrobe. No caba e duda cu Aruba sigur tin bunita recuerdonan di e añanan cu nos peloteronan a hunga eyan. E seleccion di Center bou guia di Manager Sandy Roga hunto cu

Coachnan Cedric De Cuba y Carlos Maduro a prepara nan mes debidamente pa e competencia aki. E peloteronan cu lo representa Aruba na St Maarten ta 1. Jeremy Kelly 2. Brandley Rincones 3. Sjeandrick Perez 4. William De La Cruz 5. Alexon Simmons 6. Carl Maduro 7. Wilson Mavares 8. Alan Provence 9. Glenrick Maduro 10. Derickson Lampe 11. Derickson De Cuba 12. Adrion Lacle 13. Rudmar Ras y 14. Denver Werleman

Un danki sigur na Lotto, e Loteria di Aruba pa medio di Comision di Subsidio cu a subsidia e seleccion di Aruba Center Junior League cu lo representa Aruba den exterior.

Cumprando weganan di Lotto, e Loteria di Aruba bo ta contribui na deporte riba nos isla. Meta di e fundacion ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio. □

## Crush Power ta “crush” Redskins y ta elimina nan mediante un knockout culminante

**ORANJESTAD -** Champ of the Champs 2016 dedica na Willem Amador “Boy” Lacle y Jacobo “Coby” Krosendijk a continua diasabra riba veld di SV Dragon Hitters.

Despues cu Redskins a gana Federales diasabra anochi aparentemente nan lo a celebra pa campeon lubidando riba diadomingo.

Crush Power kendenan por mira atras riba un actuacion sublime den Champ of the Champs no a pordona y a drenta e wega contra Redskins cu 3 victoria y 1 derota pues cu mesun record cu Redskins pero ta percura pa un otro sorpresa mas grandi. Crush Power gewoon weg ta knockout Redskins na un manera culminante diadomingo merdia den half final expulsando Redskins for di Champ of the Champs y ta pasa pa final bay warda e ganado entre Royal Power vs Suffisant Eagles di Corsou.

E hoben pitcher Venezolano Yoangel Romero un biaha

mas ta preta brasa limitando Redskins na solamente 3 hit y den combinacion cu e tremendo bateria di Crush Power conectando 9 hit contra 3 pitchernan cu Redskins a uza den e wega aki ta percura pa e gran Victoria clasificando asina y pasa pa e wega final di Champ of the Champs 2016. Crush Power 11 careda, 9 hit, 0 eror. Redskins 1 careda, 3 hit, 3 eror. Andres Veras kende a inicia e partido ta resulta pitcher perdedo ricibiendo relevo di Juan Chirino kende na su turno ta wordo releva pa Arjen Mathilda.

Miho batiadonan pa Crush Power ta Jourick Blanco di 3-3 incluyendo un tablaso den profundidad di center-field, Gregorie Nuñez y Jose Luis Gonzalez di 3-2. Michel Ling di 2-1. Pa Redskins a luci na plato Jonathan Tromp 2-2, Derward Ruiz di 2-1. Champ of the Champs drentando su recta final den gran forma. Champ of the Champs den un solo palabra tabata magnifico. □





## Atleta Eldrick Dijkhoff a sali pa Italia

ORANJESTAD - Aruba Softball Bond ta orguyoso di su atletanan cu ta destaca riba nivel internacional y a duna tur cooperacion na atleta Eldrick Dijkhoff y Koninklijke Nederlandse Baseball en Softball Bond (KNBSB) pa asina haci e tramitenan necesario pa Eldrick Dijkhoff un bes mas por representa Hulanda den seleccion Hulandes na Montegrano Italia 9 pa 16 di Juli proximo unda lo bay tin Europese Kampioenschap.


Eldrick Dijkhoff a inicia su plan di entrenamiento desde 4 di Januari 2016 momento cu Seleccion di Aruba a cuminsa cu preparacionnan pa Panama pa e Campeonato di CONSURSA cu a tuma lugar na Mei ultimo.



Eldrick a logra rebaha 10 Kilo y ta den gran forma como pelotero.

Eldrick Dijkhoff algun aña pasa a wordo gescout pa delegadonan Hulandes den e torneo di Champ of the Champs cual a habri e porta internacional pa nos atleta local Eldrick Dijkhoff. Eldrick

ta den ful swing cu Campeonato oficial di fast pitch di Aruba Softball Bond. Final di Juni Eldrick a destaca den Copa Noord y a aporta na su ekipo pa titula campeon cu Tanki Leendert Giants reclamando e premio di MVP mientras 3 di Juli recientemente su ekipo Royal Power ta titula campeon pa di 8 bi-



aha den e Torneo mas grandi den region actualmente Champ of the Champs.

Pues Eldrick ta completamente den forma y a sali pa Hulanda diaranson ultimo pa incorpora su mes den Selec-

cion Hulandes y lo sigui pa Italia diahuebs 7 di Juli.

Su kerida mama Merry y papa Chiki Dijkhoff y henter famia y amigonan pero sigur henter pueblo di Aruba ta desea Eldrick Dijkhoff tur clase di exito. □

### *Lotto, e Loteria di Aruba:*



ORANJESTAD - Recientemente un delegacion den e deporte di landamento sincronisa di Arubaanse Zwembond a sali pa e pais di Panama unda den e dianan binidero nan lo competi den e

## Landamento sincronisa lo competi den e Confederación Centroamericana y del Caribe de Natación na Panama

campeonato organisa pa Confederación Centroamericana y del Caribe de Natación, CCCAN.

E competencia lo tuma lugar den e ciudad capital esta Panama City e dianan 7 pa 10 di juli y lo conta cu e miho atletanan den e region Centro Americano y Caribe. Te cu avor aki e paisnan cu lo competi den e CCCAN ta Panama, Costa Rica, Curaçao, El Salvador, Venezuela Guatemala, y Aruba.

Nos atletanan di landamento sincronisa ta cla pa e competencia aki, nan a prepara debidamente pa esaki y no tin duda cu nan lo duna un tremendo presentacion na Panama. E atletanan cu lo representa Aruba ta:

Abigail de Veer, Meghan Tromp, Kainah Croes, Anastasia van Daal, Rishaylee Bello, Avigayle Tromp, Mikayal Morales, Angelina Hamoen y Kyra Hoevertsz. Como coach lo tin Yami Romay.

Mester bisa cu den Caribe, Aruba su atletanan di landamento sincronisa ta wordo considera como un di e miho nan den e region. Nos atletanan semper a sobresali den numeroso competencia internacional. Den pasado atletanan di synchro a triunfa logrando medaya den Weganan Centro Americano y Del Caribe, mientras cu den competencianan colegial na Merca como tambe eventonan internacional na Europa nos atletanan tabata exitoso. Esaki sigur ta danki na e

propio atletanan, nan mayornan, staf di coachnan y AZB cu tur dia ta traha duro na bienestar di e deporte di landamento sincronisa.

Un danki sigur na Lotto, e Loteria di Aruba pa medio di Comision di Subsidio cu a subsidia e biaha di nos delegacion di landamento sincronisa pa e competencia organisa pa e Confederación Centroamericana y del Caribe de Natación na Panama.

Cumprando weganan di Lotto, e Loteria di Aruba bo ta contribui na deporte riba nos isla. Meta di e fundacion ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio. □

### *Champ of the Champs:*

## Royal Power ta tembla parke di Sv Dragon Hitters eliminando Suffisant Eagles di Corsou

ORANJESTAD - Champ of the Champs 2016 dedica na Willem Amador "Boy" Lacle y Jacobo "Coby" Krosendijk a continua diasabra riba veld di SV Dragon Hitters. Dia Domingo merdia e 4 ekiponan cu a clasifica a continua nan ronda den semi final.

Manera a publica anteriormente Crush Power kende a drenta como miho perdedo a "Crush" Redskins y a elimina Redskins y asina Crush Power a pasa pa final y a bay



drumi warda e ganado entre Suffisant eagles di Corsow contra Royal power di Aruba.

Royal Power sinembargo a baha formalmente riba Suffisant Eagles kendenan a

drenta e wega invicto den 4 wega pero no por a bin cla cu e bateria fuerte di Royal Power. Royal Power mediante un black out ta elimina Corsou pa pasa pa final.

Royal Power 15 careda, 14 hit, 0 eror. Suffisant Eagles 0 careda, 2 hit, 3 eror. Eudomar Toyo ta pone e Victoria riba su number ricibiendo cambio di Johannes Poy Flanegin den tercer entrada. Riangelo Tielman kende a wordo cambia pa Selvisson Angelista den di tercer entrada ta bay cas cu e derota. Mihor bateadornan pa Royal Power ta Edward

Cannister 2-2, Edmar Boekhoudt, Jonathan Ramada, Riangelo Flanegin, Dijendrick Croes tur di 1-1, Luis Pelayo di 3-2. Pa Suffisant Eagles a destaca na plato Alvaro Maduro y Audley Simmons ambos di 1-1. Asina tambe Royal Power a logra pasa pa final pa topa e fuerte ekipo di Crusha Power den e wega decisivo pa mira kende lo titula Champ of the Champs 2016. Den siguiente edicion lo amplia riba e wega final y premionan cu a wordo reparti. Champ of the Champs tabata elegante y magnifico. □



## Campeonato nacional di karate dia 9 di juli proximo

**ORANJESTAD** - Karate ta un di e deportenan cu mas a desaroya den e ultimo aña nan na Aruba. Varios scol di karate entre otro Dojo Budokan, Dojo Shibumi, Dojo Shoshinkai y sin lubida e otro scolnan a lanta cu a haci cu e cantidad di atleta a bira grandi mientras e demanda a sigui crece.

Den e ultimo dos añanan nos atletanan di karate a cuminsa competi na nivel internacional den nos region como tambe na Merca, algun



di nan a obtene resultadonan satisfactorio cual ta haci cu e deporte di karate ta riba e bon caminda. E federacion di karate, Aruba Karate Bond ta trahando duro na bienestar di nan atletanan y cada biaha ta purba na nivela nos atleta, coach y dirigentenan cu curso y competencianan local y internacional. Diasabra 9 di juli proximo, Aruba Karate Bond lo organisa un campeonato nacional pa tur miembro y no miembro den e Centro Deportivo Frans Figaroa na Noord. Na banda di e combatenan lo bay tin

tambe e competencia di Karate.

Un danki sigur na Lotto, e Loteria di Aruba pa medio di Comision di Subsidio cu a subsidia e Campeonato nacional di karate. Cumprando weganan di Lotto, e Loteria di Aruba bo ta contribui na deporte riba nos isla. Meta di e fundacion ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio. □

*Cu e aporte di Lotto na Comision di Subsidio:*

## Delegacion di atletismo lo competi den e 24th Trupial Auto City na Corsou



**ORANJESTAD** - E weekend aki Corsou lo ta anfitrión di un competencia internacional masha conoci y exitoso den e deporte di atletismo.

E di 24 edicion di e Trupial Auto City Classic ta un hecho unda nos delegacion di Aruba tambe lo forma parti di esaki. E evento lo ta un combinacion di competencia y alabes un campo di entrenamiento. E atletanan cu a wordo selecta pa e federacion di atletismo Arubano ta participa na e campo di entrenamiento lo ta Justice Dreischor, Lixandra Geerman, Zyon Geerman, Daymiron Cornes y Dhyronne Reed.

E campo di entrenamiento

ya a cuminsa diamars mientras e competencia lo ta diabierna y diasabra. Lo por competi den e Age Group U7 te cu Masters. Paisnan participante lo ta Puerto Rico, St. Maarten, Trinidad and Tobago, Surman, Anguilla, Jamaica, Boneiro, Barbados, Colombia, Dominica y Corsou mes.

Un danki sigur na Lotto, e Loteria di Aruba pa medio di Comision di Subsidio cu a subsidia e biahe di e delegacion di atletismo pa e campo di entrenamiento y competencia na e Trupial Classic 2016.

Cumprando weganan di Lotto, e Loteria di Aruba manera Catochi, Big 4, Zodiac, Wega di Number Corsou, Lotto



di Dia, Lotto 5, Mini Mega, Mega Plus y weganan di Raspa bo ta contribui na deporte riba nos isla. Meta di e fundacion ta pa organisa lo-

teria, cambia bida di su hungadonan y na mes momento inverti den deporte local pa medio di donacionnan na e Comision di Subsidio. □

*Cu e aportacion di Lotto na Comision di Subsidio:*

## Atletanan di tennis a biaha pa XXV Copa Merengue teni na Republica Dominicana

**ORANJESTAD** - E dianan 8 pa 16 di juli proximo lo tuma luga na Republica Dominicana e di 25 edicion di e Copa Merengue den e deporte di tennis. Mirando e participacion tur aña di nos tenistanan Arubano, e aña aki esaki no lo ta un excepcion. Aruba Lawn Tennis Bond lo manda e biaha aki un seleccion di mucha homber den e edad di 16 aña.

E delegacion di Aruba lo consisti den e hungadonan Patrick Sydow, Kevin Yarzagaray, Frederick Sydow y Alexson



Hessels. Despues cu siman pasa nos tenistanan a hunga e torneo internacional TIHTA na Aruba unda nan a duna bon bataya na esnan di exterior den un nivel di torneo halto, awor otro compromiso ta warda nan na Republica Dominicana unda lo enfrenta e miho hungadonan den e region di Caribe.

Tur e cuater tenistanan aki tin experiencia internacional mirando cu varios biaha nan a competi pa Aruba internacionalmente y logrando premio. Un danki sigur na Lotto, e Loteria di Aruba pa medio di

Comision di Subsidio cu a subsidia e biahe di e delegacion di tennis pa XXV Copa Merengue teni na Republica Dominicana

Cumprando weganan di Lotto, e Loteria di Aruba manera Catochi, Big 4, Zodiac, Wega di Number Corsou, Lotto di Dia, Lotto 5, Mini Mega, Mega Plus y weganan di Raspa bo ta contribui na deporte riba nos isla. Meta di e fundacion ta pa organisa loteria, cambia bida di su hungadonan y na mes momento inverti den deporte local pa medio di donacionnan na e Comision di Subsidio. □



# CLASIFICADO

en cooperashon cu **ARUBAdeal.com**  
One happy marketplace



**Pone clasificado den e secshon aki?**  
Bai riba [www.arubadeal.com/pap/user/login](http://www.arubadeal.com/pap/user/login)  
**Completamente gratis!**

Bo kier wak e portret? Bai riba [Arubadeal.com](http://Arubadeal.com) y jena e 'Quick code'.

## Computer & Telecomunicacion

Ipod Nano | cuater (4) Ipod Nano Blue, cada un pa 125 florin | Tel. 5937191 | Quick Code: 019839 |

2 control di xbox 360 | 2 xbox 360 control, cada uno 40 florin pa uno. Nan ta uza pero den bon condicion. | Tel. 5638708 | Quick Code: 019038 |

Xbox games | Ta bende 4 xbox games. 30 florin pa uno. Weganan ta: fallout new vegas, soul calibur IV, modern warfare 2, modern warfare 3. | Tel. 5638708 | Quick Code: 019039 |

Xbox 360 hard drive 250 gb | Ta bende Xbox 360 hard drive 250 gb den bon condicion. | 50.00 florin | Tel. 5638708 | Quick Code: 019040 |

Portatil Toshiba touch screen cumpra na crown 6 luna pasa pero con muy poco uzo. Procesado Intel(R) Core(TM) i3-4005U CPU @ 1.70GHz

1.70GHz RAM 4GB y Disco duro de 455GB para mas informacion y potret por tuma contacto cu mi of whatsapp na e mes un number di cel. | 1100.00 florin | Tel. 5615183 | Quick Code: 019845 |

Ta bende un iPhone SE | Ta bende un iPhone SE Rose gold 16 GB den caha cu plastic cera cu garantia. Esaki ta un iPhone cu body di 5s y potencia di 6s. Yama of whatsapp na 567-7767 | O.b.o. | Tel. 567-7767 | Quick Code: 019821 |

\*Nobo\* Samsung Galaxy S7 32GB | Nobo den su caha cu tur cos, color ta preto. Cell ta unlocked y prijs ta discutibel. Yama or whatsapp | 1200.00 florin | Tel. 7480728 | Quick Code: 019846 |

## Residencia

Ta Huur studio 800 florin Oranjestad. Cu baño y cushina ta inclui awa coriente cable wifi Exclui coriente airco. Un luna di borg cerca di lama. Supermarket. Restaurant pomp station Max 2

persona pa mas informacion por whatsapp 5616062 | Quick Code: 019828

Koningstraat 38 | Ta bende un cas den un alocacion super ideal. Esaki ta den Koningstraat 38. Misa San Francisco bay a bou. Ta un cas cu 4 camber, baño, cushina, sala apart, dinning room apart. Y cura patras di 145 m2. E cas ta 110m2. Ta un cas di cunucu. | 250000.00 florin | Tel. 5920880 | Quick Code: 019033 |

## Mucha

Diferente paña pa mucha muhe Sizenan ta varia entre: 2, 110cm, 3-4Y, 4y, xs | 25.00 florin | Tel. 7373343 | Quick Code: 019041 |

Stroller pa baby. 70 florin | Bon calidad. Graco. | Tel. 5616062 | Quick Code: 011807 |

Brommer pa baby music light 100 florin | Brommer pa baby cu musica y luz | Tel. 5616062 | Quick Code: 019300 |

## Brommer & Bicicleta

Moto auteco XCD 125 | Poco uza, tiki kilometer cori y den bon estado. | 2100.00 florin | Tel. 6610459 | Quick Code: 019824 |

**V a r i o s**  
Ta bende porta steel Roller-shutter pa Garashi di aluminium cu motor color blanco, segunda mano y den bon condicion. Size ta 2.2m High x 2.4 m wide no tin remote control. Na mi bo oferta mester bay what sap na 567-7767 of yama | Ganga | Tel. 567-7767 | Quick Code: 019823 |

## Auto & Acesoio

ta bende un Kia Rio 2004. unico defecto cu e pomp di transmision mester wordo cambia. automatico, power steering, power brakes, radio, airco. si ta desea por bende pa piesa tambe. prijs 2.000 florin y ta discutibel. por yama 737-3388 | Quick Code: 019855 |

Honda Civic, 2012 74000 km | Afl. 28000.00 | Tel. +297 7433001 | Quick Code: 019026 |

Ford escape 2013, 4WD, bon condicion manera nobo. | 43000.00 florin | Tel. 5661746 | Quick Code: 019024 |

Ta bende un Ford F 350 diesel 4x4 single cab di año 2008 den super bon condicion. Pa info yama 5948970 | Afl. 38000.00 | Tel. 5948970 | Quick Code: 018956 |

## Cas & Decoracion

Set di sala puro palo | Set di sala cu dos stoel y sofa cu su mesa puro palo. Den bon condicion por yama 5920318 pa bin wak anytime | 1000.00 florin | Tel. 5920318 | Quick Code: 019809 |

Bloki di glas diferente 3 c/u | Mi tin mas cu 100 bloki di glas diferente style 3 guilders pa cada un | 3.00 florin | Tel. 5616062 | Quick Code: 019301 |

*Bono-Vox Hassell:*

## Orguyoso di loke el a logra te awor cu su participacion den e programa di Formacion Social

**ORANJESTAD – Pa Bono-Vox Hassell, participante di grupo 9 di Formacion Social ta un soño cu a bira realidad ora cu el a haya sa cu e team di Trayecto di Formacion Social a logra haya un luga pe core stage den garashi di Marinierskazerne.**

Bono-Vox ta sinti su mes hopi orguyoso di loke el a logra te awor cu su participacion den e programa di Formacion Social. “Mi tin un diploma caba di Prome Auxilio di Cruz Cora y mi tin un certificado di “Anger Management” cu tambe ta importante ora cu bo ta busca trabou,” e hoben



a comenta.

Ora cu el a yega e momento pa core stage, el a pidi pa busca algo cu tin di haber cu

mecanico y “preferiblemente na Marinierskazerne mes”, el a bisa su mentornan. Nan a logra haci su soño realidad.

“Traha riba auto ta algo cu semper mi a gusta y awor SVT ta yuda mi den esaki.” E hoben a conta cu el a cuminsa traha den garashi unda cu el a siña inicialmente traha riba motor di autonan diesel, pero tambe a siña su persona di autonan cu ta core riba gasolin. Awor el a haya e tarea pa hunto cu e hoben di Aru-

mil Juan Martijn pa torno un motor y despues arma esaki bek pa e wordo poni den e vehiculo y wak si e ta traha.

Bono-Vox Hassell tabatin palabra di elogio so pa tur loke e programa di SVT a haci pe. P’esey e no ta duda pa conseha e hobennan cu no a logra un diploma, pa inscribi lihe pa e proximo programa cu ta cuminsa na januari awor.

Formacion Social ta un pro-

grama unda hobennan entre 18 pa 24 año cu no a logra termina scol of no tin ningun diploma por sigui e programa. Inicialmente e programa aki a wordo financia pa Aruba hunto cu Ministerio di

Defensa di Hulanda y awor e ta cay completamente bou responsabilidad di Gobierno di Aruba mientras cu Marinierskazerne ta coopera poniendo e ekipo y personal disponibel pa e cursonan. □



**BON DIA** *Aruba*

**Pa AVISO den nos Corant**  
[aviso@bondia.com](mailto:aviso@bondia.com)



## Cambio den ley di Fondo pa Combato di Criminalidad

**ORANJESTAD - Durante conferencia di prensa semanal di Partido MEP, Parlamentario Sr. Guillfred Besaril a elabora riba un reunion cu a tuma luga Diamars ultimo den sala di Parlamento. Sr. Besaril a declara lo siguiente:**

"Diamars ultimo gobierno di Aruba por medio di e titularnan di Husticia y Finanzas a bin Parlamentario cu un proposicion di cambio den e ley cu ta regla e Fondo pa Combato di Criminalidad. Na aña 2012 a trata y introduci e ordenansa en cuestion.

Den esencia e ordenansa aki ta permiti Husticia haci uzo di placa, material y propiedadnan precedente di actividadnan contra ley cu keda confisca. Por lo menos esaki tabata e intencion. Den practica a resulta cu en bes di loke wordo genera bay na disposicion di Husticia y combato di criminalidad, esaki tabata

termina den e caha general di gobierno. Pa colmo mester a warda te na momento di trata un presupuesto pa haya parti di e fondo y no e suma total.

P'esey a bin Parlamento pa haci e cambionan necesario den e ordenansa pa realmente Husticia por haci uzo efectivo di e fondo. Ademá a introduci un cambio cu ta permiti e Minister di Husticia haci uzo di inmediato di e fondo, pero a condiciona e cambio aki na e echo cu na final di cada kwartaal e Minister mester bin Parlamentario y responsabilisa su mes pa e uzo di e fondo. Asina Parlamento por keda vigila e uzo di e fondo. Partido MEP semper a bay di acuerdo cu iniciativanan cu ta positivo pa nos comunidad y e biaha aki no tabata diferente. Especialmente en bista di e situacion

reinante riba nos isla pa motibo di criminalidad y e falta di seguridad.

Loke si a keda un preocupacion pa nos fraccion ta e echo cu e uzo di e fondo lo keda den man di un mandatario kende cu pa motibo di su maneho erratico y reactivo, nos fraccion na dos ocasion a entrega un mocion di desconfianza contra su persona. Nos ta preocupa cu Aruba su seguridad sigui den e rumbo actual. Un rumbo cu nos fraccion ta compara igual na purba mop un vloer di cas pero cu e cranchi awa hancha habri of manera mi grandinan tabata bisa "Hiba awa pa lama!"

Partido MEP ta spera di mira movecion den e direccion di reintroduci e servicio di Helicopter. Nos kier e uzo di tecnologia pa preveni y com-



bati criminalidad, p'esey nos ta kere den e proyecto "Boton di Panico". Pueblo di Aruba kier sinti e presencia di autoridad riba caya. No solamente pa control di trafico sino ademá pa un control mas intensivo di Aruba su costanan. MEP kier mira mas sosode na nivel di prevencion paso e no por tapa solo cu un dede. Cir-

culacion di arma di candela ta alarmante, pues mester preveni esaki drenta na e manera facil cu e ta drentando awor! MEP kier mira porfin cu ta cuminsa conbibi cu e preocupacionnan cu ta reina den nos comunidad. Pueblo ta fada y no ta ría na exige mas pa nan tranquilidad!", Parlamentario Besaril a termina. □

*Xiomara Maduro*  
(MEP)

## Minister Sevinger no por djis keda liber di e crimen cu el a haci contra nos medio ambiente



**ORANJESTAD - Na momento cu Gabinete Eman a yega na mando na 2009 nan a haci tur lo posibel pa boicotia e proyecto di reduci sushi na e dump di Parkietenbos.**

Nan a logra pa saca e plug afo y para e planta di procesa sushi cu e compania Bouldin & Lawson a traha cu un costo di 28 milyon na inversion di placa di Pueblo. Na su luga Gabinete Eman no a bin cu ningun otro proyecto pa procesa, reduci of recicla sushi na nos Pais. Consecuencia di esaki ta cu pa 7 aña largo e

seronan di sushi na e dump a crece y cun'e a trece mas molestia y problema di salud pa esnan biba den cercania, sushi ta bay den nos lama y nos medio ambiente na Aruba a keda malamente afecta. E capricho di e Gobierno aki a trece caos cun'e cu ta afecta salud y bienestar di nos Pais y pa e crimen aki Minister Sevinger mester wordo teni responsabel.

### Proyecto boicotia

Den e sentencia di Hues di 10 februari 2016 a confirma cu e proyecto di Bouldin & Lawson a wordo boicotia pa Gabi-

nete Eman en special door di Minister Sevinger como e minister encarga. Den e sentencia por lesa cu e planta no por a funciona debidamente ya cu Gobierno no a facilita diesel pa e mashinnan. Gobierno no a percura pa piesanan y otro material necesario. No lubida cu durante un inspeccion cu Parlamento a haci na e facilidad na dump, nos tabata testigo cu ni un basora drechi e trahadonan tabata tin pa por a bari y tene e facilidad limpi. Banda di esaki Gobierno no a percura pa tin suficiente trahado pa atende e mashinnan optimalmente.

Y mas cu claro esnan liga na e Gobierno di AVP a percura pa tira sushi cu no ta sushi di cas den e mashinnan pa asina por logra kibra e djentenan di e mashin pa despues Minister Sevinger por a bin zwaai cu kotex den Parlamento bisando cu e djentenan ta kibra y e mashinnan no por ni procesa kotex. Un berguensa cu ta tipifica e manera baho cu Minister Sevinger a trata cu un proyecto asina importante pa nos Pais.

### Minister Sevinger ta responsabel

Door di deliberadamente boicotia e proyecto pa reduci sushi na dump, awe tin persona biba den cercania di e dump cu tin problema cu

salud. Tambe sushi ta cay den lama y ta causa contaminacion. Pa no papia mes di e caos na dump ora cu e sushi ta pega na candela y ta afecta salud y bienestar di nos Pais. Y sin conta e gastonan extra cu Pueblo mester paga pa tur e casonan dilanti Hues cu a surgi door di e boycott aki. Na nos opinion, Minister Sevinger mester wordo poni personalmente responsabel pa tur e caos y gastonan aki. Pueblo a confia su persona cu e cartera di medio ambiente, pero pa capricho politico e mandatario a comete eror nan cu awe ta afecta e salud y bienestar di nos Pais. Minister Sevinger no por djis keda liber di e crimen cu el a haci contra medio ambiente y nos Pueblo. □





## MEP a manda di 4 peticion pa reunion publico tocante otorgamento di tereno

**ORANJESTAD - Ya dia 18 di januari 2016 fraccion di MEP a haci un peticion pa un reunion publico pa atende minister Benny Sievinger riba e scandalnan tocante otorgamento di tereno. E reunion aki no a wordo yama ainda y pues e fraccion a manda un recordatorio dia 23 februari, un otro dia 14 maart, un otro dia 11 mei y awe e di 4 recordatorio. Segun reglamento di orden di Parlamento, un reunion asina mester wordo yama dentro di 30 dia! Kico ta e motibo cu parlamento ta viola reglamento di orden, y no ta yama e reunion, no ta conoci.**

Ultimo lunanan minister Benny Sievinger ta e blanco di scandal cu tereno. Tereno cu el a duna na su campaña-donan, tereno cu el a duna na esunnan cu a financia su campaña, terenonan duna na rumannan di minister, terenonan duna na doñonan di partido AVP!

Na Aruba tin un negoshi di

tereno den cual miyones y miyones di florin ta draai. E sistema ta traha asina.

Minister Benny Sievinger ta aproba peticionnan na granel di un grupito di hendenan hopi cerca di dje. E hendenan aki ta lanta cantidad di compania, y cada tereno nan ta hinca den un compania asina. E gastonan total di e hendenan di Sievinger no ta hopi, talbes 2 mil florin pa haya e tereno y lanta e compania. Y e ora e negoshi mes ta cuminsa, pasobra nan ta bende e tereno y e compania na inversionistanan di Venezuela, Merca y otro pais, tin biaha hasta pa Af. 2.000.000!

Den un caso asina nan ta haciendo un ganashi di 1.800.000 florin. Un miyon y ocho cien mil florin! Remarcabel ta cu minister Sievinger ta aproba e peticionnan di esunnan cerca di dje mesora, sin perde mucho tempo, pa asina e placa dreña facil y lihe.

Esaki ta un acto castigabel, pasobra ta prohibi pa specula cu propiedad di pueblo y haci



ganashinan asina extravagante, mientras tin 10 mil ciudadano ta wardando 10 aña of mas pa haya un tereno.

E ganashi aki no ta wordo deposita riba cuentanan di banco na Aruba, pasobra ta mucho obvio.

Nan ta deposita e placa aki riba cuenta di banco na Merca. Cu esey nan ta cumpra

yen di cos di luho, manera condominio na Merca pa yiu biba aden.

Tur esaki ta pasa bou di naniishi di autoridadnan na Aruba, pero autoridadnan no ta actua. Sea nan ta mortalmente na sueño y no ta interesa den combati corrupcion, of sea nan a haya instruccion di gobierno pa no investiga y no actua, of

sea nan ta complice den tur e corrupcion aki. Cualquiera cu ta e caso, e corrupcion aki lo no dura mucho tempo mas, pasobra ta cu man duro husticia lo baha riba tur e corruptonan cu ta specula cu propiedad di pueblo, una bes cu gobierno cambia, y e biento fresco di husticia cuminsa core cu tur e aire putri di corrupcion di AVP. □

*Dangui Oduber*  
(MEP):

**ORANJESTAD - Despues di 7 aña ainda e gobierno "berde" di Mike Eman no por a presenta un solucion pa e dump na Parkietenbos. Loke si a sali na cla despues di e 7 añanan aki ta e hecho cu Benny Sevinger ta culpabel y responsabel pa e situacion na dump.**

Awe minister Sevinger kier bisa cu e ta kere den continuidad di gobernacion pero su echonan ta demostra lo contrario.

Si berdad e tawata kere den continuacion di gobernacion anto e ora e no mester boicotia e proyecto di Bouldin & Lawson na dump. Un proyecto cu a costa nos pueblo 27 miyon florin y den e sentencia di hues, hues a bisa cu Benny Sevinger y gobierno deliberadamente a boicotia e proyecto aki. Un mente maligno yena cu odio y venganza so por haci e tipo di cosnan aki.

No solamente e proyecto a costa nos pueblo 27 miyon florin sino awor e compania Bouldin & Lawson ta pidi daño y perhuicio tambe y



esaki ta costa 2 miyon florin adicional.

Benny Sevinger mester wordo teni personalmente responsabel pa e decisionnan cu el a tuma premedita boicotia un proyecto cu tawata na bienestar di pueblo. E mester

bay paga e 30 miyon florin aki y no e pueblo di Aruba.

Ora nos bisa algo ta pasobra nos por prueba loke nos ta bisa cu echonan. Esaki ta loke a keda demostra den corte.



Benny Sevinger y su gobierno tawata duna instruccion na Serlimar pa boicotia e proyecto aki. E mashinnan cu ta uza diesel pa por traha no tawata haya diesel. Serlimar tawata nenga di cumpra diesel pa e mashinnan por traha uzando e pretexto cu no tin placa. Nos ta lamenta profundamente e actitud anti pueblo aki, e mentalidad destructivo di Benny Sevinger y su gobierno. Awe no ta ami, ni MEP ta bisa cu Benny Sevinger a actua incorrecto sino hues a dicta esaki. Esaki ta bira e di 7 sentencia di hues caba e aña aki contra Benny Sevinger.

Un minister cu a actua di mala fe y a costa nos pueblo mas cu 30 miyon florin mester wordo poni personalmente responsabel pa e daño cu e la causa na pais Aruba. Pa añanan largo e tawata mal informa y gaña pueblo tocante e bunita proyecto di procesa sushi aki y awe despues di 7 aña e berdad ta sali na cla. E berdad ta cu Benny Sevinger a actua di mala fe y no tawata tin ningun motibo valido pa termina e contract cu e compania Bouldin & Lawson. E ta obvio cu Benny Sevinger, ta irresponsabel y si e tin consenshi, mester tene honor na su mes y entrega su retiro! □

## Benny Sevinger culpabel y responsabel pa e malicia cu a wordo cometi den e proyecto di dump!



## Benny Sievinger a admiti cu el a faya, kico ministerio publico ta warda?

**SANTA CRUZ – Lider di MEP Evelyn Wever-Croes a reacciona riba Benny Sievinger cu awor a admiti di a parti tereno pa loco, y contra ley.**

Awor, despues di 7 aña cu e ta minister, el a bisa cu e no ta di acuerdo cu e ley di ROP y proteccion di medio ambiente, y p'esey e no ta tene su mes na e ley. P'esey minister Sievinger lo a regala cantidad di tereno na esunnan mas cerca di dje. Especialmente su campañadonan cu a haya miles y miles di kilometer cuadra di tereno hopi valioso na Aruba.

E caso cu a hala atencion ta e caso di construccion den cercania di Bubali Plas, den cual hues a ordena gobierno pa no otorga e tereno pasobra e ta den un area berde. Cu esaki minister Benny Sievinger a perde mas di 10 caso den poco tempo, cada biaha hues ta bati riba su dede. Pero locual ta mas serio den e caso aki, ta cu minister Sievinger a

laga sa cu e no ta di acuerdo cu Bubali Plas mester ta area berde! Segun Benny Sievinger tin suficiente area berde na Aruba caba y p'esey Bubali Plas no mester wordo protegi. Ademá, segun Benny Sievinger, no ta naturalesa a forma Bubali Plas, ta hende a traha Bubali Plas.

Na prome luga e expresionnan aki ta muestra di un persona sin gevoel pa naturalesa, y na di dos luga, un minister di un gobierno cu a manda nos pais bancarota pa promove energia "berde" un expresion asina ta masha contradictorio.

Cu e expresion di Sievinger, cu e sa masha bon cu el a faya, y asina a actua contra ley, e caminda ta hanchu habri pa Ministerio Publico cuminsa investiga y persigui su persona. Un minister cu ta trapa ley, mester wordo castiga. Especialmente si e minister mes tabata tin den su poder pa cambia e ley, pero pa 7 aña largo no a traha riba e cambio

*Evelyn Wever-Croes(MEP)*

di ley. Ta deliberadamente minister Benny Sievinger ta viola ley.

Minister Presidente Mike Eman ta completamente na altura di tur esaki, pero no ta tuma accion. Mike Eman a perde tur clase di autoridad y respet den pueblo, tur hende ta realiza cu e ta un fracaso como lider, pasobra e ta permiti tur haci kico cu ta, y e ta aproba esey, basta cu e keda na poder.

"Pa nos esaki a bira dimas. Nos fraccion ya desde 18 januari 2016 a pidi un reunion publico cu minister Benny Sievinger pa atende e violacion di ley y e mal maneho di minister Benny Sievinger. Lamentablemente te dia di awe e reunion no a wordo yama. Nos lo insisti cerca presidente di Parlamento pa



yama e reunion aki cu urgencia, pasobra e minister mester wordo responsabilisa pa tanto violacion. Y si parlamentarionan di AVP sigui scoge pa protegi minister Benny Sievinger y pa sigui sconde su bagamunderianan, lamentablemente pueblo di Aruba lo tin cu warda un poco mas, te otro aña despues di eleccion pasobra na momento cu MEP dreña gobierno, minis-

ter Benny Sievinger lo wordo investiga y persigui cu tur forza di ley pa tur e corrupcion cu el a haci su mes culpabel na dje. Y un consejo ta bay na hefenan di departamento pa nan no ta complice den e corrupcion aki. Aruba merece miho, Aruba merece un gobierno mucho miho cu esun di gabinete Mike Eman", lider di MEP Evelyn Wever-Croes a duna di conoce. □

*Prome Minister Mike Eman:*



**ORANJESTAD – Prome Minister Mike Eman, durante un encuentro cu miembronan di prensa a duna splicacion amplio riba proyectonan cu ta**

**cuminsando como parti di un fase nobo di renobacion di Aruba. Un di e proyectonan mas importante den e fase aki ta renobacionnan di scolnan.**

"Renobacion di nos scolnan ta siguiendo y mi kier manda un palabra di elogio pa nos Minister di Enseñansa, cu ta dunando un empuhe grandi na e renobacionnan aki. Tambe e proyectonan ta haya sosten importante di Minister di Infraestructura y InfraTeam."

Algun di e proyectonan aki ta wordo realiza cu fondonan di FDA y tin otro nan cu apoyo financiero di Gobierno. Varios scol ta bay wordo renoba, manera Rosa College cu ta wordo amplia,

e Opvang Center na Sabana Berde y diferente scol ta haya cura, entre nan, Ayo Kleuter School, Cacique Kleuterschool, Pius X School y SO Santa Cruz.

Un di e temanan cu cada bes ta bini dilanti durante bishita den barionan cu Prome Minister ta haci regularmente, ta e peticionnan pa verkeersplateau. E peticionnan ta pa tanto dilanti scolnan como den avenidanan residencial. "Hopi di nos ta fanatico di autonan di velocidad, pero esaki mester tuma luga riba e sitionan destina pa esaki. Lamentablemente na Aruba hopi no por warda e momento aki pa midi forsa di e autonan y nos barionan ta birando poco peligroso. Nos

tin e responsabilidad civico pa sigui e reglanan di trafico, polis tin e trabou di controla. Pero nos a mira cu den e parti di infraestructura nos por contribui na baha e velocidad y haci'e mas sigur pa nos muchanan y peatonnan."

El a splica cu DOW a crea hopi experticio su mes den construccion di verkeersplateau y e sistema aki ta un contribucion grandi. Na unda cu nan a wordo construi, Gobierno a haya hopi bon reaccion di e ciudadanonan. Mester cremencha cu e presupuesto, pero e inversionnan aki ta mehora e calidad di bida." Lo construi esakinan den Madiki, Driemasterstraat, Sint Franciscus College, Caya Ernesto Petronia, dilanti Do-

minicus College den La Sallestraat, na Colegio Felepito B Tromp na Montaña, dilanti Biblioteca Nacional y den un area na Paradera, unda hopi hende ta crusa caya.

"Pa nos esaki ta algo importante, pasobra tanto fase 1 como 2 di renobacion di barionan, di centro di ciudad, di scolnan y areanan publico a contribui grandemente na mehora calidad di bida di nos hendenan.

Nos a haya hopi palabra di gratitud y apoyo pa esaki," e mandatario a bisa. Papiando di barionan, e siman aki ainda Gobierno ta cuminsa cu instalacion di luznan den bario y e team ta den e prome bario cu e proyecto di Luz den Bario desde cu e luznan nobo a yega. □

## Scolnan ta wordo renoba y ta construi plataforma di trafico den barionan

## Unanimamente ta sostene e concepto di ley presenta na Parlamento pa regula All Inclusive

*Conseho di Minister:*

**ORANJESTAD - Gobierno di Aruba a tuma nota di un publicacion cu a sali den medionan di comunicacion e siman aki, insinuando cu Minister di Financia y Organizacion gubernamental y Minister di Salud publico, Cuido di nos grandinan y deporte lo ta para tras di e hecho cu mas investigacion lo ta necesario, prome cu debati den Parlamento di Aruba ariba e concepto di ley cu lo mester regula All Inclusive na Aruba.**

Pa medio di e comunicado oficial aki, gobierno den su totalidad ta distancia di e contenido di dicho publicacion y ta confirma cu Consejo de Minister unanimamente ta sostene e concepto di ley presenta na Parlamento di Aruba.

Ademá di esaki Consejo di Minister tambe a aproba un procedura cu lo mester percura pa un revision completo di e Decreto di Permiso cu ta regula permisonan pa hotel. □



*Rene Herde' (AVP) :*

## Cinco ora di pregunta y contesta

**ORANJESTAD - Den un reunion di cinco ora di presentacion, pregunta y contesta riba e acuerdo pa habri e refineria,**

Parlamento a haya un luho di informacion detaya riba e acuerdo pa habri e refineria. P'esey e fraccion di AVP tin tur comprension cu gobierno kier bini cla cu tur detaye di e acuerdo cu Valero pa traspasso di e refineria, pa asina caba di traha e leynan y bin Parlamento pa busca aprobacion.

E reunion cu inicialmente tabata intencion di dura un ora pa un ora y mey, a dura cinco ora. Principalmente pasobra ministernan Eman y de Meza a tuma tur nan tempo pa contesta preguntanan di miembronan di parlamentario y duna tur informacion adicional cu por tin. Ningun miembro di parlamento cu a presenta pa e reunion por bisa cu e no a haya informa-

cion valioso of cu e no a haya contesta riba su preguntanan.

Riba tur pregunta e ministernan y e expertonan a duna informacion detaya. Ta e ley y e contractnan so falta pa yega. Tur e miembronan di e fraccion di AVP tabata presente. Sr. Bikker di PDR y mita di e fraccion di MEP tabata t'ey. Anto net esunnan di MEP cu ta haya cu semper nan mester tin algo di bisa di e refineria, no tabata na trabou e dia ey. Dos di nan no ta ni na Aruba.

### **Luhó di detaye**

Riba peticion di e fraccion di AVP gobierno a duna tur miembro di parlamento un documento cu un cantidad di informacion valioso pa comprende e acuerdo miho. Den e documento ta wak e estructura di e acuerdonan, e estructura di e compania CITGO Aruba, e relacion cu Refineria di Aruba, e acuerdonan riba



tereno di medio ambiente, labor, belasting, etc.

Den e resumen ta duna un bista di e efectonan economico, financiero y laboral. Cu e documento aki por

haya un bon bista di e acuerdo. Rene Herde': "Pa tende miembronan di MEP bisa cu ministernan no a contesta preguntanan ta simplemente un mentira flagrante. Nunca prome Parlamento a yega

di haya tanto informacion hasta prome cu trata un ley. Aparentemente nada ta bon den bista di MEP. Pa colmo awor nan ta busca cos pa vota contra di e reapertura di e refineria! Increibel". □

*Benny Nisbet (PPA):*

## Para tratamiento di e concepto di ley pa cambia e Decreto di Permiso pa hotel awor !

**ORANJESTAD - E discusion riba e concepto di Ley pa trece cambio den e Decreto di Permiso ta birando mas cayente segun e dianan ta yegando unda gobierno lo kier trata e concepto di Ley aki den seno di Parlamento di Aruba.**

PPA ta consciente cu esaki ta un topico masha delicado mes y mester wordo trata cu e sentido comun cu nos como pueblo y gobierno como gobierno di pais Aruba lo mester tin.

Ta pa hopi tempo cu tabata tin preocupacion pa e hecho cu sea mas hotel 'All Inclusive' a wordo construi of cu un Hotel existente tradicional a wordo bendi y cambia pa e sistema 'All Inclusive'. Pa hopi tempo e sector di Taxista, Restaurant y Comercio a señala na gobierno/parlamento cu mas 'all inclusive' a desaroya nan mes na Aruba menos trabao y cliente nan ta hayando.

PPA a duna como nos opinion hopi aña atras cu lo ta miho pa gobierno regla esaki pa evita cu esaki bira un problema den futuro pero ningun gobierno Ni geel, Ni berde no a sinti pa esaki.

Te cu algun luna pasa Min-

istro di Turismo Sr. Otmar Oduber a duna permiso pa construcion di un Hotel na San Nicolas pa e compania Bahia cual por a construi te na 1000 camber cual den practica ta tres hotel 'All Inclusive'. Ora e discusion a inicia cu esaki lo ta nifica cu lo no tin un 'spin-off economico' satisfactorio pa comercio di San Nicolas, gobierno a contradeci esaki.

P'esey mes e maneho di gobierno pa presenta un concepto di Ley pa cambia e Decreto di Permiso diripiente a cay no solamente di sorpresa pero a bruha hopi hende di kico exactamente ta e opinion di gobierno di Aruba.

'All Inclusive' a desaroya su mes den Caribe grandemente basa riba e hecho cu diferente destinacion tabata subi bao di un criminalidad di otro mundo. Y e bendemento di 'all inclusive' a sirbi pa trece e turista pa e destinacionnan aki pero na mes momento pa protege tambe di tal forma limitando su movicion riba e otro parti di e destinacion cu tur sorto di consecuencia.

E ganado den esaki mayoria bes ta e turista mes cu ta haya un package e doño di

hotel cu ta aumenta su ganashi y den cierto pais tambe nan ta referi na e 'travel agency'. Mester menciona cu e cliente/turista hopi bes ta desea pa haya un package esaki basa riba preocupacion pa seguridad pero tambe pa e motibo cu e ora ey ta sali nan hopi atractivo y e realidad ey ta hunga un rol den e mundo turistico di awendia.

Awor Aruba no ta sufri di un criminalidad creciente na nivel di e destinacionnan otro aki pero a permiti e desaroyo di 'All inclusive' crece cu awor tin un preocupacion pa cu esaki. Berdad e pregunta ta con pa atende esaki di tal forma cu no ta perhudica e sector hotelero y na mes momento e sector di TX, Restaurant y Comercio. Un tarea dificil !

Den e mundo di 'travel' diferente forsa a contribui na crecimiento di 'All Inclusive' rond mundo.

PPA ta ripiti nos opinion: PPA ta di opinion cu e asunto aki mester a wordo regla prome cu e permiti e desaroyo aki yega na e nivel cu e ta.

Awor cu el a yega e asunto mester wordo regla den un Ley destina pa e meta aki y

no un Ley cu lo crea e asina yama 'detournement de pouvoir', cual ta e basa riba cual esunnan cu ta kere cu nan ta perhudica lo por hiba gobierno Corte cu nan a uza e Ley robes y gana den Corte y tur consecuencia pa caha di gobierno.

PPA ta di opinion cu basa riba esaki mester para e tratamiento di Ley aki y cuminsa prepara un LEY independiente den cual esaki lo por wordo trata.

PPA ta di opinion cu durante e proceso aki lo ta bon pa haci 'tur estudio' necesario riba e efecto di 'All Inclusive hotels' aki na Aruba !

Na mes momento PPA kier accentua cu desaroyo di un sector comercial enfrente di nos hotelnan tambe a contribui cu TX, Restaurant y comercio na otro sitio a sufri consecuencia dramático di esaki.

Hinca ehecurion di e ley den man di mas ministro!

Como cu nos ta sinti cu tin un preocupacion cu ora postula ehecurion di un Ley asina bao di e competencianan di Ministro di Turismo cual lo nifica den man di un solo ministro, PPA a propone caba y nos ta ripiti si yega den

futuro pa ehecuta un Ley asina(no e concepto actual pero un otro ) e competencia aki mester na prome luga wordo trata den seno di Consejo di Ministro y ehecurion di e Ley aki mester cay bao di competencia di dos ministro. Ministro encarga cu nos Economia y Ministro encarga cu Turismo ora e proceso aki ta tuma luga departamentonan di gobierno cu ta cay bao di cada ministro mester por duna nan consejo 'independiente' na nan ministro despues di cual e asunto aki ta wordo trata y decisionnan tuma e ora ey no ta trata cu ta un solo ministro a bira un sorto di 'dios' dentro di e pilar economico di Aruba esta nos turismo.

Un bes mas na e momento aki PPA ta di opinion cu mester para tratamiento di e ley actual cu e meta pa crea un otro ley cual mester ta cla dentro di un periodo. Un periodo dentro di cual e estudionan cu cada kende ta referi na dje le lo mester ta cla tambe pa e tratamiento aki. Tambe PPA ta kere den un 'plataforma nacional' esta un intercambio nacional entre gobierno/ATA y sector di Turismo esta AHATA riba e topico aki. □



## NTSB a bisa cu avion di Delta a aterisa na aeropuerto robes



**WASHINGTON (AP)** – Un avion di Delta Air cu 130 pasahero abordo a aterisa na e aeropuerto robes na South Dakota diahuebs anochi, segun vocero di National Transportation Safety Board a bisa, cual ta investigando e incidente.

Delta A320 a aterisa na Ellsworth Air Force Base pa 8:42p.m. diahuebs, mientras cu su destinacion tabata aereo-

puerto na Rapid City. Ellsworth ta keda 10 miya noord di Rapid City Regional Airport. E 2 aeroportonan nan pisa ta orienta casi identico cu e compas, di noordwest pa zuidoost.

Vuelo 2845 di Delta a sali di Minneapolis. Un pasahero cu a wordo entrevista pa Rapid City Journal a bisa cu e y e otro pasaheronan a warda 2 ora y mey den e avion na Ellsworth, caminda nan a haya

ordo pa baha e bentananan, mientras personal militar a cana den e cabina cu por lo menos un arma y un cacho.

Esaki no tabata prome biaha cu un piloto a bruha e base di Air Force pa aeropuerto di Rapid City. Na 2004, un avion di Northwest Airlines cu 117 pasahero a aterisa cynan

tambe. E avion a keda ey pa mas cu 3 ora mientras e piloto ta splica oficialnan di seguridad di Air Force kico a bay robes, y un tripulacion nobo a wordo manda pa sigui cu e vuelo pa Rapid City. Northwest y Delta a bira un compania na 2008.

Delta a tuma contacto cu e

pasaheronan y a ofrece nan un gesto di disculpa pa nan inconveniencia, el aerolinea a bisa den un declaracion.

E tripulacion no ta den servicio mientras cu NTSB ta investiga, e declaracion a bisa. “Delta lo coopera completamente cu e investigacion y ya a cuminsa cu un investigacion interno”, e ta añadi. □



## Prome morto relaciona cu Zika na Merca

**SALT LAKE CITY (AP)** – Un persona infecta cu Zika a fayece na Utah, y mientras cu e causa exacto no ta conoci ainda, autoridanan a bisa diabierna, cu esaki ta e prome morto relaciona cu e virus na Merca.

E residente di Salt Lake County a haya e virus biahando pa un area caminda tin Zika, oficialnan di salud a bisa.



E pashent cu a fayece na final di juni tabata un persona di edad halto cu tabatin otro problema di salud, segun departamento di salud di Salt Lake County. E persona tabatin sintoma di Zika, pero no ta conoci con e virus a contribui na su morto, vocero di CDC, Benjamin



Haynes a bisa. Oficialnan a descubri e caso mientras nan tabata revisa actanan di morto, un test di laboratorio a confirma nan sospecho, Gary Edwards, director ehecutivo di Salt Lake County Health Department, a bisa. Autoridadnan na Utah ta nega di publica informacion personal di e pashent y tampoco kier divulga pa unda el a biahá, citando leynan di privacidad di salud. E virus ta causa un malesa suave den mayoria hende.

Pero durante e epidemia recién na Latino America, científiconan a descubri cu e infeccion durante embarazo por conduci na defectonan na cerebro di e baby. E ta plama primordialmente via pica di sangura. No tin casonan di transmision local via pica di sangura entre e casonan di Zika na Merca, segun CDC. Pero un homber di 70 año di San Juan, Puerto Rico a fayece na februari ultimo. Oficialnan a bisa cu el a recuperá di e sintomanan ini-

cial di Zika, pero despues a desaroya un condicion cu e anti curpanan cu ta forma na reaccion na Zika a cuminsa ataca e celnan di su sanger. El a fayece despues di a haya sangramento interno. Mas di 1100 caso di Zika a wordo reporta na e 50 estadonan na Merca, incluyendo 6 na Salt Lake County, segun oficialnan di salud. Casi tur ta hendenan cu a biahá pa paisnan cu tin epidemia di Zika y a haya e virus ey. Pero 14 di e pashentnan no a biahá pa luganan cu tin e virus, pero a tene relacion sexual cu personanan cu tabatin e virus. Tambe CDC ta monitor muhenan na estado cu ta infecta cu Zika, y a bisa cu nan a haya reporte cu 5 di nan a perde e barica. □





## Protesta na Dallas a bira mortal y caotico

**DALLAS (AP) – Un protesta pasivo na Dallas relaciona cu e tiramento fatal di hombernan color scur na man di polis, cu a wordo graba, a bira violento diahuebs anochi ora cu un persona desconoci a tira riba polis, matando 5 y heridando 7 otro agente policial, como tambe heridando 2 civil.**

Algun cien hende a aglomera den centro di Dallas pa protesta contra e morto di Alton Sterling na Baton Rouge, Louisiana y Philando Castile na St. Paul, Minnesota. Pa mas o menos 8:45p.m. diahuebs, un franco tirado a los tiro, autoridadnan a bisa. E tiramento a sosode algun caya leu di Dealey Plaza, cual ta cerca di unda President John F. Kennedy a wordo asesina. Cuanto hende tabata envolvi den e tiramento

Inicialmente autoridadnan a bisa cu tabatin 3 sospechoso deteni y un di 4 sospechoso a wordo mata pa un robot cu



un bom den un parkeerplaats, despues di basta rato cu el a nenga di entrega su mes. Diabierna atardi, Secretario di Homeland Security Jeh Johnson a bisa diabierna cu ta parce cu lo tabatin un sospechoso so. Autoridadnan



a identifica e homber cu a muri como Micah Johnson di 25 aña, un homber color scur cu ta biba na Mesquite, Dallas. E tabata den Army Reserve di maart 2009 pa april 2015 y a bay Afghanistan un biaha. Polis a busca den Micah Johnson su cas y a haya material pa traha bom, vest contra tiro, rifle, amunicion y un

diario personal di tecnicanan di combate.

### **Motibo**

Micah Johnson a bisa autoridadnan cu e tabata rabia pa motibo di e tiramento di hombernan color scur cu a tuma luga recientemente y e tabata kier mata hende blanco, specialmente agentenan policial blanco, segun hefe di polis di Dallas, David Brown.

### **E mortonan**

Cinco agente policial di Dallas a wordo mata den e tiramento. Nan nomber y detaye di nan no a wordo publica. Oficialnan di husticia no a divulga rasa di e agentenan tampoco. Un di nan Brent Thompson,

recientemente e dreña enlace matrimonial, segun hefe di polis di Dallas Area Rapid Transit, James Spiller a bisa.

### **E heridonan**

Shete agente policial a wordo herida den e tiramento. Gobernador di Dallas Mike Rawlings a bisa cu un di e agentenan tira e tiro a pasa door di su pia y 3 otro agente di su ekipo a perde nan bida. "Nos ta sostene hendenan cu ta protesta, y ta nan derecho. Pero con nos anda cu ne por haci hopi", Rawlings a bisa. "Un di e cosnan cu e por haci ta pone nos agentenan na peliger, y nos mester tin cuidou haciendo esey." Entre e civilnan herida ta Shetamia Taylor di 37 aña, kende a wordo tira na su

batata di pia, segun su ruman muhe Theresa Williams. Taylor a tira su mes riba su 4 yiu hombernan di entre 12 cu 17 aña, ora cu e tiramento a cuminsa.

### **Reaccionnan**

Testigonan a bis cu e luga tabata caotico, cu manifestantenan ta core rond ora cu tiramento a cuminsa y agentenan scondi banda di nan vehiculonan. Gobernador di Texas Greg Abbott a dirigi Departamento di Siguridad Publico di Texas pa asisti Dallas den kico cu nan mester. President Barack Obama a yama e tiramento un acto despechabel. □







Paardenbaaistraat 10, Oranjestad, Aruba Tel.: (297)5257555

[www.lottoaruba.com](http://www.lottoaruba.com)

Resultado di Sorteo 8 Juli 2016 Anochi

<b>CATACHI</b>
Sorteo # 5917
<b>7490</b>
<b>5693</b>
<b>2094</b>
<b>BIG 4</b>
Sorteo # 4961
<b>5795</b>
<b>ZODIAC</b>
Sorteo # 3720
<b>2487</b>
<b>Capricornio</b>
<b>KORSOU</b>
Sorteo # 1411
<b>6075</b>
<b>1907</b>
<b>5917</b>

<b>LOTTO 5</b>	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	<b>150.000,00</b>

<b>LOTTO DIA</b>	
Sorteo # 3754	Proximo Jackpot
0 x Jackpot	
5 x Match 4	
137 x Afl. 8,00	<b>80.000,00</b>

<b>MEGA</b>	
Sorteo # 868	Mega Ball 01
0 x Jackpot	Proximo Jackpot
0 x match 4	
11 x Afl. 500,00	
71 x Afl. 50,00	
64 x Afl. 15,00	<b>330.000,00</b>

<b>MEGA PLUS</b>	<b>Afl. 430.000,-</b>
------------------	-----------------------



**286574**



Bo cadena di numbertan di suerte ta duna e number di awe

**DIARIO** 9613, 1713, 0042

**SUPER 4** 5023

**Sto. Domingo** SMARTPLAY 9284, 6634, 6174  
DAILY 2632, 9505, 1852  
FLAMINGO 0608, 4891, 1338



Paardenbaaistraat 10, Oranjestad, Aruba Tel.: (297)5257555

[www.lottoaruba.com](http://www.lottoaruba.com)

Resultado di Sorteo 8 Juli 2016 Merdia

<b>CATACHI</b>
Sorteo # 1556
<b>6379</b>
<b>8728</b>
<b>8478</b>
<b>BIG 4</b>
Sorteo # 1556
<b>9662</b>
<b>ZODIAC</b>
Sorteo # 1556
<b>0340</b>
<b>Scorpio</b>
<b>KORSOU</b>
Sorteo #

<b>LOTTO 5</b>	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	<b>150.000,00</b>

<b>LOTTO DIA</b>	
Sorteo #	Proximo Jackpot
0 x Jackpot	
0 x Match 4	
0 x Afl. 8,00	<b>76.000,00</b>

<b>MEGA</b>	
Sorteo #	Mega Ball
0 x Jackpot	Proximo Jackpot
0 x match 4	
0 x Afl. 500,00	
0 x Afl. 50,00	
0 x Afl. 15,00	<b>320.000,00</b>

<b>MEGA PLUS</b>	<b>Afl. 420.000,-</b>
------------------	-----------------------



## Aries

Bo ta prepara bo mes pa tur cos miho den e proximo dianan. Esaki ta sosode dentro di e tereno sentimental ya cu lo bo tin na bo fabor un bon influencia cosmico. Numbertan di suerte pa awe: 15, 23, 38 y 45.



## Tauro

No permiti metemento ahenor den bo bida personal. Bo ta vulnerabel, cuakier cos cu bo scucha ta pone bo bira inkieto. Numbertan di suerte pa awe: 16, 29, 40 y 51.



## Geminis

E resultadonan cu lo bo haya lo supera e perspectivanan. Bo por ta algo inkieto, ansioso, deseando resolve den un habri y cera di wowo loke ta rekeri mas tempo. Numbertan di suerte pa awe: 6, 9, 30 y 41.



## Cancer

Tuma loke ta pasando cu un tono filosofico, deportivo. Cuida mas bo relacion y no pensa cu amor ta eterno. Amistad y sentimentonan mester wordo cultiva tur dia. Numbertan di suerte pa awe: 16, 29, 30 y 45.



## Leo

Bo entusiasmo lo yuda bo lanta animo di un hende cu ta deprimi. Posiblemente bo ta haya bo mes forsa na tuma un decision hopi importante na bo trabao. Numbertan di suerte pa awe: 6, 11, 20 y 25.



## Virgo

Bo ta instrui loke bo mester haci pasobra bo percepcion psikico ta hopi sensibel. Bo cara ta refleha fielmente bo estado di animo y bo no kier bo pareha sa algun secreto. Numbertan di suerte pa awe: 16, 14, 30 y 35.



## Libra

No laga bo mes hiba pa impulsanan emocional cu por perhudica bo. Bo ta bolbe asumi e control di bo emocionnan y ta logra cana finalmente riba bo caminda amoroso. Numbertan di suerte pa awe: 1, 4, 20 y 25.



## Scorpio

Lo bo siña di un desacuerdo di pasado y no lo ripiti e mesun foutnan. Un hende bon intencion no por, sin embargo, mantene su palabra y su promesa relaciona na placa. Numbertan di suerte pa awe: 12, 14, 29 y 35.



## Sagittario

Un comienso di luna cu lo ta dibeitido, diferente, excitante. Bo bida amoroso ta presenta obstaculonan pero tambe dibeitido, manera bo signo. Numbertan di suerte pa awe: 11, 22, 30 y 40.



## Capricornio

Bo relacion y e sentimentonan di confianza mutuo ta fortalece. No ta conveniente discuti pa placa, sino combersa amistosamente y warda pa un miho ocasion. Numbertan di suerte pa awe: 10, 21, 29 y 39.



## Aquario

Aclaria loke tin bo preocupa y lo bo nota con hopi problema lo keda resolvi. Cuidao cu un persona manipulado pa purba crea problemanan cu bo pareha. Numbertan di suerte pa awe: 9, 14, 18 y 29.



## Pisces

Lo bo considera e miho manera di resolve un situacion delicado y lo bo logra. No keda sin atende bo bida sentimental y dedica mas calidad di tempo na bo sernan ker. Numbertan di suerte pa awe: 5, 13, 28 y 35.



## 07 Juli 2016

**ST. EUSTATIUS** : 0318-2236, 0318-2640  
FAX 0318-4051

**www.landsloterij.org**

Landsloterij



# CLASIFICADO ECONOMICO

**PERSONAL GRATIS MAX 20 PALABRA - TA ACEPTA AVISO FOR DI 9:00 AM - 4:00 PM**  
**PASA LAGA BO AVISO NA OFICINA DI BON DIA ARUBA WESTRAAT #22**

## TA BENDE

un cas na Savaneta  
3 camber / 2 baño,  
eigendom  
Afl.275.000  
Tel. 592-9966

## TA BENDE

Panja casi nobo size 12-14  
of large, Shimis-largo y  
cortico, blusa, saja-shorts  
marka Tommy Hilfiger,  
Mango, etc. tur na bon prijs  
Tel. 584-9133

## TA HUUR

Semana 34 La Cabana  
Beach and Raquet Club  
25 Agst - 1 Sept.  
para 4 personas.  
Bloque C - Apto. 311  
Tel. 0058 414 6457772  
0058 414 063 6219  
E-mail  
darwinrichard501@hotmail.com

## TA BENDE

un cas plus 1 apto na  
Caya Magasina, Brazil  
Afls. 190.000 yama  
Tel. 592-9966

## TA BENDE

Cashi di cushina di plywood  
3/4, top graniet, un cashi  
ariba di plywood 3/4 den  
bon condicion prijs pa nan 2  
Avg.1.250  
Tel. 661-2081

## FOR RENT

1 Bedroom apartment,  
max 2 persons per month  
Afl. 1.500  
Morgenster, long term rent  
Call: 592-9966

## TA BENDE

un cas grandi na Tanki  
Leendert banda di highway  
cerca di Oranjestad, bon pa  
cas of negoshi  
construi ariba 486m2  
tereno 1200 m2  
Tel. 560-8929

## FOR SALE

House Esmeralda  
780 mts2 3 bdr, 3 baths,  
kitchen, living room, dinning  
room, marmol floor. By  
owner \$350.000  
Avg 630.000  
Tel. 600-5393

## SERVICIO PUBLICO

Pa tur tipo di trabao  
• Rosa tereno y lanta sushi  
• Excavacion (tambe den  
klip), pos, fundeshi, pool  
• Demolition  
• Granito  
Tel: 593-2191/ 561-7244  
594-0244

## TA BENDE

Cas situa na Socotorolaan  
25, 3 camber cu closet,  
2 baño, sala comedor,  
cushina, porch, cura.  
Central pa tur caminda .  
Prijs taxatie rapport  
Avg. 278.000  
Prijs pidi den man  
Avg. 225.000  
Tel. 593-0909

## SERVICIO PUBLICO

Nos ta haci tur sorto di  
trabao di construction e.o.  
pleister, pega tegels, traha  
cura, verf y trabao di  
remodelacion y renobacion  
di edificio.  
Tel. 660-7997

## FOR SALE

Toyota Yaris 2004  
Autom/ Beige  
caba di aña su full service  
Radio/ no airco.  
Aw.4.500  
Tel. 594-5108

## FOR SALE Lasmachine marka Lincoln

450-SEA riba wiel  
variable voltage.  
DC-ARC welding power  
source 110-220 coriente  
Por yama  
Tel. 563-3583

## FOR RENT

### OFFICE

in the Mainstreet  
Caya Betico Croes 19-21  
Calypso Bldg 2nd Floor  
Elevator Operated, Air-condition  
5 Office Spaces  
For information  
Call 582-3142  
Meredith

## SERVICIO PUBLICO

Señora colombiana  
responsable se ofrece  
como dama de compañía  
para adulto(a) mayor  
Tel. 569-7394 / 662-5500

## TA BENDE

Un cas grandi 1200m  
cu espacio na banda apart.  
banda di caminda grandi di  
Tanki Leendert pa  
Oranjestad, bon pa  
negoshi, oficina, dokter, etc  
Tel. 560-8929

## TA BENDE

un auto Toyota  
Highlander 2002  
Miles cori 18.770  
E auto ta den bon condicion  
E tin 4 tire nobo  
Prijs 10.000  
Tel. 583-5561 / 748-2775

## TA HUUR

Cas na Sabana Liber  
Villas 374  
2 camber, 1 baño, sala  
cushina, garage  
Tel. 563-5853

## SERVICIO PUBLICO

Envios a Venezuela  
Documentos y todo tipo de  
mercancia.  
Tel. 594-8465

## TA HUUR

Un Studio Apto  
banda di Hotel pa  
Afl.900 + borg Afl.300  
Tel. 564-1030 / 593-0040

## TA OFRECE

Servicio de limpieza en  
general, pintura, chapi,  
plomeria, construccion y  
renovacion.  
Tel.660-7997  
whatsapp+297-660-7997  
+58424-6628183

## SERVICIO PUBLICO

Construction  
ta pega blokkie, pleister,  
plafond, mosaico, azulejo,  
vloer dak, cura, plafond bow  
dak, cas completo, nos ta  
arubiano y cu bon prijs  
Tel. 661-2081

## SERVICIO PUBLICO

Pa Manicure y Pedicure  
servico na cas.  
Bon prijs  
pa mas informacion  
Tel. 600-0179

## TA BENDE

matanan di fruta, sorsaca,  
papaya, mango, nan ta  
grandi.  
Mi tin helmet, spiel y  
repuesto di scooter pa  
bende. Bon prijs  
Tel. 594-9069

## TA BENDE

Promocion 50% Desc.  
Bunita tas, cartera,  
diferente sizes pa homber y  
muhe 100% cuero y tambe  
Anti-age Dermawand  
(delevery)  
Tel. 745-0440

## TA BUSCA

Trabou den cualkier area.  
tambe si bo mester persona  
pa decoracion pa  
Recibimento, bruid, 15 aña,  
cualkier fiesta of evento  
por yama  
Tel:641-9217 of  
600-1491

## TA BENDE

Sombre di Mariachi  
authentico for di Mexico  
Color preto y blanco  
Avg.70.00  
Tel. 584-9133

**ABONA PA SOLAMENTE AFL. 35.- PA LUNA Y RICIBI TUR DIA BO CORANTNAN PREFERI**

## MAS CERCA DI BO!!



**Yena aki bao e siguiente informacion:**

### Telefoon

Number Completo: .....

Adres di Entrega: .....

Adres di Cobranza: .....

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no.: 33266.8
- ☐ Paga Aruba Bank ABO ONLINE
- ☐ Paga CMB ONLINE
- ☐ Personal na oficina di Bon Dia Aruba.
- ☐ Pone den Box
- ☐ Tira den Cura

### Pago Adelanta:

☐ 3 Luna ☐ 6 Luna ☐ 1 aña

**Yama na telefoon: 582-7800 of manda via fax: 582-7044**  
**www.bondia.com**



*The Ritz Carlton:*

## Bin malcria bo mes y bo ser ker den un dushi SPA



**ORANJESTAD – Actualmente The SPA na The Ritz Carlton a lansa su promocionnan di e temporada. Especialmente pa clien-**

tenan local, hunto cu nos clientenan nos kier comparti e secretonan mistico cu nos isla tin di ofrece. Ta p'esey nos kier invita bo pa bin disfruta di nos trata-

mento poderoso cu ta basa riba bunitesa di nos isla. Disfruta di nos tratamiento Cielo cu lo recorda bo di e bunita bahada di solo of disfruta di nos tratamiento

tera uzando lodo organico di nos isla. Sinti e pasion di candela cu nos isla ta conoci pe of purba e tratamiento

di awa diseña pa reforsa bo spirito. Laga bo deseonan bira realidad na e Spa di The Ritz Carlton Aruba. □



WEB:

## A inicia proyecto pa cubri dak di Abraham De Veer School cu plachinan solar

**ORANJESTAD – Despues di a instala plachinan solar riba dak di Scol Kudawecha, awor ta na beurt Abraham de Veer School.**

Awe diabierna a tuma luga e inicio oficial di e proyecto na e scol na San Nicolas. Den presencia di mandatarionan, gerencia y alumnonan di e scol, a desvela e borchu cu informacion di e proyecto. E dak solar di e scol ta forma parti di un proyecto mas grandi, esta di un 'Decentralized Solar Photovoltaic Integrated Project' (DSPVIP).

E proyecto integra di plachi solar descentralisa lo trece WEB mas cerca di logra su vision di ta Greener, Cleaner y Fuel Oil Free na 2020. E trabounan di instalacion ta cuminsa dialuna awor dia 11 di juli y ta planea pa termina na october di e aña aki. Na Abraham de Veer School lo cubri un total di 8 dak cu 714 plachinan solar di 300 W. Esakinan lo por genera un total di 214.2 kWp. Director Luis Oduber di WEB a expresa su gratitud na director y alumnon-

an di Abraham de Veer pa e confiansa y disponibilidad pa uzo di e dak.



Aña pasa, Utilities Aruba a haya e tarea di Comision di Energia di Gobierno di Aruba pa inicia un proyecto pa genera energia solar door di cubri daknan di scolnan y otro edificionan publico cu plachinan solar. WEB a haya e tarea pa ehecuta e proyecto aki cu colaboracion di Utilities Aruba, ELMAR, DOW,

TNO y Carbon Warroom/Rocky Mountain Institute. E prome edificio publico cu a haya plachinan solar di WEB, tawata MFA na Noord. Pa lo cual ta e scolnan, a delibera cu Ministerio di Enseñansa y a inicia un estudio di e condicionnan di e daknan di e scolnan y tambe biblioteca nacional. Ta asina cu no tur dak y localidad di dak ta ideal pa pone plachinan solar.

### Diferente criterio

A analisa un total di 80 scol y biblioteca riba diferente criterio. Finalmente a scoge 15 scol y biblioteca ideal pa un sistema di plachinan solar riba nan dak. E prome

scol cu a haya plachinan solar tawata Scol Basico Kudawecha. E construccion di e dak di e scol ey a rekeri menos modificacion y tin e capacidad instala mas halto. Cu e proyecto aki

conscientisa nos muchanan di e importancia di reduci emision di gas venenoso (CO<sub>2</sub>) den medio ambiente.

### DSPVIP

E proyecto na Abraham de



WEB ta amplia su red di energia solar uzando e daknan di scolnan y edificionan publico. Un 'dak solar' no solamente lo conduci na un produccion di coriente mas limpi y sostenibel. E ta un ehempel bibo tambe pa

Veer School ta forma parti di un proyecto mas grandi cu ta e 'Decentralized Solar Photovoltaic Integrated Project' (DSPVIP). E DSPVIP ta consisti di dos proyecto.

E prome proyecto ta esun di e plachinan solar riba scolnan y otro edificionan publico cu un capacidad calcula di 2.5 MWp. E di dos proyecto ta consisti di un parke solar grandi cu un capacidad calcula di entre 3 y 5MWp. □





*Aruba Marriott :*

## A celebra dia di tata cu un buffet special compaña cu entretenimento pa su asociadonan

**PALM BEACH – Manera tur aña, Aruba Marriott a prepara un evento special pa tur su empleadonan masculino relaciona cu celebracion di Dia di Tata.**

Tur empleadonan masculino a celebra nan dia cu un sabroso lunch y dinner buffet acompaña cu diferente ac-

Marriott a busca weganan di boks y basketball y tambe a prepara un karaoke player specialmente pa esnan cu ta gusta canta. Tur e Tatanan y empleadonan a disfruta masha hopi mes y na final di e evento a ricibi un regalo como toque di aprecio. Aruba Marriott continuamente ta enfoca ariba e bi-



tividadnan y entretenimento den Aruba Marriott su Grand Ballroom. Tur empleado tabata tin e oportunidad pa consenti nan mes cu un corte di cabey, un masashi relajando of cu un hacimento di cara. Pero esey no tabata tur. Pa tur e ser masculino cu ta encanta arcade games, Aruba

enestar di su empleadonan y ta pone nan na prome luga pa asina demostra tambe e aprecio pa tur locual cu nan ta haci durante aña. Un tiki mas di Aruba Marriott Resort & Stellaris Casino: Aruba Marriott Resort & Stellaris Casino ta situa na Palm Beach y ta consisti di



411 camber cu balcon priva cu bista pa e pool relajante y tambe pa e awa nan blauw di lama. Huespednan cu ta desea exclusividad por has reservacion na e Tradewinds Club, un boutique hotel situa riba e di ocho piso di Aruba Marriott Resort. Ademas e hotel ta ofrece un 'adults only' pool cu ta brinda privacidad superior y tambe un variedad di restaurantnan cu ta garantiza un experiencia unico. Pa esnan cu kier dis-



fruta y relaha, por haci uzo di e casino mas espacioso na Aruba y e 'award-winning' spa. Pa mas informacion por tuma contacto cu Aruba Marriott Resort & Stellaris Casino na 586-9000 of bishita [www.arubamarriott.com](http://www.arubamarriott.com) of [www.tradewindsclub-aruba.com](http://www.tradewindsclub-aruba.com). Tambe por bishita Aruba Marriott su Facebook y Twitter page [www.facebook.com/ArubaMarriott](https://www.facebook.com/ArubaMarriott) y [@ArubaMarriott](https://twitter.com/ArubaMarriott). □



**ORANJESTAD – Pa 6 aña largo Lucy-Anna Wouters a traha duro na HAVO/VWO y awe e por disfruta di esaki. E aña aki el a gradua y awo e lo bay Hulanda pa sigui su studio.**

Awo cu Lucy-Anna a termina su estudio aki na Aruba, awo e ta un tiki mas cerca pa su soño bira un realidad. E sa cu loke e ta bay studia pe no ta un studio nada facil, pasobra e prome parti lo dura cuater aña y ainda e lo keda dos pa tres aña mas. P'esey desde inicio e tabata enfoca riba su estudio, pero na mes mo-



## Lucy-Anna Wouters cla pa bay Hulanda

mento e tabata percura pa haci taekwondo.

Aparte di tabata enfoca riba su scol y deporte, Lucy-Anna tabata traha cu Bon Dia Aruba. E ta feliz cu awo e por bay Hulanda pa persigui su soño. Durante e fiesta di graduacion, Lucy a celebra esaki hunto cu su famia y demas graduado. Bon Dia Aruba ta desea Lucy exito na Hulanda y pe no rindi. Lucy sigui bo soño di bira inspector di polis. □







*Kiwanis Club :*

## A organisa atardi educativo y recreativo pa grupo di hoben



**Den fin di siman cu a pasa Kiwanis Club of Young Professionals Aruba (KYPA) formando partinan proyecto anual "Big Brothers, Big Sisters Project" a invita un grupo di hoben pa un atardi special.**

Tabata trata di hobennan entre e edad di 14 aña y 18 aña cu a haya e oportunidad pa ta parti di un sesion educacional y cu ta motiva y recreativo. E atardi a cuminsa cu e orador

hoben Jerwin Giel. Jerwin sigur conoci den nos comunidad pa comparti su bida cu ta inspira pa tur su logronan apesar di su limitacionnan di salud.

Jerwin a comparti palabranan di inspiracion pa e hobennan semper wak pa dilanti, kere den nan mes y keda riba e bon caminda. Despues di e parti inspiracion tabata ora pa e parti recreativo di e atardi. Aki KYPA a percura pa e hobennan por pasa un rato

agradabel na Dream Bowl na Palm Beach Plaza. E hobennan a hunga bowling hunto cu e miembronan di Kiwanis Young Professionals Aruba. Na dado momento e wegata tabata bastante competitivo.

E atardi a termina cu un dushi treat di pizza. E hobennan a keda cu bunita recuerdonan sacando potret na e "PhotoBooth" y tambe a bay cas cu un regalo chikito. Tanto e hobennan como e miembronan di KYPA a keda hopi

contento di por tabata parti di un atardi asina bunita. KYPA semper ta kere firmemente den duna bek na nos comunidad pa asina por trece smile riba nan cara di specialmente nos muchanan y hobennan.

### **KYPA:**

Kiwanis Club of Young Professionals Aruba ta un club hopi activo yudando comunidad den diferente forma. Durante henter aña Kiwanis Young Professionals Aruba, miho conoci como KYPA ta

organisa diferente proyecto como tambe eventonan pa recauda fondo. E club ta consisti ta profesionalnan hoben cu tin e ambicion y curason pa traha pa comunidad. KYPA a yuda diferente fundacion den pasado manera Favi, Fada, Casa Cuna pa menciona algun.

E club ta enfoca hopi riba bienestar di nos Muchanan y tambe ta haci proyecto di servicio y asina ta yuda diferente grupo den nos comunidad. □

*Sra. Filomena Giel:*

## Ta termina su carrera como "Financial Controller"



**ORANJESTAD - Recientemente Iglesia Emmanuel a muestra su inmenso gratitud na "Mena" durante un sirbishi di aprecio y elogio.**

Despues di a traha na Banco y Sheraton hotel pa hopi aña, Mena a cuminsa traha cu Iglesia Emmanuel na 1993 como secretaria y despues como tesorera y miembro di directiva.

Den e sirbishi special, Mena hunto cu su yiu muhe Legene, su rumannan y demas famia a pasa momentonan bunita di reeleccion, caminda el a ricibi elogio pa tur loke el a nifica pa Iglesia

durante su 22 aña di servicio. Despues Mena hunto cu su famia, liderazgo y staf di Iglesia a disfruta di un dushi comunión y lunch. Directiva, staf y miembronan di Iglesia Emmanuel ta gradi-

ci Mena pa su dedicacion, puntualidad y integridad demostra durante su trabou. Nos deseo ta cu Mena lo gosa di su pensioen bon mereci, disfrutando di bon salud y rondona pa su sernan keri. □

## Pronostico di tempo

### **Tempo:**

Parcialmente nubia cu localmente algo di awasero. Temperatura maximo 33 grado Celsius y temperatura minimo 28 grado Celsius. Solo lo baha awe nochi 07:10'pm y lo sali mañan

mainta 06:21'am.

### **Biento:**

For di direccion oost te noordoost y modera te basta fuerte; forsa 4 te 5 (20 te 39 km/ora, 11 te 21 nudo). Den dia de bes en cuando

fuerte te duro den rafaga; forsa 6 te 7 (40 te 61 km/ora, 22 te 33 nudo).

**Situacion general di tempo:** Humedad y inestabilidad den atmosfera regional ta keto bay presente y lo soru pa

temporalmente un aumento di nubia. Den proximo 24 ora por ki un awasero riba isla di Aruba.

### **Condicion di lama:**

Olanan di lama lo ta for di direccion oost cu haltura di 5 te 8 pia. □







### XV Diadomingo Ordinario

**1 lect: Deut 30, 10-14**

**Salmo: 69**

**2 lect: Col 1, 15-20**

**Evangelio: Lc 10, 25-37**

**Den e tempo aya un experto den ley a bin papia cu Hesus, pa purba pone Hesus cay den trampa. El a puntr'e: "Maestro, kico mi mester haci pa ricibi bida eterno?" Hesus a contesta: "Kico ta skirbi den Escritura? Kico bo ta lesa ey?"**

El a bisa Hesus: "Stima Señor bo Dios di henter bo curason, cu henter bo alma y cu tur bo forsa" y "Stima bo prohimo manera bo ta stima bo mes." Hesus a bis'e: "Bo ta corecto. Haci e cosnan ey y

lo bo biba!" E experto den ley, cu kier a hustifica su mes, a puntra Hesus: "Ma ken ta mi prohimo?" Hesus a contesta: "Un dia tabatin un homber cu a baha for di Herusalem pa bay Yericó. El a cay den man di bandido; nan a kita tur cos for di dje, dun'e un hala di sota y bay lag'e casi morto benta abou. Awor a sosode cu un sacerdote tabata baha pe mesun caminda.

Ora el a mira e homber, el a crusa caminda y pasa bay laga e homber. Un Levita tambe a yega na e luga ey y mira e

homber. El a crusa caminda y pasa bay lag'e. Ma un Samaritano, cu tabata biaha, a yega caminda e tabata. Ora el a mir'e, el a haya duele di dje. El a bay cerca e homber, hunta su heridanan cu azeta y biña y mara nan.

El a pone e homber riba su bestia di carga, hib'e un posada y cuid'e. Su maneca e Samaritano a saca dos moneda di plata duna e doño di e posada. El a bis'e: "Cuid'e y si bo tin mas gasto cun'e, mi ta paga bo esey ora mi bolbe." Hesus a conclui: "Awor cual di nan a actua como prohimo di e homber cu e bandidonan a ataca?" E experto den ley a responde: "Esun cu a mustre misericordia." E ora ey Hesus a bis'e: "Bay, bo haci mescos!"

### Palabra di Señor!

#### Mensahe

"Kico mi mester haci pa ricibi bida eterno?" Esey mester ta e pregunta primordial di nos existencia humano. Na prome luga Hesus ta corda nos riba e cumplimento

di mandamento di amor di Dios. Un cumplimento cu ta absorbe henter nos ser: nos curason, alma, tur nos forsa y rason. Despues amor pa nos prohimo segun nos ta stima nos mes of cu e midi cu nos ta stima nos mes.

Pero ken ta e prohimo cu nos mester stima? E historia di e bon Samaritano den evangelio di awe no ta laga ningun duda.

Un prohimo ta un 'cualquier' persona cu tin mester di yudansa. Por ta un Sirio cu ta busca refugio, un Cubano, Haitiano, Ecuatoriano, Venezolano, cu ta huy for di dictadura, violencia of pobresa pa busca un bida mas digno. Un prohimo ta un persona di bo bario, un bisña, compañero di trabou no necesariamente ta un compatriota, hende di mesun rasa, color, credo, of partido.

Awendia nos ta biba un gran indiferencia. Aparentemente nos no kier mete den bida y den problema di otro. Nos ta biba separa, cu murayanan halto of sinta banda di otro, pero cada un cu celular den

man, bibando asina cerca y asina leu for di otro.

Amor no ta palabra sino accion. No lubida Hesus su palabra... 'loke boso a haci pa un di mi rumannan, boso a haci'e pa mi'. Mara e aña aki cu ta Aña di Misericordia, guia pa medio di Palabra di Dios, nos por bira mas sensibil pa necesidad di otro. Ningun di nos ta asina pover cu no por yuda otro y ningun asina rico cu no tin mester di yudansa. Medita riba e accion di e bon Samaritano di evangelio di awe y haci mescos.

### Oracion

Señor! Habri mi wowo, horea y curason pa mi mira, tende y yuda esunnan cu tin mester di mi.

### Proposito

#### Yuda un hende den necesidad.

'Menos nos tin, mas nos por duna. Parce imposibel, pero no ta asina. Esaki ta e logica di amor.' □

### Pa bo pensa:



**ORANJESTAD- Dia 15 di juni 2015, un mocion a keda entrega den Tweede Kamer na Hulanda pa urgi e gobiernonan di Aruba, Curaçao y Sint Maarten pa legalisa 'matrimonio' entre parehanan di mesun sexo.**

Esaki pasobra segun Hulanda nan tin e responsabilidad pa muestra e otro paisnan den Reino cu nan mester aplica 'derechonan humano' na mesun manera cu Hulanda ta haci esaki.

Hulanda ta un di e prome paisnan cu a aproba 'matrimonio homosexual' y nan enfasis cada biaha den esaki tabata husticia y igualdad pa homosexualnan. Den tur nan afan pa defende e derechonan

humano di e homosexualnan nan a perde e nocion di kico en berdad ta e proposito di un matrimonio. E motibo primordial pa un matrimonio ta: e yiunan! Cada mucha merece un Mama y un Tata. E institucion autentico di matrimonio den su rais ta tocante e derechonan di e yiunan.

Bisando e berdad aki, ta cua interes urgente un pais por tin pa reconoce un sentimiento afectivo mutuo entre 2 adulto? E interes di un pais pa reconoce matrimonio legalmente ta pasobra e ta reconoce con special e union entre un homber y un muhe ta! Yiunan ta nace di un union asina aki y nan mester wordo protegi y e conexion entre

nan mayornan mester wordo preserva. Ta berdad cu no ta tur union entre homber y muhe lo resulta den yiunan, pero di otro banda e union entre homber y muhe ta e unico tipo di relacion cu por produci yiunan. Biologicamente ta imposibel pa unionnan entre 2 homber of entre 2 muhe pro crea.

Aunke un homber por tin sentimentonan profundo pa un otro homber of un muhe pa otro muhe nan relacion semper lo ta uno steriel of nan lo mester bay pafó di nan relacion pa haya yiu. Esaki ta e motibo cu ta imposibel pa

pone unionnan di homosexualnan igual na matrimonio entre un homber y un muhe. Argumentonan faborito di activistanan homosexual ta 'derechonan humano', 'igualdad' y 'discriminacion'. Pero e berdad ta cu ya caba ley ta pone restriccinnan estricto di kendenan por casa y kendenan no. Tin restriccinnan pa edad (p.e. un mucha no por casa), pa estado civil (un hende casa caba no por casa) y pa familiaridad of pariente (p.e. ruman homber cu ruman muhe no por casa cu otro). Matrimonio necesariamente mester ta

discriminatorio. E definicion di matrimonio mester exclui cierto parehanan manera esunnan menciona den e ehempel pa asina nan no por tin derecho ariba beneficiannan especificamente pa esunnan casa.

Y dicon sociedad mes a pone restriccinnan asina severo na matrimonio?

Pasobra matrimonio ta cherce un funcion crucial den sociedad. Su proposito ta e pro creacion y proteccion di e yiunan. 'Matrimonio' homosexual no por cumpli cu ningun di cosnan aki menciona. □

## Matrimonio versus union homosexual: Diferencia di dia y anochi!





# PRIJS DI DOLLAR INTERNACIONAL

US Dollar▲	1.00 USD▲▼
Argentine Peso	14.694999
Australian Dollar	1.325407
Bahraini Dinar	0.377370
Botswana Pula	10.890577
Brazilian Real	3.303498
British Pound	0.772801
Bruneian Dollar	1.346668
Bulgarian Lev	1.767380
Canadian Dollar	1.307615
Chilean Peso	662.159697
Chinese Yuan Renminbi	6.691590
Colombian Peso	2966.783561
Croatian Kuna	6.781956
Czech Koruna	24.500838
Danish Krone	6.744845
Emirati Dirham	3.672900
Euro	0.906401
Hong Kong Dollar	7.758278
Hungarian Forint	284.672154
Icelandic Krona	123.330000
Indian Rupee	67.176696
Indonesian Rupiah	13125.632635
Iranian Rial	30852.500000
Israeli Shekel	3.888049
Japanese Yen	100.769037
Kazakhstani Tenge	338.239990
Kuwaiti Dinar	0.301700
Latvian Lat	0.637019
Libyan Dinar	1.405000
Lithuanian Litas	3.129621
Malaysian Ringgit	4.014996
Mauritian Rupee	35.500000
Mexican Peso	18.622084
Nepalese Rupee	107.776041
New Zealand Dollar	1.372469
Norwegian Krone	8.541197
Omani Rial	0.385000
Pakistani Rupee	104.725000
Philippine Peso	47.134992
Polish Zloty	4.001062



## Dr na warda

Oranjestad  
Dr. Dirksz  
Tel. 587-9787  
San Nicolas  
Dr. Tromp  
Tel: 584-7224

## Botica na warda

Oranjestad: Maria Tel: 585-8145  
San Nicolas: Centro Medico Tel: 584-5794

### Schedule di crucero

Dia:	Fecha:	Crucero:	Yegada:	Salida:
Diaranson	6 juli	Freewinds	05.30	23.00
Diahuebs	7 juli	Carnival Splendor	07.00	16.00
Diasabra	9 juli	Freewinds	05.30	23.00
Diaranson	13 juli	Freewinds	05.30	23.00
Diahuebs	14 juli	Adventure of the Seas	07.00	18.00
Diasabra	16 juli	Freewinds	05.30	23.00
Diamars	19 juli	Carnival Valor	13.00	23.00
Diaranson	20 juli	Carnival Splendor	12.00	22.30
		Freewinds	05.30	23.00
Diasabra	23 juli	Freewinds	05.30	23.00
Diaranson	27 juli	Adventure of the Seas	08.00	23.00
		Freewinds	05.30	23.00
Diasabra	30 juli	Freewinds	05.30	23.00

Por fabor tene na cuenta cu e schedule por cambia.

## SERVICO DI TAXI

Aruba Transfer Tour & Taxi C.A.  
Pos Abao #41  
P.O.Box 723 Aruba  
Tel: 582-2116 / 582-2010  
Fax: 583-6988  
Taxi Adres Service (24h)  
L.G. Smith Blvd. #234  
Oranjestad Aruba  
Tel: 587-5900  
Fax: 587-1928  
E-Mail: [tas@setarnet.aw](mailto:tas@setarnet.aw)



## EMERGENCIA 911

### Polis

Oranjestad	100
San Nicolas	104
Santa Cruz	105
Noord	107

Tip Line	11141
Brandweer	115
Ambulance	911
Hospital	527-4000
Centro Medico	523-8833
Warda Costa	913
Seguridad Naccional	11911

### Botica

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	

	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupiaal	583-8560

### Utilidad

Setar	117
Web	525-4600
Elmar	523-7147

### Funeraria

Aurora	588-6699
Ad Patres	584-2299
The Olive Tree	584-8888

### Centrale Bank van Aruba Daily Exchange Rates - 07/08/2016



Currency <sup>1</sup>	Buying from Public <sup>2</sup>	Buying from Public <sup>3</sup>	Selling to Public
ANG	98.00	100.00	100.20
ANG1 <sup>4</sup>	-	-	100.00
USD	1.77	1.78	1.80
CAD	1.35	1.37	1.39
CHF	181.43	182.15	182.95
GBP	2.24	2.29	2.35
JPY	175.75	177.35	179.13
EUR	195.38	197.16	199.14
DKK	25.51	26.23	27.03
NOK	19.98	20.70	21.50
SEK	19.81	20.53	21.33

For amounts up to Afl. 100,000







Bo kier duna cacho un hogar? Yama awo! Aruba Animal Shelter 582-1623 Wayaca 128-B  
Donacion Aruba Animal Shelter – Bank account RBC Royal Bank 7700000032451794

Animal Care Clinic:  
582-8382

Cas Animal &  
Ambulance:  
742-8732

Contreras Veterinary  
Services:  
587-0917 / 593-0404

Veterinaire Kliniek Wayaca:  
582-1720 / 593-0603


Veterinary Services:  
585-0400 (Pick up of  
injured animals)

Serlimar:  
584-5080 (Pick up dead  
animals)

## Ideanan pa recicla



**BON DIA** Aruba  
**Si bo ta bebe no**  
**STUUR**



## FUNDACIONNAN

**Cas Di Cultura**  
Vondellaan 2 Aruba  
297-582-1010

**F A D A**  
Campanastraat 5 Aruba  
297-583-2999  
297-583-9610

**F A V I**  
Primavera 233 Aruba  
297-582-5051  
297-582-5222

**F E P O**  
Engelandstraat 15 Aruba  
297-583-1016  
297-583-6607

**Fundacion Autismo  
Aruba**  
Irenestraat 21 Aruba  
297-588-1179

**Fundacion Pa Nos  
Muchanan**  
Cumana 2 Aruba  
297-583-4247

**Fundacion Tel Pa  
Hubentud**  
Wilhelminastraat 19  
Aruba  
297-588-6138

**Koningin Wilhelmina  
Fonds**  
Spinozastraat 9 Aruba  
297-582-0412


**Mary Joan Foundation**  
Sabana Blanco 8 Aruba  
297-588-9999

**Ned Rode Kruis**  
Perdo Gallegostraat 14  
Aruba  
297-588-3376

**Famia Planea (SBVO)**  
Avenida Milio J Croes 17  
B Aruba  
297-588-9591  
www.famiaplanea.org  
famiaplanea@hotmail.com

**Stichting Fundacion  
Guia Mi**  
George Madurostraat 34  
297-582-0088

**Y M C A**  
Calbasstraat 1 Aruba  
297-582-3072



Bo kier duna un pushi of un cacho un hogar? Yama awo!  
Aruba Animal Shelter 582-1623.  
Wayaca 128-B.  
Donacion Aruba Animal Shelter – Bank account RBC  
Royal Bank 7700000032451794.

**Caribbean Cinemas**  
MEGAPLEX 8  
caribbeancinemas.com/aruba f Caribbean Cinemas Aruba

**JULY 7 - 13**

**NEW THIS WEEK!**

**3D** **PG**

**JENNY SLATE | KEVIN HART**  
**THE SECRET LIFE OF PETS**  
2D VERSION  
MON-THURS 4:35 | 6:40 | 8:50 • FRI 4:35 | 6:40 | 8:50 | 11:00  
SAT 2:30 | 4:35 | 6:40 | 8:50 | 11:00  
SUN & HOL 2:30 | 4:35 | 6:40 | 8:50  
3D VERSION  
MON-THURS 3:50 | 5:20 | 7:40 • FRI 3:50 | 5:20 | 7:40 | 9:50  
SAT 3:20 | 5:20 | 7:40 | 9:50 • SUN & HOL 3:20 | 5:20 | 7:40

**ALEXANDER SKARSGÅRD | RORY J. SAPER**  
**THE LEGEND OF TARZAN**  
WITH SPANISH SUBTITLES  
PREMIUM LARGE  
FORMAT AUDITORIUM  
MON-THURS 4:25 | 6:55 | 9:25  
FRI 4:25 | 6:55 | 9:25 | 11:55  
SAT 1:55 | 4:25 | 6:55 | 9:25 | 11:55  
SUN & HOL 1:55 | 4:25 | 6:55 | 9:25  
MON-THURS 5:30 | 8:00  
FRI 5:30 | 8:00 | 11:30  
SAT 3:00 | 5:30 | 8:00 | 11:30  
SUN & HOL 3:00 | 5:30 | 8:00

**ELIZABETH MITCHELL | FRANK GRILLO**  
**THE PURGE ELECTION YEAR**  
MON-THURS 4:55 | 7:15 | 9:35  
FRI 4:55 | 7:15 | 9:35 | 11:55  
SAT 2:35 | 4:55 | 7:15 | 9:35 | 11:55  
SUN & HOL 2:35 | 4:55 | 7:15 | 9:35

**ELLEN DEGENERES | ALBERT BROOKS**  
**Disney PIXAR FINDING DORY**  
WITH SPANISH SUBTITLES  
MON-THURS 4:05 | 6:20 | 8:40  
FRI 4:05 | 6:20 | 8:40 | 10:55  
SAT 1:50 | 4:05 | 6:20 | 8:40 | 10:55  
SUN & HOL 1:50 | 4:05 | 6:20 | 8:40

**DWAYNE JOHNSON | KEVIN HART**  
**CENTRAL INTELLIGENCE**  
MON-THURS 4:20 | 6:55 | 9:30  
FRI 4:20 | 6:55 | 9:30 | 12:00  
SAT 1:55 | 4:20 | 6:55 | 9:30 | 12:00  
SUN & HOL 1:55 | 4:20 | 6:55 | 9:30

**BLAKE LIVELY | ÓSCAR JAENADA**  
**THE SHALLOWS**  
WITH SPANISH SUBTITLES  
MON-THURS 4:55 | 9:40  
FRI 4:55 | 9:40 | 11:45  
SAT 2:50 | 4:55 | 9:40 | 11:45  
SUN & HOL 2:50 | 4:55 | 9:40 | 11:45

**LIAM HEMSWORTH | JEFF GOLDBLUM**  
**INDEPENDENCE DAY RESURGENCE**  
WITH SPANISH SUBTITLES  
MON-SUN & HOL 7:00

**STARTING JULY 14 | THE INFILTRATOR  
GHOSTBUSTERS • ICE AGE: COLLISION COURSE**

Palm Beach Plaza | Aruba | 586-0074 Download our NEW APP Available on the App Store Google play



## Wonton Soup



### Ingrediente:

- 150 gram di cabaron, sin cabes
- 100 gram di carni porco mula
- Un paki di wonton wrappers, pa e sopi aki bo mester di mas o menos 30
- 2 siboyo chikito, corta fini, fini
- 1 Bok-choy
- ¼ telep sesame oil
- 1 ½ cuchara di soy sauce
- 1 pida gember (gingerroot) di mas o menos 2 centimeter
- 1 liter di awa
- 2 bouillion vegetal of galiña
- ¼ telep di cornstarch (maizena)
- un tiki peper blanco


### Preparacion:

Pa e sopi, pone 1 liter di awa herbe cu e gember, 1 siboyo corta chikito. Laga esey herbe riba candela abou pa mei ora. Agrega e bok-choy. Combina e sesame oil, soy sauce y peper blanco den un conchi. Agrega e cornstarch y laga esey dissolve bon den e mescla. Corta e cabaron chikito, chikito y agrega esey den e mescla. Agrega e carni porco mula y mescla tur cos bon. Pone e wonton wrapper, e banda cu hariña abou, riba un planki pa corta. Agrega memey un telep di e mescla y seal e wonton muhando bo dede cu un tiki awa. Tin diferente manera pa cera wonton. Uza e manera cu bo ta gusta mas. Agrega e Wonton pa e sopi y laga esey cushina pa 5 minuut of te ora nan cuminsa float. Pone e Wonton soup den un comchi y garnish cu siboyin. □

## Sudoku BON DIA, train bo mente

Bon bini na Sudoku Bon Dia. Riba e pagina aki nos ta brinda bo tur dia tres sudoku den e siguiente secuencia, Facil, Medio. Pa resolve bo ta pone number den cada cuadra di tal forma cu cada rij crusa of bay abou tin e number un solo biaha. Tambe den cada cuadra chikito compara cu esun mas grandi tambe tin e numbernan 1 te cu 9. E number tampoco no por ripiti den e cuadra chikito. Trahando cu e numbernan cu tin poni caba ta yuda bo yega na e solucion. □

		2		7				
5	1			2			7	
7			4			2		
3			6			4		2
			9	5	7			
6		1			3			8
		7			4			9
	5			3			1	7
				6	5			



## Martinez Cocktail



### Ingrediente:

- 1 ½ ons di Old Tom gin
- 1 ½ ons di vermouth dushi (por ehempel Carpano Antica)
- 1 telep maraschino likeur
- 2 pida dash di apelsina
- Lamunchi pa draai y decora

### Preparacion:

Yena un glas di mix cu ijs. Pone acerca e gin, vermouth dushi, maraschino likeur y e pida di apelsina. Draai e casca di lamunchi pa saca e azeta y decora e bebida. □







**Cristiano Ronaldo:**  
Semper mi a soña pa gana Euro Cup pa mi team nacional Portugal

Mi a gana den termino di individual y cu mi club. Pero ganando e Euro Cup lo ta un logro importante pa Portugal. Mi tin mi dedenan crusa, pasobra mi ta kere, mi coleganan ta kere, Portugal ta kere, emigrantenan Portugues aki na Francia ta kere.

Nos mester ta positivo, pasobra mi ta kere cu diadomingo Portugal lo gana un trofeo importante.



### Mas gol den UEFA Euro 2016

Antoine Griezmann, kende ta e delantero di Atletico, ta riba e lista di tin mas gol anota den UEFA Euro 2016. E hungado a percura pa anota dos gol pa Francia contra di Alemania, y awo e tin seis gol. Esey ta pone cu e tin tres mas cu Cristiano Ronaldo. Te cu awo e ta e maximo goliado di UEFA Euro 2016. E delantero a hera un pinalti den e ultimo final di Champions League, pero e no a ripiti esaki den e semi final.





#### Lideman di Bota di Oro:

- 1 Antoine Griezmann, Francia: 6 gol (2 asistencia, 435 minuut)
- 2 Cristiano Ronaldo, Portugal: 3 gol (3 asistencia, 600 minuut)
- 3 Olivier Giroud, Francia: 3 gol (2 asistencia, 378 minuut)
- 4 Dimitri Payet, Francia: 3 gol (2 asistencia, 448 minuut)
- 5 Gareth Bale, Wales: 3 gol (1 asistencia, 533 minuut)
- 6 Nani, Portugal: 3 gol (1 asistencia, 586 minuut)














## UEFA EURO2016 FRANCE

10 Juli 15:00



2 Juli 15:00



### Ken lo ta campeón Portugal of Francia?

Mañan atardi Portugal y Francia lo topa otro den e final di Euro Cup 2016. E campeonato anterior a wordo gana pa Spaña pero nan a keda elimina. E biaha aki lo tin un campeón nobo. Ken e lo por ta?

Pa 3'or di atardi e wegá lo cuminsa. Asina cu esaki term ina, nos tur lo haya sa cua team nacional lo ta e campeón pe añá aki. Francia a gana e Euro Cup 2 biaha, mientras cu Portugal no a gana esaki niun biaha pero si a yega final 1 biaha. Ambos team lo subi veld cu e meta pa gana.



### Ban wak ken lo ta e referee pa diadomingo?

Diadomingo atardi lo ta e final di Euro Cup 2016. Manera e hungadonan, fanaticonan, dirigentenan ta importante pa ta na e wegá, referenan tambe ta hunga un papel importante.

E referee principal pe dia aki no lo ta ni di Portugal ni di Francia. Ta scoge pa pone un referee di otro nacionalidad pa asina no tin fraude durante wegá y mas cu claro e referee mester ta neutral.

Referee principal lo ta Mark Clattenburg di Inglatera.

Refereenan assistent lo ta: Simon Beck y Jake Collin di Inglatera.

E di cuater oficial lo ta: Viktor Kassai di Hungria.

Assistentnan adicional lo ta: Anthony Taylor y Andre Marriner di Inglatera.





Tel: 593-0857 / 588-6699 / 560-1403  
Fax: 588-6698

Dios a yamabo for di nos, pahibabo den su Reino  
Nos sa cu Senor ta banda di bo.  
"Pasobra Dios a stimamundoasinatanto, cu E a dunasuu-  
nicoyui pa tur cu ta kere den dj'e no bay perdi ma hayabi-  
daeterno".

A fayace cristianamente:



## Alcida Thodé Wester

Mi horconocico como "Mama of Chida"  
• 24-11-1923 – † 5-7-2016

Na nomber di suespos:  
† Pedro Ricardo Thodé

Na nomber di suyuinan :  
Erna y Juan Ras y yuinan  
† Johana Gregoria Maduro Thodé y yuinan  
Nadi Thodé y yuinan  
Milo y Rina Thodé na Hulanda  
Wim Thodé y yuinan y Vilma Kelly  
Robby y Dora Thodé y yuinan  
Carlos y Sita Thodé y yuinan  
Meri y Leo Solognier y yuinan  
Maiki Thodé  
Jeta y Roy Hart y yuina na Hulanda  
Hori y Mirna Thodé y yuinan  
Lourdes Thodé y yuinan y Juchi van Doornspeek  
† Prociano Thodé  
Mayra y Leo van der Biezen y yuinan  
† Jaqueline Thodé

34 Nieto y nietanan  
47 Bisnieto y bisanietanan  
11 Tarataranieto y nietanan

Tur subrino y subrinanan, subisinjanan y demasconocirnan  
miembronan di Kibrahachacomper y comernan y su comer  
stima Polita Alberts

Famianan: Thode, Wester, Angela, Christiaans, Ras, Croes,  
Jurgens, Kelly, Maduro, Rasmijn, Geerman, Solognier,  
Hart, Van Doornspeek, v/d Biezen, Thielman, de Cuba,  
Winklaar, Wernet, Kooiman, Willems, Alberts, Dabian,  
Pablo, Henricus, Tromp, Werleman, Kock, Haseth, Dirksz  
Curacao: Romero, Mujica, Suisse, Valentijn, Lan  
Bonaire: Martinus

Merca: Thomas

Demas famia ta invita tur amigo y bisinja y conocirnan  
pa asistina acto di entierocual lo tumalugar Diaranson July  
13, 2016. E restonan mortal di "Chida" lo ta reposa for  
di 2:00 pa 4:00 na Misa Inmaculada Concepcion na Santa  
Cruz.

Adres pa condolencia : Royal Funeral Home  
Diamars July 12, 2016

7:00 pm – 9:00 pm

Nos ta lamenta cu no ta ricibibishita di condolencia despues  
di entieronacás.

Nos ta pidinos disculpa cu den nostristesanos por a lubidaun  
of otrofamia of conocirnan.

## E ciencia tras di harimento, solamente ora bo hari

**ORANJESTAD** – Tin cos-  
nan cu ta pasa den nos  
curpa solamente ora nos  
hari, un articulo di the-  
guardian.com ta splica  
precisamente cual ta e  
ciencia tras di harimento  
y kico curpa humano ta  
haci precisamente.

Harimento, ta vence e uzo  
normal di nos cuerdenan vo-  
cal y movicion fisico. Pa e  
motibo ey ora nos hari nos  
ta haci zonidonan cu bo no  
lo scucha den ningun otro  
contexto. E bos di un ser hu-  
mano ta e instrumento mas  
complica cu ta existi. Ora nos  
papia nos ta crea zonidonan  
cu niun otro animal na mun-  
do por. Esaki ta refleha den  
un manera hopi precies kico  
adaptacion di evolucion kier-  
men.

Nos lenganan ta cortico, un  
tiki gordo y suave. Na lugá di  
ta largo y duro pa traha cun'e.  
Cual ta refleha e control bo-  
luntario cu nos tin riba nos  
boca y nos caha di ribchi.  
Cual ta esun cu ta duna nos  
permiso pa controla e acto  
di papia. Manera ningun  
otro animal por, ser huma-  
no por siña tono nan nobo  
pa comunica oralmente.  
Claro cu esaki no ta tur cos,  
banda di esey hende humano  
por canta, "beatbox" etc. E  
habilidad di cuerdenan vo-  
cal ta algo impresionante.  
Pero ora nos hari, tur e ac-  
tonan aki ta distrai pa un  
otro comportacion vocal.

### Kico ta pasa precisamente

Ora nos hari, e musculo-  
nan memey di ribchinan  
ta cuminsa haci contrac-  
cionnan grandi y fuerte.  
Esaki ta locual ta saca e aire  
di nos y ta saca zonido. Cada  
"hahaha" den un hari, ta re-  
fleha un di e contraccionnan  
aki. Nos curpa no ta haci  
nada mas pa duna forma



na e zonido di harimento.  
E ta un manera hopi basico  
pa haci un zonido. Y ora e  
contraccionnan aki cum-  
insa dal den otro, hende ta  
cuminsa haci zonido nan  
straño. Manera e zonido cu  
parce cu un hende ta fluit.

Un efecto hopi poderoso  
di hari ta cu si nos cuminsa  
hari extensivamente e ta bira  
hopi dificil pa no sigui hari.  
E hari lo sali di un manera of  
otro. Ora nos ta hari duro, e  
ta stop nos rosea, e ta stroba  
nos di papia y e ta saca tur



Pasobra cu nos ta forsa aire  
sali di nos bou di un presion  
hopi mas fuerte cu ora nos  
ta papia normalmente. Tam-  
be nos ta cuminsa produci  
tononan mas halto cu nos no  
ta produci den combersacion  
normal.

Tur hende a yega di haya nan  
mes ta hari den situacionnan  
increiblemente inapropia.

e aire di nos. Efectivamente  
e dicho "mi a hera muri di  
hari" pasobra tin ora e ta sinti  
manera cu e hari ta bay mata  
bo.

Cientificonan ta haci-  
endo desaroyonan grandi  
ora e ta yega na splica hari-  
mento y con e ta traha.  
Recientemente un estudio  
haci por a saca afo pa kico nos  
por hari ora hende kishiki nos  
pero no ora nos kishiki nos  
mes. Esaki tabata tin di haber  
cu e señalnan cu e cerebro ta  
ricibi ora nos mishi cu nos  
mes. Pero algun cos ainda ta  
un misterio, manera pakico  
nos curpa ta bira completa-  
mente debil y "sloppy" ora  
nos ta hariendo mucho duro.  
Un hari normal no ta laga  
nos curpa bira asina aki, ta  
ora nos ta exagera. Pues e ta  
emocion tras di e hari cu ta  
laga nos incapacita di move y  
no e hari su mes. □







Tel: 593-0857 / 588-6699 / 560-1403  
Fax: 588-6698

“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

Cu hopi tristesa pero conforme cu boluntad di Dios nos ta  
anuncia cu a bay laga nos den brasa di Señor :



## Alexia Maria Nicolaas Arends

Mihor conoci como “Alexia” of “Madu”  
\*26-02-1936 - †06-07-2016

Casa : Eustaquio Francisco Nicolaas  
Yiunan : Gilbert y Raquel Nicolaas-Albertsz  
Gregory y Bernadete Nicolaas-Sousa Abreu  
Mark Nicolaas y Marionette Nicolaas-Semerel

Nieto(a)nan :  
Joshua, Gerald, Christopher, Kiefer, Kevin, Kyle  
Manera nieto(a) : Monica y Maikel

Rumannan : †Ricarda y †Mathias Angela-Arends  
Ronny y Lucia Arends-Boekhoudt  
Jacinto y Jacintha Arends-Werleman  
Suegronan : †Sep y Johanna Albertsz-Angela  
Filomena y Domingos Abreu  
Mario y Martha Semerel-Dirks

Subrino(a)nan :  
Jenny y Patrick y yiunan, Kenneth y Eileen y yiunan,  
Ricky y Jennifer, Charise, Etienne y Daibelis y yiu  
Swa y cuñanan :  
Alfonso y Carmen Nicolaas y yiunan  
Euladio y Annamaria Nicolaas y yiunan  
Vda. Helena y †Jan Wanga y yiunan  
Vda. Lelia y †Alfred Verwij y yiunan  
Juan y Diana Nicolaas y yiunan

Primo(a)nan mas jega : Calista Paalman y famia, Elita de  
Cuba y famia, Beltra de  
Cuba y famia, Cerilia de Cuba y famia, Ika Bislip- v/d  
Linden  
Olivio de Cuba y famia  
Ihanan :  
Olinda Rasmijn y famia, Jennifer Angela y famia  
Liliana Rasmijn  
Amiga stima : Rita Rasmijn y famia  
Ayudante : Barbara Francis, Michaela Mondesir  
Bisiñanan : v/d Biezen, Paskel, Thijsen, Wever  
Primo(a)nan, amigo y conocirnan.

Demas famia : Nicolaas, Arends, Werleman, Angela, Boek-  
houdt, Albertsz, Semerel, Paalman, Sousa Abreu, de Cuba,  
Bislip, v/d Linden, Kock, Laurence, Reyes, Arendsz, Lar-  
monie, Henriquez, Cornes, Verwij, Wanga, Zoetrum,  
Winklaar, Rasmijn, Williams, Statie, Frans.

Ta invita pa acto di entierro cu lo tuma lugar diasabra 9 di  
juli 2016 na Misa Sagrado Curason na Savaneta di 9’or pa  
11’or di mainta, despues lo sali pa Santana Centraal Sabana  
Basora.

Condolencia lo tuma lugar diabierna 8 di juli 2016 na Roy-  
al Funeral Home di 7’or pa 9’or di anochi.

Nos disculpa si den nos tristesa nos por a lubida cualkier  
persona.



Tel: 593-0857 / 588-6699 / 560-1403  
Fax: 588-6698

Dios ta amor... y amor ta Dios.  
“Maske mi no ta na e mundo aki, tur dia lo mi ta banda di boso curason,  
mi por stens di loke Señor ta hasi”

Salmo 33

Agradecido pa tur locual e la significa pa nos y cu profundo dolor y tristeza na nos curason  
nos ta anuncia fayecimento inespera di mi Casa, nos Ruman, nos Omo, nos Welo y nos Tata  
Stima :

## Sr. Jose Jacob

## Carrasquero

Mihor conosi como “Bubu,  
Buchi, Daddy, of Jo”

★ 26-07-1954 - † 01-07-2016



Na number di su

Esposa : Sra. Sunilda Carrasquero – Loopstok

Yiu nan : Giovanni Carrasquero

Gilbert Carrasquero

Jerman Carrasquero

Mama di Criansa : †Elizabeth Boekhoudt - de Cuba

Mama : †Catalina Britten – Carrasquero

Tata : †Minguel Carrasquero

Nieta nan : Aislin

Ailin

Giovenne

Jaydeh

Roslyn

Gianna

Ruman nan : Maria Loreta & Canisio Tromp - Carrasquero ( na Hulanda )

Rosaria Maria Carrasquero ( na Hulanda )

Tanta & Omo nan :

†Carmen & †Feliz Tromp y Famia

Candido & †Paula Carrasquero y Famia

Juan ( Siro ) Carrasquero y Famia

†Reineta Boekhoudt y Famia

†Elizabeth Britten y Famia

†Bernadina Thode y Famia

Flora de Cuba y Famia

Sobrino y Sobrina nan : Freddy Tromp ( na Hulanda ) y Famia, Daymond Tromp y Famia

Daisy Tromp ( na Hulanda ), Nelson Tromp y Famia

Zoraida Tromp ( na Hulanda ) y Famia, Vicentico Carrasquero ( na Hulanda )

Marc Anthony Carrasquero ( na Hulanda ), Stacy-Lynn Carrasquero ( na Hulanda )

Iha nan : Calixto Boekhoudt, Erick Lacle, Natasha Loopstok,

Junior Lacle, Edrick Burleson, Jenneline Lacle y Nelsy Tromp

tur esnan cu e la stima manera yiunan

Swa & Cuña nan :

Roman & Sira Loopstok y Famia

Martilia Loopstok & Minguel Boekhoudt y Famia

Juan Loopstok y Famia

†Ramiro & Greta Loopstok y Famia

†Rey & Mina Loopstok y Famia

Felepina Loopstok & Famia

Chikela & †Maiky Lacle y Famia

Flora & Binchi Croes y Famia

Helena Loopstok & Hugo Geerman y Famia

Rafael & Anne Loopstok ( na Hulanda ) y Famia

Roberto Loopstok y Famia

Bon amiga( o ) nan di cas : Brodeline y Marijke, Bea, Tony, y Nery

Prima y Primo nan, Comer y Compennan, Colega nan di D.O.W, su 2 colega nan di trabou,

Amigo nan, Bisiña y conosirnan y demas Famia Carrasquero, Loopstok, Britten, De Cuba,

Tromp, Croes, Quandt, Maldonado, Boekhoudt, Odor, Everon, Thode, Zievinger, Farro,

Rozenberg, Henriquez, Wernet, Statie, Giel, Kelly, Webb, Franken y Eugenia

Ta invita pa asisti na acto di entierro cu lo tuma lugar Diasabra dia 9 di Juli 2016 di 2or pa 4or di  
atardi na Misa Santa Filomena na Paradera, despues saliendo pa Santana Pastoor Kraanwinkel  
na Paradera Lo cuminsa reza na kas diadomingo 10 di Juli y lo reza 8 dia.

Adres pa Condolencia : Calabas 35, Diabierna 08 di Juli 2016 for di 7or pa 9or di anochi.

Nos ta pidi Disculpa si den nos tristesa nos por a lubida un of otro famia, amiga(o) of conocir  
Nos ta lamenta cu despues di entierro nos no por ricibi bishita di condolencia na cas.





Tel: 593-0857 / 588-6699 / 560-1403  
Fax: 588-6698

Dios ta nos refugio,  
E ta nos fortaleza,  
El a resulta un yudador den mester.  
Salmo 46:1

Cu tristesa na nos curason pero conforme cu boluntad di Señor nos ta participa fayecimento di :



## Nilo Herman Chirino

Mihor conoci como "Chirino"  
\*26-09-1940 - †06-07-2016

Rumannan :  
Almirna Koolman y famia ( na Hulanda )  
Louis y Sharon Koolman y famia ( na Merca )  
Mario y Eugenia y famia  
Maria y Remy Kelly y famia  
Gerard y Silvia Koolman y famia  
Roland Koolman  
Jozef Koolman  
Swinda Koolman y Frederick Tromp y famia  
Antonieta Koolman y Donny Boekhoudt y famia  
George y Tessy Koolman y famia

Tur su sobrino- y sobrinanan, primo- y primanan, famianan na Aruba, Corsou, Hulanda, Merca y Venezuela.  
Tambe tur compaño(a)nan na Cas di Machi.

Acto di despedida lo tuma lugar na Aurora Funeral Home dialuna 11 di juli 2016 di 9'or pa 11'or di mainta.

Nos disculpa pero nos no ta ricibi bishita di condolencia na cas.



Tel: 593-0857 / 588-6699 / 560-1403  
Fax: 588-6698

"Dios ta amor...y amor ta Dios, maske mi no ta n'emundoaki, tur dia lo mi ta banda di bosocurason, mi porstens di lokeSeñor ta hasi"  
Salmo 33

Cu tristesa den noscurasonnos ta participafayecimentoinespera di;



## JOSE MARIO BOYÉ

Mihorconocicomo  
"Joël / Joë / Wewo"

\*18-06-1953 - + 02-07-2016

Na number di:

Mama:

+ Sylvia Flores

Tata: + Jose Andres Boyé

Casa: Angelica Boyé - Henriquez

Yuinan: Odile Boyé y fam.

Joziro Boyé y fam. Sylvienne Boyé y fam.

Nigel Angelo Boyé Nieto y nietanan: Zoe, Jaydziah, Akyrah, Damiano, Kyana y Kalani Rumannan:

+ Gabriel (Gabi) Flores Evelin Boyé y fam. Tom

Boyé y fam. Imelda Boyé y fam. Velda Nisbeth y fam.

Mirlanda Boyé y fam. Josje English y fam. Jimmy

Tromp y fam. Mescos ruman: Nolly Ras y fam.

Tanta y omonan: Ita Faneyte Flores y fam. (Ven.)

+ Buchi Flores y fam. + Capito Flores y fam. Vda. Eli

Ponson y fam. + Mando Flores y fam. + Tito Flores

y fam. Vda. Vera Brion y fam. Betty Flores Yolanda

y Nel Winklaary fam. Jenny Flores y fam. (Ven.)

Ernesto Margarita y demas famiana Corsow

Manera yiu:

Gerry Quandt Batle Quandt

Boy Palm

Sobrino y sobrinanan, swa y cuñanan, primo y primanan, su bon amigo y amiganancu tahopi pa menciona, ex-coleganan di C.E.A, coleganan di Ministerio di Infraestructura Desarrollo Teritorial y Integracion, bisña y conocirnan.

Demas famia; Boyé, Henriquez, Quandt, Dave-laar, Franken, Cellaire, Stamper, Tromp, Gamara, Oduber, Martis, Nisbeth, English, Margarita, Bouwers, Jandroep, Schotborg, Rincones, Rojas, Maduro, Laclé, v/d Biezen, Palm, Flores, Faneyte, Padron, Ponson, Winklaar, Brion, Marin, Franca, Dennert, Paula, Orman, Eman, Howard, Cicilia, Williams, Thodé, Sevinger, Alvarez y demas famia.

Ta invita pa asistina acto di entierro cu lo tumalugar Diasabradia 9 di juli 2016 di 2'or pa 4'or di atardina Pro Catedral San Francisco na Playa, despues saliendo pa Santana na Sabana Basora.

Adres pa condolencia: Aurora Funeral Home, diabierna 8 di juli 2016 di 7'or pa 9'or di anochi. Despues di entierro no ta ricibi bishita di condolencia na cas.

Nos disculpasi den momentodi tristesanospor a lubidaalgunfamia.



Tel: 593-0857 / 588-6699 / 560-1403  
Fax: 588-6698

"Laga tur locual ta spera mi ta bunita,  
Laga tur locual cu mi encontra na caminda ta bunita,  
Laga tur locual cu ta rondona mi ta bunita,  
Laga tur locual mi ta laga atrás keda bunita,  
Y laga esaki nan termina den tur bunitesa."  
(Cado Wever)

Cu inmenso tristesa na nos curason, nos ta participa fayecimento di mi mama, ruman, suegra, nos tanta, cuña y prima stima:



## Sra. Vda. Theresita

## Laclé - Vrolijk

\*25-07-1937 - † 06-07-2016

Na number di su:

Yui:

Andres (Ady) y esposa Ines Lacle-Taborda

Su nieto: Jason Andres Lacle

Su ruman: Florentino (Bubu) Vrolijk

Su Cuñanan: Sra. Vda. Lea Vrolijk-Dania  
Sra. Vda. Anita Vrolijk-Lacle  
Sra. Rita Lacle

Su Suegra: Sra. Virgelina Osorno

Sobrino y sobrinanan:

Rose-Ann y Tivo Vasquez y yuinan

Suzette Vrolijk

Randolph Vrolijk y Raiza Carolina

Rensley Vrolijk

Karina Petrocchi y yuinan na Hulanda

Mescos cu Sobrinonan: Catrien Petrochi y famia - Jani y Dina Petrochi y famia - Eugenia y Tico Bremer y famia

Irena Petrochi y famia - Cecilia Petrochi y famia

- Leandro y Astrid Petrochi y famia

John Petrochi - Mary y Hans Klappers y famia

Elsa Lacle y famia - Corry Lacle y famia

Frans Lacle y famia

Su Iha nan: Catrien Petrochi  
Jenny Loopstok

Su primo y primanan, comer y compernan, su bon bisinjanan, Grupo di Kawara, demás famia y conocirnan

ta invita pa e acto di entierro cu lo tuma lugar diasabra 9 di juli 2016 pa 11or di mainta saliendo for di Aurora Funeral Home pa Santa Pastoor Kranwinkel na Paradera. E resto mortal di Theresita lo reposa for di 9or di mainta den Aurora Funeral Home.





*Aurora*  
*Funeral Home*  
Tel: 593-0857 / 588-6699 / 560-1403  
Fax: 588-6698

The Lord is my Shepherd, I shall not want  
He makes me lie down in green pastures  
He leaded me besides still waters: He restores my soul  
And I will dwell in the house of the Lord forever  
Psalm 23

With deep sympathy we announce the passing away of:



**Yik Kwong Li**  
Better known as "David"  
★01-05-1948 - †02-07-2016

Son and brother of the late:

- † Kwai Sum Lee (father)
- † Yin Fong Lee (mother)
- † Neil Lee (brother)
- † Hugh Lee (brother)

Left to mourn by his surviving brothers and sister:

- Robert Lee & family
- Richard Lee & family
- Janet Chin & family
- William Lee & family
- George Lee & family

Family Lee, spouses, nephews/nieces and friends.

Special thanks to:

Sherman, Shullan, Bill and to all, who extended unconditional Love and Care to David.

Opportunity to pay last respects will be on Monday July, 11th from 9am to 11am at Seed of Life in San Nicolaas.

*Aurora*  
*Funeral Home*  
Tel: 593-0857 / 588-6699 / 560-1403  
Fax: 588-6698

"Bou di alanan di Dios mi ta sigur"

Abo ku ta biba bou di amparo di Altisimo, ta hospedá den sombra di Dios Omnipotente, bisa Señor:

"Mi refugio, mi forti, mi Dios, den kende mi ta pone mi konfiansa"

Salmo 91:1-2



**Camilio Federico Noor**  
★18-07-1935 - †05-07-2016  
Acto di entierio lo wordo anuncia despues

*Aurora*  
*Funeral Home*  
Tel: 593-0857 / 588-6699 / 560-1403  
Fax: 588-6698

Señor, mi ta yama Bo; bini pronto serka mi,  
skucha mi bos: Mi ta sklama na Bo!

Salmo 141.1



**Epifanio Damasco Ras**  
Mihor conoci como "Fani"  
★03-08-1932- †04-07-2016



**Andres Felis Ferdinando Ras**  
★30-05-1963- †06-07-2016

&

Acto di entierio lo wordo anuncia despues



Regering van Aruba



**DIRECTIE SCHEEPVAART ARUBA**

Director, staff y personal di Directie Scheepvaart Aruba ta  
anuncia fayecimento di:



**Sra. Alexia Maria Nicolaas - Arends**  
Na bida mama di nos colega Mark Nicolaas

Na su casa Sr. Eustaquio Nicolaas, su yuinan: Gilbert y Raquel,  
Gregory y Bernadete, Mark Nicolaas y Marionete, su  
nieto(a)nan, rumannan, conocir y amistadnan di Sra. Alexia,  
Directie Scheepvaart Aruba ta extende su mas sincero  
palabranan di condolencia. Cu Sra. Alexia sosega na paz.



## Mas y mas tienda ta uniendo na campaña di Back to School di Aruparking



**ORANJESTAD:** Campaña di Back to School di Aruparking conhuntamente cu comerciantenan den centro di ciudad ta bayendo sumamente positivo. Diabierna siman pasa a cuminsa cu e campaña cu lo sigui bay te cu september.

Ta asina cu Aruparking uni forsa cu comerciantenan den caya pa asina conhuntamente por ofrece e clientenan algo special. A acerca tur tienda den e zona cu Aruparking ta opera pa forma parti di e campaña y for di cuminsamento varios tienda a reacciona positivamente pa cu esaki y durante e siman aki varios otro a uni nan mes y sin duda algun lo mira mas durante e dianan nos dilanti.

Clientenan por identifica e tiendanan participante a traves di un sticker especialmente diseña pa e campaña

cu ta encera cu pa cada compra di 35 Florin e cliente lo ricibi 1 Florin di descuento, es decir, lo mester paga 34 Florin. Pa cada compra di 50 Florin e cliente lo ricibi 2 Florin descuento, pagando 48 Florin. Pa compra di 100 Florin of mas na e tiendanan participante, e cliente lo por pasa cu e recibo na Aruparking y lo ricibi completamente gratis un smart card cu 10 Florin riba dje pa por uze durante su siguiente bishitanan den caya.

Aruparking ta wak cu di e forma aki conhuntamente cu comercio por promociona Caya Betico Croes pa cada bes mas hende por yega y sostene comercio local. E tiendanan cu ta participando den e campaña ten a e momentonan aki ta Collins, Dolce Gabana, Shoebaloo, Paleis Oriental, Lian Gift Shop, Boolchands, Friends



of God, Angelo Fashion, Jeans Alley, Diesel, La Martina, Shoebaloo Sports, Sams, Pandora, Sun Specs, Mango, The Sting, Wulfsen & Wulfsen, RadioShack, StarFashion, Sport Caribe y Cilo.

Den apenas 1 siman di tempo ya caba Aruparking a haci entrega di aproximada-



mente 100 smartcards cu 10 Florin di credito riba nan, promocionando asina pa e clientenan por yega bek den centro di ciudad pa sigui haci nan compras den un ambiente hopi agradabel y sosteniendo nos comercio local. □

